



廣 注 曾 氏

經史百家雜鈔

第 三 冊



世 界 書 局 印 行

書甘誓

大戰于甘。乃召六卿。王曰。嗟。六事之人。予誓告汝。有扈氏威侮五行。怠棄三正。天用剿絕其命。今予惟恭行天之罰。左不攻于左。汝不恭命。右不攻于右。汝不恭命。御非其馬之正。汝不恭命。用命賞于祖。不用命戮于社。予則孥戮汝。

〔釋義〕 (一)甘誓〔書序〕啟與有扈戰於甘之野。作甘誓。甘地名。有扈氏國之南郊也。(二)六卿。六卿之卿也。按周禮。鄉大夫每鄉卿一人。六鄉六卿。平居無事。則各掌其鄉之政教禁令。而屬於大司徒。有事征伐。則各率其鄉之一萬二千五百人。而屬於大司馬。(三)嗟。重其事。故嗟嘆而告之。(四)六事。有事於六軍。禮者。禮也。(五)有扈氏。國名。與夏同姓。即今陝西鄜縣地。史記。啟立。有扈不服。遂滅之。(六)威侮五行。五行財用所出。有扈氏暴殄輕忽之。(七)怠棄三正。三正。建子。建丑。建寅。三正朔也。有扈氏不循正朔。怠慢廢棄之。(八)有扈氏。有扈氏。輕忽不敬。廢棄正朔。獲罪于天。天用剿絕其命。令我伐之。惟敬行天之伐而已。(九)左。戰車之左。高。善治也。(二)右。戰車之右。(三)古者車戰之法。用士二人。一居左以主射。一居右以主擊。刺御者主中。以主馬。國。國也。(三)天子親征。必載其遷廟之主。與其社主以行。以示賞戮之不敢專也。(四)孥。子也。言戮及妻子。

書湯誓

王曰。格爾衆庶。悉聽朕言。非台小子。敢行稱亂。有夏多罪。天名殛之。今爾有衆。汝曰我后。不恤我衆。舍我穡事。而割正夏。予惟聞汝衆言。夏氏有罪。予畏上帝。不敢不正。今汝其曰。夏罪其如台。夏王率遏衆力。率割夏邑。有

國立虎馬高 國由國家 圖書館藏

衆率怠弗協。曰時日曷喪。予及汝皆亡。夏德若茲。今朕必往。爾尙輔予一人。致天之罰。予其大賚。汝爾無不信。朕不食言。爾不從誓言。予則孥戮汝。罔有攸赦。

【註音】(台)音胎

【釋義】(一)湯誓。夏桀暴虐。湯將伐之。誓師於亳都。(二)王曰者。史臣追述之詞也。(三)格。來也。(四)台。我也。(五)稱。舉也。(六)亳邑之民。安於湯之德政。桀之虐焰所不及。故不知夏氏之罪。而憚伐桀之勞。反謂湯不惜亳邑之衆。舍我刈穫之事。而斷正有夏。湯言我亦聞汝衆論如此。然夏桀暴虐。我畏天命。不敢不往。正其罪也。(七)湯舉商衆言。桀雖暴虐。其如我何。(八)遏。絕也。割。刑也。謂夏王率爲重役。以窮民力。復嚴刑以殘民生。民厭夏德。亦率皆怠於奉上也。(九)時。是也。謂是日果何時始亡乎。若亡。則我願與汝等偕亡。(一〇)賚。賜予也。(一一)食言。言已出而復自違背也。(一二)攸。所也。

書牧誓

時甲子昧爽。王朝至于商郊牧野。乃誓。王左杖黃鉞。右秉白旄。以麾。曰。逖矣。西土之人。王曰。嗟。我友邦冢君。御事司徒。司空。亞旅。師氏。千夫長。百夫長。及庸。蜀。羌。鬲。微。盧。彭。濮。人。稱爾戈。比爾干。立爾矛。予其誓。王曰。古人有言曰。牝雞無晨。牝雞之晨。惟家之索。今商王受。惟婦言是用。昏棄厥肆。祀弗答。昏棄厥遺。王父母弟不迪。乃惟四方之多罪逋逃。是崇。是長。是信。是使。是以爲大夫。卿士。俾暴虐于百姓。以茲究于商邑。今予發。惟恭行天之罰。今日之事。不愆于六步。七步。乃止齊焉。夫子勛哉。不愆于四伐。五伐。六伐。七伐。乃止齊焉。勛哉夫子。尙桓桓如虎。如貔。如熊。如羆。于商郊。弗

牙克奔以役西土勸哉夫子爾所弗勸其于爾躬有戮。

〔釋義〕（一）牧警牧地名。在朝歌南。武王伐紂。軍於牧野。臨戰警衆也。（二）甲子二月四日也。（三）味爽。黎明也。（四）牧野。紂之南郊。在今河南淇縣南。（五）鉞。斧也。以金爲飾。王者無自用鉞之理。左杖以爲儀耳。（六）白旄。竿飾牛尾之旗。白色。所以指揮軍士者。謂右手執白色旄旗也。（七）遠也。（八）冢君。長君也。（九）御事。本國治事之臣。（一〇）司徒。司馬。司空。三卿也。司徒主民政。司馬主軍事。司空主土治壘壁以營軍。（二）亞。次也。旅衆也。位次于卿之大夫。其屬士衆于卿。（三）師氏。以兵守門者。（三）千夫長。統千人之帥也。（四）百夫長。統百人之帥也。（五）庸蜀兇擊。微盧彭濮。皆古戎狄國名。〔左傳〕庸與百濮。伐楚。庸濮在江漢之南。兇在西蜀。擊微在巴蜀。盧彭在西北。（六）稱。舉也。（七）比。並也。（八）索。蕭索。牝雞無司晨之理。牝雞而司晨。則陰陽反常。其家必主蕭索也。（九）受。紂又名受。（一〇）〔列女傳〕紂好酒淫樂。不離妲己。妲己所舉者貴之。所憎者誅之。惟妲己之言是用。（三）紂以昏亂。棄其所當陳之祭祀。而不知報本也。（三）王父。祖也。母弟。同母弟也。迪。道也。言紂以昏亂。棄其祖父。母弟。而不以道遇之也。（三）乃。惟四方多罪逃亡之人。尊崇而信使之也。（四）發。武王名。（五）衍。過也。步。進趨也。齊。齊整也。今日之戰。不過六步七步乃止。而齊此告之。以坐作進退之法。所以戒其輕進也。（六）勸。勉也。（三）伐。擊刺也。少不過四五。多不過六七。而齊此告之。以攻殺擊刺之法。所以戒其貪殺也。（六）桓桓。勇武貌。（元）弗。迂克奔。迂。迎也。克。進擊也。謂商衆來降。弗。迎頭追擊也。

書呂刑

惟呂命。王享國百年。耄荒度作刑。以詰四方。王曰。若古有訓。蚩尤惟始作亂。延及於平民。罔不寇賊。鳴義。姦宄。奪攘矯虔。苗民弗用靈。制以刑。惟作五虐之刑。曰法。殺戮無辜。爰始淫爲。劓。劓。椽。黥。越茲麗刑。並制。罔差有辭。民與胥漸。泯泯。焚焚。罔中于信。以覆詛盟。虐威庶戮。方告無辜于上。上帝監民。罔有馨香德。刑發聞。惟腥。皇帝哀矜庶戮之不辜。報虐以威。遏絕。絕。苗民。無世在下。乃命重黎。絕地天通。罔有降格。羣后之逮在下。明明。斐。常。繇。

寡無蓋。皇帝清問下民。鰥寡有辭于苗。德威惟畏。德明惟明。乃命三后。恤
功于民。伯夷降典。折民惟刑。禹平水土。主名山川。稷降播種。農殖嘉穀。三
后成功。惟殷于民。士制百姓于刑之中。以教祗德。穆穆在上。明明在下。灼
于四方。罔不惟德之勤。故乃明于刑之中。率乂于民。斐彝典獄。非訖于威
惟訖于富。敬忌罔有。擇言在身。惟克天德。自作元命。配享在下。王曰。嗟。四
方司政典獄。非爾惟作天牧。今爾何監。非時伯夷播刑之迪。其今爾何懲。
惟時苗民。匪察于獄之麗。罔擇吉人。觀于五刑之中。惟時庶威奪貨。斷制
五刑。以亂無辜。上帝不蠲。降咎于苗。苗民無辭于罰。乃絕厥世。王曰。嗚呼。
念之哉。伯父伯兄。仲叔季弟。幼子童孫。皆聽朕言。庶有格命。今爾罔不由
慰。日勤爾罔。或戒不勤。天齊于民。俾我一日。非終惟終。在人爾尙敬。逆天
命。以奉我一人。雖畏勿畏。雖休勿休。惟敬五刑。以成三德。一人有慶。兆民
賴之。其甯惟永。王曰。吁。來。有邦有土。告爾祥刑。在今爾安百姓。何擇非人。
何敬非刑。何度非及。兩造具備。師聽五辭。五辭簡孚。正于五刑。五刑不簡。
正于五罰。五罰不服。正于五過。五過之疵。惟官惟反。惟內惟貨。惟來其罪。
惟均。其審克之。五刑之疑有赦。五罰之疑有赦。其審克之。簡孚有衆。惟貌
有稽。無簡不聽。具巖天威。墨辟疑赦。其罰百鍰。閱實其罪。劓辟疑赦。其罰
惟倍。閱實其罪。剕辟疑赦。其罰倍差。閱實其罪。宮辟疑赦。其罰六百鍰。閱

實其罪。大辟七五疑赦。其罰千鍰。閱實其罪。墨罰之屬千七六。劓罰之屬千七六。剕罰之屬千七六。剕罰之屬千七六。剕罰之屬千七六。

屬五百。宮罰之屬三百。大辟之罰。其屬二百。五刑之屬三千。上下比罪七七。無

僭亂辭。勿用不行。惟察惟法。其審克之。上刑適輕下服。下刑適重上服七八。輕

重諸罰有權。刑罰世輕世重。惟齊非齊。有倫有要。罰懲非死。人極于病八三。非

佞折獄。惟良折獄。罔非在中。察辭于差。非從惟從。哀敬折獄。明啓刑書。胥

占咸庶中正。其刑其罰。其審克之。獄成而孚。輸而孚。其刑上備。有弁兩刑八八。

王曰。嗚呼。敬之哉。官伯族姓。朕言多懼。朕敬于刑。有德惟刑九一。今天相民。作

配在下。明清于單辭。民之亂罔不中聽。獄之兩辭。無或私家于獄之兩辭九二。

獄貨非寶。惟府辜功。報以庶尤。永畏惟罰。非天不中。惟人在命。天罰不極九三。

庶民罔有令政在于天下。王曰。嗚呼。嗣孫。今往何監。非德于民之中。尙明

聽之哉。哲人惟刑。無疆之辭。屬于五極。咸中有慶。受王嘉師。監于茲祥。刑九四。

【釋義】(一)呂侯爲天子司寇。穆王命訓刑以誥四方。史錄爲篇。今古文皆有。(二)與說命語意同。(三)老

而昏亂之稱。(四)忽也。(五)言鴻荒之世。渾厚敦龐。蚩尤始開暴亂之端。(六)驪屬黧。延及平民。無不爲寇。爲

賊。(七)謂以鷓鴣跋尾爲義。(八)矯虔者。矯詐虔劉也。(九)苗民承蚩尤之暴。不用善而制以刑。惟作五虛之刑。

名之曰法。(一〇)刺鼻。取耳。極竅。黥面之法。(一一)於麗法者。必刑之。并制無罪不復。以曲直之辭爲差別。皆刑之也。

(一二)泯泯昏也。(一三)夢夢亂也。(一四)民相斷染爲昏。爲亂。無復誠信。(一五)相與反覆。詭盟而已。(一六)虛政作威。衆

被戮者。方各無罪於天。(一七)謂天視苗民。無有馨香德。而刑戮發聞。莫非腥穢。(一八)舜也。(一九)報苗之虛。以我之

而不得自伸者也。(二)清問。虛心以問也。(三)苗以虐為威。以察為明。帝反其德。以德威。而天下無不感。以德明。而天下無不明也。(四)恤功。致憂民之功也。(五)典。禮也。(六)三后成功。而致民之殷盛富庶也。(七)命。泉陶為士。制百姓於刑辟之中。所以檢其心而教以砥德也。(八)穆穆者。和敬之容也。(九)明明者。精白之容也。(十)謂穆穆明明。光輝發越而四達也。(十一)君臣之德昭明。故民為善而不能自已也。(十二)謂如是而猶有未化者。故士師明于刑之中。使無遺不及之釜。率又于民。輸其常性。所謂刑罰之精華也。(十三)訖。盡也。(十四)威。權勢也。(十五)富。賄賂也。當時典獄之官。非惟得盡法於權勢之家。亦惟得盡法於賄賂之人。言不為威屈。不為利誘也。(十六)謂敬忌之至。無有擇言。在身大公至正。純乎天德。無毫髮不可舉以示人者。天德在我。則大命自我作。而配享在下矣。在下者。對天之辭。(十七)司政典獄。諸侯也。(十八)為諸侯主刑獄。而言非爾諸侯為天牧養斯民乎。為天牧民。則今爾何所監。爾所當監者。非伯夷乎。所當懲者。非有苗乎。伯夷布刑以啓迪斯民。捨泉陶而言伯夷者。探本之論也。(十九)附也。苗民不察於獄辭之所麗。又不擇吉人俾觀於五刑之中。惟是貴者以權威亂政。富者以貨奪法。斷制五刑。亂虐無罪。上帝不誦貸而降罰於于苗。苗民無所辭其罰。而遂殄滅之也。(二十)格。至也。(二十一)參錯訊鞠。極天下之勞者。莫若獄。苟有毫髮怠心。則民有不得其死者矣。罔不由慰日勤者。爾所用以自慰者。無不以日勤。故職舉而刑當也。(二十二)爾罔或戒不勤者。刑罰之用。一成而不可變者也。苟傾刻之不勤。則刑罰失中。雖深戒之。而已施者已無及矣。(二十三)刑獄。非所以特為治者也。天以是整齊亂民。使我為一日之用而已。(二十四)非終。即康誥大罪非終之謂。言過之當宥者。惟終。即康誥小罪惟終之謂。言過之當辟者。非終惟終。皆非我得。輕重惟在夫人所犯耳。(二十五)畏。誦威。威。辟之也。(二十六)休。宥之也。(二十七)惟敬乎五刑之用。以成剛柔正直之德。與君慶於上。民賴於下。而安寧之福。其永久而不替矣。(二十八)有民社者。皆在所告也。(二十九)大刑凶器也。而謂之祥者。刑期無刑。民協於中。其祥莫大焉。(三十)及。逮也。漢世詔獄所逮。有至數萬人者。審度其所當逮者。而後可逮之也。(三十一)兩造者。相爭之雙方也。具備者。皆在也。(三十二)師。衆也。五辭。麗於五刑之辭也。(三十三)簡。核其實也。孚。無可疑也。(三十四)正。質也。五辭簡核。而可信乃質于五刑也。(三十五)不簡者。辭與刑參差。不應。刑之疑者也。(三十六)罰。贖也。疑於刑則贖于罰也。(三十七)不服者。辭與罰又不應也。罰之疑者也。(三十八)備。誤也。疑於罰則贖于過而宥免之也。(三十九)疵。病也。(四十)官。威勢也。反報德怨也。(四十一)內。女。誘也。貨。賄賂也。來于請也。(四十二)審克者。察之詳而盡其能也。(四十三)簡核情實。可信者衆。亦惟考察其容貌。(四十四)然聽獄以簡核為本。苟無情實在所不聽。上帝臨汝。不敢有毫髮之不盡也。(四十五)墨。刻額。而涅之也。(四十六)六兩曰緡。(四十七)閱。視也。(四十八)劓。割鼻也。(四十九)倍。二百緡也。(五十)刑。則足也。(五十一)倍。倍而又差。五百緡也。(五十二)宮。腐淫也。(五十三)大辟。死刑也。(五十四)魘。類也。(五十五)比。附也。罪無正律。則以上下刑而比附其罪也。(五十六)事在

上刑而情適輕。則服下刑。(一五)事在下刑。而情適重。則服上刑。(一六)權者。從退推移以求其輕重之宜也。(一七)謂刑罰隨世而爲輕重也。(一八)言刑罰雖唯權變是適。而齊之以不齊焉。至其倫要所在。蓋有截然而不可紊者矣。(一九)罰以懲過。雖非致人於死。然民重出贖。亦甚病矣。(二〇)飯。口才也。非口才不能辯之人。可以折獄。惟溫良長者。能折獄而無不在中也。(二一)謂辭非情實。終必有差。變獄之要。必於其差而察之。(二二)謂察辭不可偏主。猶曰不然而然。所以審輕重而取中也。(二三)言惻怛。及畏以求其情也。(二四)言詳明法律而與衆占度也。(二五)謂皆庶幾其無過忒也。(二六)謂於是刑之罰之。又當審克之也。(二七)若是則獄成於下。而民信之。獄輸於上。而君信之。(二八)言上其斷獄之書。當備情節。一人而犯兩事者。罪雖從重。亦并兩刑而上之也。(二九)官。典獄之官也。伯。諸侯也。族。同族。姓。異姓也。(三〇)股之於刑。言且多懼。况用之乎。(三一)言畏之至也。(三二)言厚之至也。(三三)今天以刑相治斯民。汝實任責作配在下也。(三四)獄辭有單有兩。單辭者。無證之辭也。曰。明日清。誠敬篤至。表裏洞徹。無少私曲。然後能察其情也。(三五)亂治也。(三六)獄貨。鬻獄而貨也。(三七)府。聚也。辜功。猶云罪狀也。(三八)謂降之百殃也。(三九)謂非天不以中道待人。惟人自取其禍殃之命。(四〇)嗣孫。嗣世子孫也。(四一)言今德何所監視。非用刑成德。而能全民所受之中者乎。(四二)哲人。卽所當監者。(四三)五極。五刑也。(四四)明哲之人。用刑而有無窮之譽。蓋有五刑咸得其中。所以有慶也。(四五)嘉善也。師。衆也。(四六)言諸侯受天子。良民善衆。當監視于此。詳刑申言以結之也。

書文侯之命

王若曰。父義和。丕顯文武。克慎明德。昭升于上。敷聞在下。惟時上帝集厥命于文王。亦惟先正克左右。昭事厥辟。越小大謀猷。罔不率從。肆先祖懷在位。嗚呼。閔予小子。嗣造天丕愆。殄資澤于下民。侵戎我國家。純卽我御事。罔或者壽。俊在厥服。予則罔克。曰。惟祖惟父。其伊恤朕躬。嗚呼。有績予一人。永綏在位。父義和。汝克昭乃顯祖。汝肇刑文武。用會紹乃辟。追孝于前文人。汝多修扞我于艱。若汝予嘉。王曰。父義和。其歸視爾師。寧爾邦。用

賚爾秬鬯一卣彤弓一彤矢百。盧弓一。盧矢百。馬四匹。父往哉。柔遠能邇。惠康小民。無荒寧。簡恤爾都用。成爾顯德。

【註音】(秬)音鉅(鬯)音暢(卣)音酉

【釋義】

(一)文侯之命。幽王爲犬戎所殺。晉文侯與鄭武公。迎立平王。平王以文侯爲方伯。錫以秬鬯弓矢。作策命之。(二)父義和。文侯與周同姓。故王稱父。文侯名仇。字義和。(三)不顯。丕。大也。顯。明也。言其德之所成。

(四)克慎者。言其德之所修。(五)昭升。數聞。言其德之所至也。敷布而聞於下民。(六)時。是也。(七)文王之德如此。故上帝集厥命於文王。(八)先正。文王之臣。(九)克。能也。辟。君也。謂能於左右昭事其君也。(一〇)越。發語辭。於也。謂於小大謀猷之事。無不順從也。(一一)肆。故也。謂故我先祖自文武而下諸君。得以安然在位也。(一二)嘆而自痛傷也。(一三)閔。憐也。(一四)造。遭也。謂嗣位之初。遭天之大譴。父死國敗也。(一五)殄。絕也。絕其資用。惠澤於下民也。(一六)純。大也。謂大我侵陵。我國之害甚大。(一七)謂今我治事之臣。無有老成俊傑。在厥服官者。而我小子又才劣無能。其何以濟難。罔克。無能也。(一八)惟祖惟父。謂與周同姓之諸侯。在我若祖若父之列者。其誰能憐恤我乎。(一九)言有能致功于一人。則可永安厥位矣。(二〇)乃顯祖。乃汝也。顯祖。謂晉始封之祖唐叔虞。(二一)舉刑。舉。始也。刑。法也。(二二)會紹。會者合之。而使之不離。紹者繼之。而使之不絕。(二三)文人。文侯之先人唐叔也。(二四)蔡傳。汝多修完。扞衛我于艱難。若汝之功。我所嘉美也。(二五)師。衆也。(二六)秬鬯一卣。黑黍曰秬。釀以鬯草。卣。中樽也。諸侯受錫命。當告其始祖。故賜鬯也。(二七)彤。赤色。(二八)盧。黑色。(二九)無荒寧。無或荒怠逸樂也。(三〇)簡恤爾都用。必簡閱士卒。矜恤人民。於汝國之都鄙也。

書費誓

公曰。嗟。人無譱。聽命。徂茲淮夷。徐戎竝與。善敕乃甲冑。敵乃干。無敢不弔。備乃弓矢。鍛乃戈矛。礪乃鋒刃。無敢不善。今惟淫舍。牝牛馬。杜乃獲。斂乃。無敢傷牝。牝之傷。汝則有常刑。馬牛其風。臣妾逋逃。無敢越逐。祇復之。我商賚汝。乃越逐不復。汝則有常刑。無敢寇攘。踰垣牆。竊馬牛。誘臣妾。汝

則有常刑。甲戌我惟征徐戎。峙乃糗糧。無敢不逮。汝則有大刑。魯人三郊三遂。峙乃楨榦。甲戌我惟築。無敢不供。汝則有無餘刑。非殺魯人三郊三遂。峙乃芻芟。無敢不多。汝則有大刑。

【註音】(費)音秘(敷)音響(敷)音皎(據)音化

【釋義】(一)費誓。費地名。即今山東費縣。時淮夷徐戎並起爲寇。魯侯征之於費。誓衆。故以費誓名篇。(二)魯公伯禽受封之初。遂承王命。率諸侯以討叛。因誓於衆曰。嗟爾從征之人。無得喧譁。以聽我命。(三)徂。往也。茲此也。謂往征此淮備之夷。徐州之戎。並與爲寇者。(四)敷。縫完也。縫完其甲冑。勿使斷毀。(五)敷。繫也。(六)弔。精至也。(七)錡。淬也。(八)礪。磨也。(九)淫。大也。舍放也。牲。閉牧也。古之出師。負載車戰。必須牛馬。故大放閉牧之牛馬于四野也。(一〇)杜。塞也。據。機檻也。(一一)斂。塞也。穿。陷穿。(一二)牲。謂開放之牛馬。(一三)風。放也。牝牡相誘。謂之風馬牛。謂牛馬因牝牡相誘。而放佚也。(一四)役人。賤者。男曰臣。女曰妾。(一五)越逐。越軍壘而逐之也。(一六)如得放佚之牛馬。遺逃之臣妾。不得取藏。須敬還原主。我當爾度汝功。以賚汝也。(一七)不復。不歸原主也。(一八)甲戌。出師之期。(一九)峙。儲備也。糧。糧食也。(二〇)不逮。謂儲糧缺乏。不及衆人食也。(二一)國外曰郊。郊外曰塗。天子六軍。則六郊六塗。大國三軍。故魯三郊三塗也。(二二)板築之木。題曰楨。牆端之木也。旁曰榦。牆兩邊障土者也。(二三)非殺者。刑之非一。但不至于殺。(二四)芻芟。供軍牛馬之用。(二五)軍以期會。芻糧爲急。故皆服大刑。

書秦誓

公曰。嗟我士。聽無譁。予誓告汝羣言之首。古人有言曰。民訖自若是多盤。責人斯無難。惟受責俾如流。是惟艱哉。我心之憂。日月逾邁。若弗云來。惟古之謀人。則曰。未就予忌。惟今之謀人。姑將以爲親。雖則云然。尙猷詢茲黃髮。則罔所愆。番番良士。旅力旣愆。我尙有之。佗佗勇夫。射御不違。我尙不欲。惟截截善諛言。俾君子易辭。我皇多有之。昧昧我思之。如有一介臣。

斷斷猶無他技。其心休休焉。其如有容。人之有技。若己有之。人之彥聖。其心好之。不啻如自其口出。是能容之。以保我子孫黎民。亦職有利哉。人之有技。冒疾以惡之。人之彥聖。而違之。俾不達。是不能容。以不能保我子孫黎民。亦曰殆哉。邦之杌隉。曰由一人。邦之榮懷。亦尙一人之慶。

【註音】(乞)音屹。(斷)音綴。(杌隉)音兀業。

【釋義】(一)秦誓。蔡傳。晉襄公帥師敗秦師於殽。囚其三帥。穆公悔過。警告羣臣。(二)首之爲言第一義也。將舉古人之言。故先發此。(三)訖盡也。自若猶如此也。盤安樂也。謂凡人盡如此之多。爲盤樂。故不能進於善也。(四)惟己有過。而受責於人。即能改善。使如水之順流而下。是惟艱哉。蓋穆公不用蹇叔之言。以致喪師。至此而改悔。故自咎云云。(五)逾。過也。去也。遠行也。(六)已。然之。過不可追。未遷之。善猶可及。憂歲月之逝。若無復有來日也。(七)老成之士也。(八)忌疾也。(九)新進之士也。(一〇)姑且也。(一一)姑將以爲親。謂非不知其新進。姑樂其順從予意。而親信之。(一二)謂既往之過。雖已云然。而將來猶可改也。今而後。凡事尙當謀詢於黃髮之人。庶幾罔有所愆矣。(一三)番番。老貌。(一四)良士。謂蹇叔。(一五)乞乞。勇貌。勇夫謂三帥。(一六)截截。善爲巧言也。諛巧也。(一七)足使君子正直之辭。皆爲所奪也。(一八)皇。同遑。何暇也。謂我何暇。多有此小人哉。(一九)昧昧。而思者深潛而靜思也。(二〇)一介。古時个字通介。一介猶一个。(二一)斷斷。誠一之貌。猶語助辭。(二二)休休。易直好善之意。(二三)容有所受也。(二四)彥。美士也。(二五)聖。通明也。(二六)心之所好。甚於口之所言也。(二七)職。主也。(二八)冒疾。忌嫉也。(二九)達。達背之也。(三〇)達。窮達之達。(三一)殆。危也。(三二)杌隉。不安也。(三三)榮懷。光榮安樂也。(三四)言國之危殆。繫於所任一人之非。國之榮安。繫於所任一人之是。

左傳王子朝告諸侯之辭

昔武王克殷。成王靖四方。康王息民。竝建母弟。以蕃屏周。亦曰吾無專享文武之功。且爲後人之迷。敗傾覆。而溺入于難。則振救之。至于夷王。王愆于厥身。諸侯莫不竝走其望。以祈王身。至于厲王。王心戾虐。萬民弗忍。居

王子彘。諸侯釋位以閒王政。宣王有志而後效官。至於幽王。天不弔周。王昏不若。用愆厥位。攜王^五奸命。諸侯替之而建王嗣。用遷^六邠。邠則是兄弟之能用力於王室也。至于惠王。天不靖周。生頹禍心。施于叔帶。惠襄避難。越去王都。則有晉鄭咸黜不端。以綏定王家。則是兄弟之能率先王之命也。在定王六年。秦人降妖曰。周其有靈王。亦克能修其職。諸侯服享。二世共職。王室其有閒王位^三。諸侯不圖。而受其亂災。至於靈王。生而有靈。王甚神聖。無惡於諸侯。靈王景王。克終其世。今王室亂。單旗^四劉狄^五剝亂天下。壹行不若。謂先王何常之有。唯余心所命。其誰敢討之。帥羣不弔之人。以行亂于王室。侵欲無厭。規求無度。貫瀆鬼神。慢棄刑法。倍奸齊盟。傲很威儀。矯誣先王。晉爲不道。是攝是贊。思肆其罔極。茲不穀震盪播越。竄在荆蠻。未有攸底。若我一二兄弟。甥舅。獎順天法。無助狡猾。以從先王之命。毋速天罰。赦圖不穀。則所願也。敢盡布其腹心。及先王之經。而諸侯實深圖之。昔先王之命曰。王后無適。則擇立長。年鈞以德。德鈞以下。王不立愛。公卿無私。古之制也。穆后及太子壽早夭。卽世。單劉贊私立少以閒先王。亦唯伯仲叔季圖之。

【釋義】(一)夷王。厲王父也。(二)愆。惡疾也。

(三)言諸侯皆徧走祈禱舉望之神以求穆王之術。(四)閒。與也。謂去其位參與王政也。(五)攜王。幽王少子伯服也。(六)王嗣。指宜臼。幽王幸褒姒。生伯服。欲立之。而殺太子。

太子奔申。申伯與師伐周。戰於戲。幽王死。諸侯廢伯服而立宜臼。是爲平王。(七)邠。周地名。春秋謂之王城。在

今河南洛陽西。(八)稱。惠王庶叔也。一度作亂。(九)叔帶。襄王弟。僖公二十四年作難。(一〇)謂晉文殺叔帶。鄭厲殺子頹。爲王室去不端之人也。(一一)甯。口上鬚也。甯王言周當有王生而有甯者。(一二)閉王位謂子朝。(一三)受亂災謂楚也。(一四)單旗。穆公也。(一五)劉狄。劉蚩也。(一六)唯我心所欲則命以爲君。(一七)不韜。子朝自謂言赦其憂而圖其難也。(一八)言王后若無嫡子。則擇庶子之長者立之。年相等。則論其德之厚薄。德同。則卜之以占凶吉。

秦始皇初并天下議帝號令

秦初并天下。令丞相御史曰。異日韓王納地效璽。請爲藩臣。已而倍約。與趙魏合從畔秦。故與兵誅之。虜其王。寡人以爲善。庶幾息兵革。趙王使其相李牧來約盟。故歸其質子。已而倍盟。反我太原。故與兵誅之。得其王。趙公子嘉乃自立爲代王。故舉兵擊滅之。魏王始約服入秦。已而與韓趙謀襲秦。秦兵吏誅。遂破之。荆王獻青陽以西。已而畔約。擊我南郡。故發兵誅。得其王。遂定荆地。燕王昏亂。其太子丹乃陰令荆軻爲賊。兵吏誅滅其國。齊王用后勝計。絕秦使。欲爲亂。兵吏誅虜其王。平齊地。寡人以眇眇之身。與兵誅暴亂。賴宗廟之靈。六王咸伏其辜。天下大定。今名號不更。無以稱成功。傳後世。其議帝號。

【註音】(璽)音徙(倍)同背(質)音致(眇)音藐

【釋義】(一)秦。嬴姓。始皇名政。莊襄之子。在位三十七年。(二)猶言前時。(三)名安。桓惠王之子。六年。使韓

非納地效璽於秦。請爲藩臣。九年。秦虜韓王。盡入其地。爲潁川郡。(四)名偃。孝成王之子。是爲悼襄王。(五)趙北

邊良將。常居代。雁門。備匈奴。匈奴十餘年。不敢犯趙邊。又大破秦軍。以功封武安君。秦患之。多與嬖臣郭開金。使

言牧欲反。趙王遂斬牧。(六)質子。所以取信。(七)悼襄王卒。子幽繆王遷立。八年。秦滅趙。肅王遷。(八)悼襄王子。

遷既破虜。邯鄲入秦。趙之亡大夫。因共立嘉爲代王。六年。秦兵破嘉。遂滅趙。(九)名假。景湣王之子。三年。秦藩大

梁、虜王假、魏、趙、魏、滅。〔一〇〕楚王也。名負芻。哀王之庶兄。殺其弟哀王而自立。〔一一〕今安徽青陽縣地。〔一二〕秦置。與楚相接。五年。秦滅楚。虜王負芻。置楚郡。〔一三〕名喜。孝王子。二十七年。太子丹使荆軻刺秦王。因襲刺秦王。秦王覺。殺軻。使王翦擊燕。二十九年。秦攻拔薊。燕王亡。徙居遼東。斬丹以獻秦。二十二年。秦拔遼東。虜王喜。燕秦滅。〔一四〕名建。襄王子。四十四年。秦兵擊齊。齊王聽相后勝計。不戰。以兵降秦。秦虜王建。遷之共。遂滅齊。〔一五〕小也。

漢高帝十一年求賢詔

蓋聞王者莫高於周文。伯者莫高於齊桓。皆待賢人而成名。今天下賢者智能。豈特古之人乎。患在人主不交故也。士奚由進。今吾以天之靈。賢士大夫。定有天下。以爲一家。欲其長久。世世奉宗廟。亡絕也。賢人已與我共平之矣。而不與我共安利之。可乎。賢士大夫。有肯從吾游者。吾能尊顯之。布告天下。使明知朕意。御史大夫昌。下相國。相國、鄼侯、下諸侯王。御史中執法。下郡守。其有意稱明德者。必身勸。爲之駕。遣詣相國府。署行義年。有而弗言。覺免。年老癯病。勿遣。

〔註音〕〔伯〕讀如霸〔鄼〕音贊〔署〕常恕切〔義〕讀如儀〔癯〕音隆

〔釋義〕〔一〕周昌也。沛人。從漢王入關破秦。後封汾陰侯。〔二〕卽蕭何。〔三〕中丞。〔四〕題字。〔五〕行狀。〔六〕儀容也。〔七〕疲病。

漢文帝元年賜南粵王趙佗書

皇帝謹問南粵王。甚苦心勞思。朕高皇帝側室之子。棄外。奉北藩於代。道里遼遠。壅蔽樸愚。未嘗致書。高皇帝棄羣臣。孝惠皇帝卽世。高后自臨事。

不幸有疾。日進不衰。以故諄暴乎治。諸呂爲變。故亂法。不能獨制。乃取他姓子爲孝惠皇帝嗣。賴宗廟之靈。功臣之力。誅之已畢。朕以王侯吏不釋之故。不得不立。今卽位。乃者聞王遺將軍隆慮侯書。求親昆弟。請罷長沙兩將軍。朕以王書罷將軍博陽侯。親昆弟在眞定者。已遣人存問。修治先人塚。前日聞王發兵於邊。爲寇災不止。當其時。長沙苦之。南郡尤甚。雖王之國。庸獨利乎。必多殺士卒。傷良將吏。寡人之妻。孤人之子。獨人父母。得一亡十。朕不忍爲也。朕欲定地。犬牙相入者。以問吏。吏曰。高皇帝所以介長沙土也。朕不得擅變焉。吏曰。得王之地。不足以爲大。得王之財。不足以爲富。服領以南。王自治之。雖然。王之號爲帝。兩帝並立。亡一乘之使。以通其道。是爭也。爭而不讓。仁者不爲也。願與王分棄前患。終今以來。通使如故。故使賈馳諭告王。朕意。王亦受之。毋爲寇災矣。上褚五十衣。中褚三十衣。下褚二十衣。遺王。願王聽樂娛憂。存問鄰國。

【註音】(詩)音勃(褚)張呂切

【釋義】(一)眞定人趙陀。秦時爲南海龍川令。秦滅。自立爲南越武王。高帝定天下。遣陸賈立陀爲南粵王。

(二)文帝。薄姬所生。(三)文帝於高帝十一年封於代。爲代王。(四)名盈。高帝子。后呂所生。在位七年歿。(五)卽

呂雉。惠帝母。(六)指呂產呂祿輩。(七)孝惠在位無嗣。呂后取後宮美人子爲太子。孝惠歿。立爲帝。是爲少帝。呂

後族廢之。更立後宮子弘爲帝。實皆呂氏子也。(八)周竈。高后所遣擊陀者。(九)漢置國。其地包今湖南省。(一〇)

周聚也。(一一)地形如犬牙。交相入也。(一二)謂南服。(一三)卽大庾嶺。(一四)陸姓。時爲大中大夫。(一五)以錦裝衣曰褚。

漢文帝二年除誹謗法詔

古之治天下。朝有進善之旌。誹謗之木。所以通治道而來諫者也。今法有誹謗。詆言之罪。是使衆臣不敢盡情。而上無由聞過失也。將何以來遠方之賢良。其除之。民或祝詛^三上。以相約結。而後相謾^四。吏以爲大逆。其有他言。而吏又以爲誹謗。此細民之愚。無知抵死。朕甚不取。自今以來。有犯此者。勿聽治。

〔註音〕〔詆〕同適〔祝〕音晝〔詛〕阻去聲〔以〕同已〔謾〕音瞞

〔釋義〕〔一〕旌。幡也。堯設旌五達之道。令民進善者立於旌下言之。〔二〕堯立木爲表。使民書政治之愆失。以自儆者。〔三〕以言告神曰祝。請神加殃曰詛。〔四〕欺也。

漢文帝十三年除肉刑詔

蓋聞有虞氏之時。畫衣冠異章服。以爲戮。而民弗犯。何治之至也。今法有肉刑^二。而姦不止。其咎安在。毋乃朕德之薄。而教不明與。吾甚自愧。故夫訓道不純。而愚民陷焉。詩曰。愷悌君子。民之父母。今人有過。教未施而刑已加焉。或欲改行爲善。而道亡繇^一至。朕甚憐之。夫刑至斷支體。刻肌膚。終身不息。何其刑之痛而不德也。豈稱爲民父母之意哉。其除肉刑。有以易之。

〔註音〕〔繇〕同由

〔釋義〕〔一〕齊太倉令淳于公有罪當刑。逮繫長安。其少女緜繫上書。願沒入爲官婢。贖父刑罪。書奏。文帝感悟。乃下詔除肉刑。〔二〕晉書刑法志。三皇設言而民不違。五帝畫衣冠而民知禁。犯難者卓其中。犯劇者丹其服。犯贖者墨其體。犯宮者雜其屬。大辟之罪。殊刑之極。布其衣裾而無領緣。投之於市。與衆棄之。〔三〕黥。劓。剕。

詔令之屬

漢文帝二年除誹謗法詔

漢文帝十三年除肉刑詔

七四七

也。

漢文帝十四年增祀無祈詔

朕獲執犧牲珪幣以祀上帝宗廟十四年於今。歷日彌長。以不敏不明。而久撫臨天下。朕甚自愧。其廣增諸祀壇場珪幣。昔先王遠施不求其報。望祀不祈其福。右賢左戚。先民後己。至明之極也。今吾聞祀官祝釐皆歸福於朕躬。不爲百姓。朕甚媿之。夫以朕之不德。而專鄉獨美其福。百姓不與焉。是重吾不德也。其令祀官致敬。無有所祈。

〔註音〕（珪）音圭（釐）音禧（鄉）同向

〔釋義〕（一）牛羊之屬。（二）珪。玉也。幣。帛也。皆祭神時用之。（三）築土爲壇。除地爲場。爲祀神之所。（四）福也。（五）享受也。

漢文帝民食不足求言詔 後元年

閒者數年比不登。又有水旱疾疫之災。朕甚憂之。愚而不明。未達其咎。意者朕之政有所失。而行有過與。乃天道有不順。地利或不得。人事多失和。鬼神廢不享與。何以致此。將百官之奉養或費。無用之事。或多與。何其民食之寡乏也。夫度田非益寡。而計民未加益。以口量地。其於古猶有餘。而食之甚不足者。其咎安在。無乃百姓之從事於末。以害農者蕃。爲酒醪。以靡穀者多。六畜之食焉者衆與。細大之義。吾未能得其中。其與丞相列侯吏二千石博士議之。有可以佐百姓者。率意遠思。無有所隱。

【註音】(與)讀缺(福)音勞
【釋義】(一)猶頻也。(二)古以農業爲本。工商爲末。(三)酒之有醇者。

漢文帝前六年遺匈奴書

皇帝數問匈奴大單于無恙。使郎中係^{*}虜^{*}。遺朕書云。願寢兵休士。除前事。復故約。以安邊民。世世平樂。朕甚嘉之。此古聖王之志也。漢與匈奴約爲兄弟。所以遺單于甚厚。背約離兄弟之親者。常在匈奴。然右賢王事已在赦前。勿深誅。單于若稱書意。明告諸吏。使無負約有信。敬如單于書。使者言單于自將^四奔國有功。甚苦兵事。服繡^{*}綺^{*}衣。長襦^{*}錦袍各一。比^{*}疎^{*}一。黃金飭具帶一。黃金犀毗^{*}一。繡十匹。錦二十匹。赤緜^{*}緣^{*}縮^{*}各四十匹。使中大夫意^{*}。謁者令肩^{*}。遺單于。

【註音】(虜)同乎(裕)音夾(襦)音儒(比)音避(毗)類脂切(緜)音弟(縮)慈陵切
【釋義】(一)匈奴君長之稱。(二)匈奴使者之名。(三)文帝三年夏。右賢王入寇河南。(四)言西破月氏也。
(五)衣之無絮者曰綺。繡綺綺衣。以繡爲表。綺爲裏。(六)卽今之篋梳。(七)腰中大帶。(八)胡帶之鉤。犀骨爲之。
(九)厚縮之骨譯者。(一〇)帛也。

漢文帝後二年遺匈奴書

皇帝敬問匈奴大單于無恙。使當戶^{*}且渠^{*}離^{*}渠^{*}難^{*}。郎中韓^{*}遼^{*}。遺朕馬二匹。已至。敬受。先帝制。長城以北。引弓之國。受令單于。長城以內。冠帶之室。朕亦制之。使萬民耕織射獵衣食。父子毋離。臣主相安。俱無暴虐。今聞^{*}彗^{*}。惡

民貪降其趨。背義絕約。忘萬民之命。離兩主之驩。然其事已在於前矣。書云。一國已和親。兩主驩說。寢兵休卒。養馬。世世昌樂。翕然更始。朕甚嘉之。聖者日新。改作更始。使老者得息。幼者得長。各保其首領。而終其天年。朕與單于俱繇此道。順天恤民。世世相傳。施之無窮。天下莫不咸嘉使。漢與匈奴鄰敵之國。匈奴處北地寒。殺氣早降。故詔吏遺單于秋鞞金帛綿絮它物。歲有數。今天下大安。萬民熙熙。獨朕與單于爲之父母。朕追念前事。薄物細故。謀臣計失。皆不足以離昆弟之驩。朕聞天不頗覆地。不偏載。朕與單于皆捐細故。俱蹈大道也。墮壞前惡。以圖長久。使兩國之民。若一家子。元元萬民。下及魚鼈。上及飛鳥。跂行喙息。蠕動之類。莫不就安利。避危殆。故來者不止。天之道也。俱去前事。朕釋逃虜氏。單于毋言章尼等。朕聞古之帝王。約分明而不食言。單于留志。天下大安。和親之後。漢過不先。單于其察之。

〔註音〕(漢)音泄(驩)同歡(說)同悅(翕)音吸(繇)同由(鞞)音術(鞞)音擊(它)同他(頗)音坡(跋)音跋(跋)虎穢切(蠕)音儒

〔釋義〕(一)當戶且渠一人爲二官。雖渠難。其姓名也。(二)邪惡不正之民。(三)謂下趨於利也。(四)時初粥單于稽立。文帝復遣宗人女翁主爲單于閼氏。(五)合也。(六)秋。稷之黏者。可釀酒。麩也。所以釀酒者。(七)和也。(八)偏也。(九)善也。元元萬民。猶言善愛萬民。(一〇)有足而行者。指獸類。(一一)以口出氣者。指鳥類。(一二)蠕。動貌。指蟲類。(一三)漢人逃入匈奴者。(一四)單于之歸降漢者也。(一五)不踐其言也。

惟十有五年九月壬子。皇帝曰。昔者大禹勤求賢士。施及方外。四極之內。舟車所至。人迹所及。靡不聞命。以輔其不逮。近者獻其明。遠者通厥聰。比善戮力。以翼天子。是以大禹能亡失德。夏以長楸三。高皇帝親除大害。去亂從。並建豪英。以爲官師。爲諫爭。輔天子之闕。而翼戴漢宗也。賴天之靈。宗廟之福。方內以安。澤及四夷。今朕獲執天下之正。以承宗廟之祀。朕既不德。又不敏。明弗能燭。而智不能治。此大夫之所著聞也。故詔有司。諸侯王三公九卿及主郡吏。各帥其志。以選賢良。明於國家之大體。通於人事之終始。及能直言極諫者。各有人數。將以匡朕之不逮。二三大夫之行。當此三道。朕甚嘉之。故登大夫于朝。親諭朕志。大夫其上三道之要。及永惟朕之不德。吏之不平。政之不宣。民之不甯。四者之闕。悉陳其志。毋有所隱。上以薦先帝之宗廟。下以興愚民之休利。著之於篇。朕親覽焉。觀大夫所以佐朕至與不至。書之周之密之。重之閉之。與自朕躬。大夫其正論。毋枉執事。烏虋戒之。二三大夫。其帥志毋怠。

【註音】(櫛)音茂

【釋義】(一)四極。天地之內也。(二)輔也。(三)古茂字。木盛也。(四)病也。害也。(五)書也。(六)同嗚呼。

漢景帝後二年令二千石修職詔

雕文刻鏤。傷農事者也。錦繡纂組。害女紅者也。農事傷。則饑之本也。女紅

害。則寒之原也。夫饑寒並至。而能亡爲非者寡矣。朕親耕。后親桑。以奉宗廟。粢盛祭服。爲天下先。不受獻。減太官。省徭賦。欲天下務農蠶。素有蓄積。以備災害。疆毋攘弱。衆毋暴寡。老者以壽終。幼孤得遂。長今歲或不登。民食頗寡。其咎安在。或詐僞爲吏。吏以貨賂爲市。漁奪百姓。侵牟萬民。縣丞長吏也。奸法與盜盜。甚無謂也。其令二千石各修其職。不事官職耗亂者。丞相以聞。請其罪。布告天下。使明知朕意。

【註音】〔鑊〕音編〔紅〕讀工〔案〕音杏〔威〕音成〔徭〕音遙〔暴〕同暴〔耗〕同耗讀帽

【釋義】〔一〕景帝名啓。文帝之子。節儉愛民。有文帝之風。在位十六年。文景之世。漢代最盛之時也。〔二〕繡物似組而赤者。〔三〕緩屬也。〔四〕黍稷曰粢。在器曰威。〔五〕掌御飲食。〔六〕役也。〔七〕取也。〔八〕六十曰耆。〔九〕成也。〔一〇〕牟。食苗根之蟲。猶言吏之食民也。〔一一〕因法作奸也。〔一二〕共盜爲盜。〔一三〕不明也。

漢武帝元朔元年議不舉孝廉者罪詔

公卿大夫。所使總方略。壹統類。廣教化。美風俗也。夫本仁祖義。褒德錄賢。勸善刑暴。五帝三王所繇昌也。朕夙興夜寐。嘉與宇內之士。臻於斯路。故旅耆老。復孝敬。選豪俊。講文學。稽參政事。祈進民心。深詔執事。興廉舉孝。庶幾成風。紹休聖緒。夫十室之邑。必有忠信。三人並行。厥有我師。今或至闔郡而不薦一人。是化不下究。而積行之君子。壅於上聞也。二千石官長。紀綱人倫。將何以佐朕燭幽隱。勸元元。勵蒸庶。崇鄉黨之訓哉。且進賢受上賞。蔽賢蒙顯戮。古之道也。其與中二千石。禮官博士。議不舉孝廉者罪。

〔釋義〕(一)武帝名徹。景帝中子。表章六籍。拓土開疆。爲漢代英主。在位五十四年。(二)至也。(三)敬之如賓。(四)免其徭役也。(五)論語。子曰。十室之邑。必有忠信如丘者焉。(六)論語。子曰。三人行。必有我師焉。擇其善者而從之。其不善者而改之。(七)郡之守尉。縣之令長。(八)猶衆庶。謂民也。

漢武帝元狩二年報李廣詔

將軍者。國之爪牙也。司馬法曰。登車不式。遭喪不服。振旅撫師。以征不服。率三軍之心。同戰士之力。故怒形則千里竦。威振則萬物伏。是以名聲暴於夷貉。威稜愴乎鄰國。夫報忿除害。捐殘去殺。朕之所圖於將軍也。若迺免冠徒跣。稽顙請罪。豈朕之指哉。將軍其率師東轅。彌節白檀。以臨右北平。盛秋。

〔註音〕(竦)音聳(絡)音陌(稜)音倫(愴)音淡(跣)蘇典切(顙)桑上聲

〔釋義〕(一)李廣免官。居藍田南山中。一日。夜獵。被霸陵尉醉呵。止宿亭下。及廣拜右北平太守。請霸陵尉與俱。斬之。上書謝罪。上故以是報之。(二)詩。小雅。祈父。予王之爪牙。爪牙以爲捍衛。故以爲將士之喻。(三)司馬法。兵書名。秦司馬穰苴所著。(四)竦。驚也。(五)絡。北狄。(六)稜。芒角也。(七)愴。動也。(八)彌。少息也。言少駐而後進。(九)白檀。今熱河承德縣。(一〇)右北平。今河北盧龍等縣地。(一一)盛秋馬肥。恐虜爲寇。故令戒嚴。卽後世所謂秋防者是。

漢武帝元狩六年封齊王策

惟元狩六年。四月乙巳。皇帝使御史大夫湯。廟立子闕爲齊王。曰。嗚呼小子闕。受茲青社。朕承天序。惟稽古建爾國家。封於東土。世爲漢藩輔。嗚呼

念哉。共朕之詔。惟命不于常。人之好德。克明顯光。義之不圖。俾君子怠。悉爾心。允執其中。天祿永終。厥有愆不臧。迺凶於乃國。而害於爾躬。嗚呼。保國又民。可不敬與。王其戒之。

【註音】(共)讀恭(與)讀歟

【釋義】(一)齊王名閔。武帝之子。王夫人所生。(二)王者以五色土爲大社。封四方諸侯。各以其方色土與之。宜以白茅。歸以立社。青。東方色。齊在東方。故曰受茲青社。(三)言天命無常。惟德是輔。(四)言不圖於義。則君子懈怠。而不歸附也。(五)悉爾心。言能盡爾心也。(六)中。卽中和之德。(七)言能永保天祿。(八)乃。汝也。(九)又。治也。

漢武帝封燕王策

嗚呼小子。日受茲玄社。連爾國家。封於北土。世爲漢藩輔。嗚呼。薰鬻氏虐老獸心。以姦巧邊毗。朕命將率。徂征厥罪。萬夫長。千夫長。三十有二帥。降旗奔師。薰鬻徙域。北州以綏。悉爾心。毋作怨。毋作棐德。毋廢迺備。非教士不得從徵。王其戒之。

【註音】(毗)音萌(率)同帥(棐)古匪字

【釋義】(一)燕王名旦。武帝子。李姬所生。

(二)玄。北方色。燕在北方。故曰玄社。(三)古匈奴號。(四)民也。(五)往也。(六)時樓三十二帥。(七)指昆邪王之降。(八)匈奴徙於漠北。(九)安也。(一〇)言非教習有素之軍士。不得徵發。

漢武帝元狩六年封廣陵王策

嗚呼小子胥。受茲赤社。建爾國家。封於南土。世爲漢藩輔。古人有言曰。大江之南。五湖之間。其人輕心。揚州保疆。三代要服。不及以正。嗚呼。悉爾心。祇祇兢兢。迺惠迺順。毋桐好逸。毋邇宵人。惟法惟則。書云。臣不作福。不作威。靡有後羞。王其戒之。

〔註音〕(正)同政(桐)音通

〔釋義〕(一)廣陵王名胥。武帝子。李姬所生。(二)赤。南方色。廣陵在南方。故曰赤社。(三)離王儼一千五百里之地域。謂之要服。(四)言不及以改正之。(五)敬也。(六)謹慎也。(七)輕脫之貌。

漢武帝策問賢良文學

元光五年

蓋聞上古至治。畫衣冠異章服。而民不犯。陰陽和。五穀登。六畜蕃。甘露降。風雨時。嘉禾興。朱中_三生。山不童。澤不涸。麟鳳在郊。藪龜龍游於沼。河洛出圖書。父不喪子。兄不哭弟。北發渠搜。南撫交趾。舟車所至。人迹所及。跂行喙息。咸得其宜。朕甚嘉之。今何道而臻乎此。子大夫修先聖之術。明君臣之義。講論洽聞。有聲乎當世。敢問子大夫。天人之道。何所本始。吉凶之效。安所期焉。禹湯水旱。厥咎何由。仁義禮知。四者之宜。當安設施。屬統垂業。物鬼變化。天命之符。廢興何如。天文地理。人事之紀。子大夫習焉。其悉意正議。詳具其對。著之于篇。朕將親覽焉。靡有所隱。

〔釋義〕(一)見上除肉刑詔註二。(二)豐收也。(三)古草字。(四)山無草木曰童山。(孟子)童山濯濯。(五)

〔禮記〕聖王所以順。故風。風。騶。騶。皆在郊。藪。(六)見卷一。供範註。(七)渠搜。古夷狄之國。(八)交趾。古國名。卽今

之安南。(九)見前後漢匈奴書註一〇及一一。(一〇)禹有九年之水。湯有七年之旱。

漢昭帝賜燕王旦璽書

昔高皇帝王天下。建立子弟。以藩屏社稷。先日。諸呂陰謀大逆。劉氏不絕。若髮。賴絳侯等誅討賊亂。尊立孝文。以安宗廟。非以中外有人。表裏相應。故耶。樊鄴曹灌攜劍推鋒。從高皇帝墾菑除害。耘耜海內。當此之時。頭如蓬葆。勤苦至矣。然其賞不過封侯。今宗室子孫。曾無暴衣露冠之勞。裂地而王之。分財而賜之。父死子繼。兄終弟及。今王骨肉至親。敵吾一體。乃與他姓異族。謀害社稷。親其所疏。疏其所親。有逆悖之心。無忠愛之義。如使古人有知。當何面目復奉齊酎。見高祖之廟乎。

【註音】(一)音歷(舊)古災字(酎)音胃

【釋義】(一)昭帝。武帝少子。名弗陵。燕王。名旦。昭帝異母兄也。元鳳元年。旦與蓋邑長公主上官桀等謀反。帝以書責之。旋蓋主燕王皆自殺。(二)周勃也。(三)樊噲也。(四)鄴商也。(五)曹參也。(六)灌嬰也。(七)言頭久不理。髮亂如蓬草羽葆也。(八)重釀之酒。

漢宣帝令二千石察官屬詔 元康二年

獄者。萬民之命。所以禁暴止邪。養育羣生也。能使生者不怨。死者不恨。則可謂文吏矣。今則不然。用法或持巧心。析律貳端。深淺不平。增辭飾非。以成其罪。奏不如實。上亦無由知。此朕之不明。吏之不稱。四方黎民。將何仰哉。二千石各察官屬。勿用此人。吏務平法。或擅興繇役。飾廚傳。稱過使客。

越職踰法以取名譽。譬猶踐薄冰以彼白日。豈不殆哉。今天下頗被疾疫之災。朕甚愍之。其令郡國被災甚者。毋出今年租賦。

〔註音〕〔稱〕去聲。〔絲〕同。〔徭〕去聲。〔愍〕音閔。

〔釋義〕〔一〕言分破律條。安生端緒。以出入人罪。〔二〕獄書任意添減。以增飾人非。〔三〕廚。謂飲食。傳。謂傳舍。飾之使豐厚也。〔四〕使人及賓客來者。稱其意而遣之。令過去而要名譽也。

漢元帝議封甘延壽陳湯詔

建昭四年

匈奴支單于。背畔禮義。留殺漢使者吏士。甚逆道理。朕豈忘之哉。所以優游而不征者。重動師衆。勞將卒。故隱忍而未有云也。今延壽湯睹便宜。乘時利。結城郭諸國。擅興師矯制而征之。賴天地宗廟之靈。誅討支單于。斬獲其首。及閼氏音闕貴人名王以下千數。雖踰義干法。內不煩一夫之役。不開府庫之藏。因敵之糧。以贍軍用。立功萬里之外。威震百蠻。名顯四海。爲國除殘。兵革之原息。邊竟得以安。然猶不免死亡之患。罪當在於奉憲。朕甚閔之。其赦延壽湯罪勿治。詔公卿議封焉。

〔註音〕〔鄣〕音質。〔閼〕音煙。〔氏〕音支。〔贍〕時豔切。〔竟〕同境。

〔釋義〕〔一〕建昭三年冬。西域副校尉陳湯。矯制發兵。與都護甘延壽。襲擊匈奴支單于于康居。斬之。帝赦其矯制之罪。封甘延壽爲義成侯。長水校尉。賜陳湯爵關內侯。射聲校尉。〔二〕匈奴單于之名號。五單于之亂。支自立。會康居王怨烏孫。與支併力攻烏孫。爲陳湯甘延壽等所襲殺。〔三〕宣帝時。支單于困辱漢使者。紅酒始等。元帝時。又殺漢使者谷吉。〔四〕匈奴皇后之號。

司馬長卿諭巴蜀檄

詔令之屬 漢宣帝令察官屬詔 漢元帝議封甘延壽陳湯詔

告巴蜀太守。蠻夷自擅不討之日久矣。時侵犯邊境。勞士大夫。陛下卽位。存撫天下。集安中國。然後興師出兵。北征匈奴。單于怖駭。交臂受事。屈膝請和。康居西越。重譯納貢。稽首來享。移師東指。閩越相誅。右弔番禺。太子入朝。南夷之君。西轅之長。常效貢職。不敢惰怠。延頸舉踵。喁喁然皆鄉風慕義。欲爲臣妾。道里遼遠。山川阻深。不能自致。夫不順者已誅。而爲善者未賞。故遣中郎將往賓之。發巴蜀之士各五百人。以奉幣。衛使者不然。靡有兵革之事。戰鬪之患。今聞其乃發軍興制。驚懼子弟。憂患長老。郡又擅爲轉粟運輸。皆非陛下之意也。當行者或亡逃自賊殺。亦非人臣之節也。夫邊郡之士。聞烽舉燧燔。皆攝弓而馳。荷戈而走。流汗相屬。惟恐居後。觸白刃。冒流矢。議不反顧。計不旋踵。人懷怒心。如報私讐。彼豈樂死惡生。非編列之民。而與巴蜀異主哉。計深慮遠。急國家之難。而樂盡人臣之道也。故有剖符之封。析圭而爵。位爲通侯。居列東第。終則遺顯號於後世。傳土地於子孫。事行甚忠敬。居位甚安佚。名聲施於無窮。功烈著而不滅。是以賢人君子。肝腦塗中原。膏液潤野草。而不辭也。今奉幣役至南夷。卽自賊殺。或亡逃抵誅。身死無名。諡爲至愚。恥及父母。爲天下笑。人之度量相越。豈不遠哉。然此非獨行者之罪也。父兄之教不先。子弟之率不謹。寡廉鮮恥。而俗不長厚也。其被刑戮。不亦宜乎。陛下患使者有司之若彼。悼不肯

愚民之如此。故遣信使。曉諭百姓。以發卒之事。因數之以不忠死亡之罪。讓三老孝弟。以不教誨之過。方今田時。重煩百姓。已親見近縣。恐遠所谿谷山澤之民。不徧聞。檄到。亟下縣道。咸諭陛下意。毋忽。

【註音】(番)音播(變)蒲北切(嚶)魚容切(鄉)同嚶(燔)音煩(弟)同悌

【釋義】(一)指南夷西楚。(二)西域國名。與大月氏同族。有今新疆北境及俄領中央亞細亞地。(三)語言之轉轉翻譯也。(四)讞也。讞其國珍。(五)番禺。南海郡縣治。今廣東番禺縣。東伐越。後至番禺。故言右弔。至也。(六)時南越爲東越所侵。漢武帝發兵救之。故南越遣太子嬰齊入朝。(七)夜郎等國。(八)西南夷之一種。今在雲南四川境者。或稱擺夷。(九)口向上貌。喻衆人向慕之意。(一〇)撫以賓禮。(一一)猶言不測也。(一二)以發軍之法。爲典衆之制。(一三)烽如覆米箕。懸於桔槔。有寇則舉之。燧積薪也。有寇則燔之。烽火晝燧。晝主夜。所以爲警告也。(一四)引持也。(一五)負也。(一六)符符節也。剖符之半。所以爲信者也。(一七)析中分也。圭玉有青白二色。白藏天子。青在諸侯。(一八)秦制爵級二十。最尊者曰徹侯。因武帝名徹。故改徹侯爲通侯。(一九)甲宅也。居於帝城之東。(二〇)三老。孝悌皆鄉官。(二一)漢制萬戶以上曰縣。縣有蠻夷曰道。

司馬相如難蜀父老

漢興七十有八載。德茂存乎六世。威武紛紜。湛恩汪濊。羣生霑濡。泮盜平方外。於是乃命使西征。隨流而攘。風之所被。罔不披靡。因朝冉從驍。定笮存邛。略斯榆。舉苞蒲。結軌還轅。東鄉將報。至于蜀都。耆老大夫搢紳先生之徒。二十有七人。儼然造焉。辭畢。進曰。蓋聞天子之牧夷狄也。其義羈縻。勿絕而已。今罷三郡之士。通夜郎之塗。三年於茲。而功不竟。士卒勞倦。萬民不贍。今又接之以西夷。百姓力屈。恐不能卒業。此亦使者之累也。竊爲左右患之。且夫邛笮西夷之與中國並也。歷年茲多。不可記已。仁者不以

德來。強者不以力并。意者其殆不可乎。今割齊民以附。夷狄傲所恃以事。無用。鄙人固陋。不識所謂。使者曰。烏謂此乎。必若所云。則是蜀不變服而巴。不化俗也。僕嘗惡聞若說。然斯事體大。固非觀者之所覩也。余之行急。其詳不可得聞已。請爲大夫粗陳其略。蓋世必有非常之人。然後有非常之事。有非常之事。然後有非常之功。夫非常者。固常人之所異也。故曰非常之原。黎民懼焉。及臻厥成。天下晏如也。昔者洪水沸出。汜濫衍溢。民人升降移徙。崎嶇而不安。夏后氏感之。乃堙洪塞源。決江疏河。灑沈澹災。東歸之於海。而天下永甯。當斯之勤。豈惟民哉。心煩於慮。而身親其勞。躬腠胝無^三腋^三膚不生毛。故休烈顯乎無窮。聲稱浹乎于茲。且夫賢君之踐位也。豈特委瑣^四齷齪。拘文牽俗。循誦習傳。當世取說云爾哉。必將崇論閎議。創業垂統。爲萬世規。故馳騫乎兼容并包。而勤思乎參天貳地。且詩不云乎。曾天之下。莫非王土。率土之濱。莫非王臣。是以六合之內。八方之外。浸淫衍溢。懷生之物。有不浸潤於澤者。賢君恥之。今封疆之內。冠帶之倫。咸獲嘉祉。靡有闕遺矣。而夷狄殊俗之國。遼絕異黨之域。舟車不通。人迹罕至。政教未加。流風猶微。內之則時犯義。侵禮於邊境。外之則邪行橫作。放殺其上。君臣易位。尊卑失序。父老不辜。幼孤爲奴虜。係縲號泣。內嚮而怨曰。蓋聞中國有至仁焉。德澤恩膏。普物靡不得其所。今獨曷爲遺己。舉踵思慕。

王尊敕掾功曹教

掾功曹各自底厲助太守爲治。其不中用。趣自避退。毋久妨賢。夫羽翮不修。則不可以致千里。闡內不理。無以整外。府丞悉署吏行能。分別白之。賢爲上。毋以富。賈人百萬。不足與計事。昔孔子治魯。七日誅少正卯。今太守視事已一月矣。五官掾張輔。懷虎狼之心。貪污不軌。一郡之錢。盡入輔家。然適足以葬矣。今將輔送獄。直符史詣閣下。從太守受其事。丞戒之戒之。相隨入獄矣。

〔註音〕(趣)音促(闡)音泉

〔釋義〕(一)據古左貳也。功曹漢羣吏。

佐太守之官。

(六)少正卯。爲魯國大夫。孔子攝行相事。因其亂政。所以受誅。

(七)謂以貪財致死。

(八)直符史。當

值之佐史。

漢光武帝賜竇融璽書

制詔行河西五郡。大將軍事屬國都尉。勞鎮守邊五郡。兵馬精彊。倉庫有蓄。民庶殷富。外則挫折羌胡。內則百姓蒙福。威德流聞。虛心相望。道路隔塞。邑邑何已。長史所奉書。獻馬悉至。深知厚意。今益州有公孫子陽。天水有隗將軍。方蜀漢相攻。權在將軍。舉足左右。便有輕重。以此言之。欲相厚豈有量哉。諸事具長史所見。將軍所知。王者迭興。千載一會。欲遂立桓文。輔微國。當勉卒功業。欲三分鼎足。連衡合從。亦宜以時定。天下未并。吾與

爾絕域非相吞之國。今之議者必有任囂效尉佗制七郡之計。王者有分土無分民。自適己事而已。今以黃金二百斤賜將軍。便宜輒言。

〔註音〕(陳)五賄切

〔釋義〕(一)光武帝。察陽人。名秀。字文叔。高祖九世孫。王莽篡立十四年。帝起兵誅莽。興復漢室。在位三十三年。(二)竇融。平陵人。字周公。時據有西河五郡。(三)卽武威。張掖。酒泉。敦煌。金城是也。在匈奴南境。今陝西甘肅北境。(四)同樞。鬱閩也。(五)邑邑。五年夏。融遣長史劉鈞奉書獻馬。(六)益州。漢十二州之一。今四川省地。(七)名述。茂陵人。時據蜀。(八)漢郡名。治平襄。故城在今甘肅通渭縣西南。(九)名遷。字季孟。天水成紀人。時據隴。(一〇)齊桓公。晉文公也。周室衰微。桓文輔之。以霸天下。(一一)連衡。謂與隗囂公孫述等連合以抗漢也。(一二)秦時南海尉任囂。病且死。謂龍川令趙佗。南海數千里。可以立國。使行南海尉事。(一三)蒼梧。鬱林。合浦。交趾。九真。南海。日南。

漢光武帝報臧宮馬武詔

黃石公記曰。柔能制剛。弱能制彊。柔者德也。剛者賊也。弱者仁之助也。彊者怨之歸也。故曰。有德之君。以所樂樂人。無德之君。以所樂樂身。樂人者。其樂長。樂身者。不久而亡。舍近謀遠者。勞而無功。舍遠謀近者。逸而有終。逸政多忠臣。勞政多亂人。故曰。務廣地者荒。務廣德者彊。有其有者安。貪人有者殘。殘滅之政。雖成必敗。今國無善政。災變不息。百姓驚惶。人不自保。而復欲遠事邊外乎。孔子曰。吾恐季孫之憂。不在顛與。且北狄尙彊。而屯田警備。傳聞之事。恒多失實。誠能舉天下之半。以滅大寇。豈非至願。苟非其時。不如息人。

〔註音〕〔韻〕音專

〔釋義〕(一)宮。潁川郡人。字君翁。封明陵侯。武。南陽湖陽人。字子張。封揚虛侯。二十七年。宮與武上書。乘匈奴災荒。出兵伐之。帝報以此詔。(二)卽張良於下邳圯上。受黄石公一編書。故名黃石公。記。(三)春秋時魯大夫。

(四)國名。附庸於魯。

班彪擬答北匈奴詔

單于不忘漢恩。追念先祖舊約。欲修和親。以輔身安國。計議甚高。爲單于嘉之。往者匈奴數有乖亂。呼韓邪郅支自相讎隙。並蒙孝宣帝垂恩救護。故各遣侍子。稱藩保塞。其後郅支忿戾。自絕皇澤。而呼韓附親。忠孝彌著。及漢滅郅支。遂保國傳嗣。子孫相繼。今南單于攜衆向南。款塞歸命。自以呼韓嫡長。次第當立。而侵奪失職。猜疑相背。數請兵將。歸掃北庭。策謀紛紜。無所不至。惟念斯言不可獨聽。又以北單于比年貢獻。欲修和親。故拒而未許。將以成單于忠孝之義。漢秉威信。總率萬國。日月所照。皆爲臣妾。殊俗百蠻。義無親疏。服順者褒賞。畔逆者誅罰。善惡之效。呼韓郅支是也。今單于欲修和親。款誠已達。何嫌而欲率西域諸國俱來獻。見西域國屬匈奴。與屬漢何異。單于數連兵亂。國內虛耗貢物。裁以通禮。何必獻馬裘。今齎雜繒五百匹。弓韃韃丸丸一矢四發。遣遺單于。又賜獻馬左骨都侯。右谷蠡王。雜繒各四百匹。斬馬劍各一。單于前言先帝時所賜呼韓邪等。瑟空候皆敗。願復裁賜。念單于國尙未安。方厲武節。以戰攻爲務。竽瑟之用。

不如良弓利劍。故未以齎。朕不愛小物於單于。便宜所欲。遣驛以聞。

【註音】(鞭)音鞭(贖)音贖

【釋義】(一)北匈奴。(後漢書)光武二十八年。北匈奴遣使詣闕。貢馬及裘。更乞和親。并請音樂。又求率西域諸國。帝下三府。議酬答。彪擬以上之。(二)宣帝時。五單于爭立。呼韓邪單于及郅支單于各遣子入侍。後呼韓邪入朝。漢遣兵使歸。郅支怒。漢遂生辱殺漢使之事。漢乃發兵滅郅支。(三)南單于呼韓邪之長孫。(四)單于居北。故稱北庭。(五)綽。帛之總名。(六)威弓之器。(七)贖丸。藏矢之器。(八)四發。四枝也。(九)骨都侯。匈奴官爵名。(一〇)谷蠡王。匈奴同姓之封號。(一一)空侯。樂器名。(一二)同彌。砥礪也。

漢明帝卽位詔

予末小子。奉承聖業。夙夜震畏。不敢荒寧。先帝受命中興。德侔帝王。協和萬邦。假於上下。懷柔百神。惠於鰥寡。朕承大運。繼體守文。不知稼穡之艱難。懼有廢失。聖恩遺戒。顧重天下。以元元爲首。公卿百僚。將何以輔朕不逮。其賜天下男子爵人二級。三老孝悌力田人三級。爵過公乘。得移與子。若同產同產子。及流人無名數欲自占者。人一級。鰥寡孤獨篤癯粟人十斛。其施刑及郡國徒。在中元元年四月己卯赦前所犯。而後捕繫者。悉免其刑。又邊人遭亂爲內郡人妻。在己卯赦前。一切遣還邊。恣其所樂。中二千石下至黃綬。貶秩贖論者。悉皆復秩還贖。方今上無天子。下無方伯。若涉淵水。而無舟楫。夫萬乘至重。而壯者慮輕。實賴有德。左右小子。高密侯禹。元功之首。東平王蒼。寬博有謀。並可以受六尺之託。臨大節而不撓。其

以禹爲太傅。蒼爲驃騎將軍。太尉熹告謚南郊。司徒訢奉安梓宮。司空魴將校復土。其封熹爲節鄉侯。訢爲安鄉侯。魴爲楊邑侯。

【註音】(伴)莫浮切(癡)良中切(緩)音授

【釋義】(一)震畏。衷心敬肅貌。(二)荒寧。放逸也。(三)伴。佐也。(四)元元。民也。(五)篤癡。罷病也。(六)中元。光武帝年號。(七)卽絲條。以承受印環者。(八)鄧禹。字仲華。南陽新野人也。傳見後漢書卷四十六。(九)東平憲王蒼。建武十五年封東平公。

漢明帝祀光武皇帝於明堂詔 永平二年

今令月吉日。宗祀光武皇帝於明堂。以配五帝。禮備法物。樂和八音。詠祉福。舞功德。其班時令。敕羣后。事畢。升靈臺望元氣。吹時律。觀物變。羣僚藩輔。宗室子孫。衆郡奉計。百蠻貢職。烏桓歲貊。咸來助祭。單于侍子。骨都侯。亦皆陪位。斯固聖祖功德之所致也。朕以闔陋。奉承大業。親執圭璧。恭祀天地。仰惟先帝。受命中興。撥亂反正。以甯天下。封泰山。建明堂。立辟雍。起靈臺。恢宏大道。被之八極。而胤子無成康之質。羣臣無呂旦之謀。盥洗進爵。踖踏惟慙。素性頑鄙。臨事益懼。故君子坦蕩蕩。小人長戚戚。其令天下自殊死已下。謀反大逆。皆赦除之。百僚師尹。其勉修厥職。順行時令。敬若昊天。以綏兆人。

【註音】(踖踏)讀聲積

【釋義】(一)明堂。王者明政教之堂也。祀帝祭祖朝諸侯等大典行於此。(二)五帝。黃帝。顓頊。帝嚳。唐堯。虞舜也。(三)靈臺。天子之台。望氣之所也。(四)元氣。大氣也。(五)謂吹蓬時之音律也。(六)烏桓。東胡之別種。(七)

藏躬。東夷之國。(一)謂光武也。(二)八極。八方極遠之地。(三)呂且。指呂尚與周公且也。(四)踉蹌。偏促不安貌。(三)蕩蕩。坦然寬心之貌。(三)戚威。憂懼貌。(四)若。順也。

漢明帝辟雍行養老禮詔

永平二年

光武皇帝建三朝之禮。而未及臨饗。眇眇小子。屬當聖業。聞暮春吉辰。初行大射。今月元日。復踐辟雍。尊事三老。兄事五更。安車輶輪。供綏執授。侯王設醬。公卿饌珍。朕親祖割。執爵而酌。祝哽在前。祝嘏在後。升歌鹿鳴。下管新宮。八佾具修。萬舞於庭。朕固薄德。何以克當。易陳負乘。詩刺彼己。永念慙疚。無忘厥心。三老李躬。年耆學明。五更桓榮。授朕尚書。詩曰。無德不報。無言不酬。其賜榮爵。關內侯。食邑五千戶。三老五更。皆以二千石祿。養終厥身。其賜天下三老。酒人一石。肉四十斤。有司其存者。耄恤幼孤。惠鰥寡。稱朕意焉。

〔註音〕〔醕〕音引

〔釋義〕(一)謂中元元年起建明堂辟雍靈台也。(二)近日也。(三)三老五更已見前註。(四)綏。車中之把。天子親執綏以授三老。請其就車也。(五)祖割。謂袒臂而割牲也。(六)以酒漱口曰醕。(七)鹿鳴。詩小雅篇。(八)新宮。小雅篇名。(九)八佾。見前。(一〇)萬舞。名。(一一)易。負而乘致寇至。謂小人不能乘君子之器也。(一二)詩。彼己之子。刺不稱其服也。(一三)疚。愧怍也。(一四)六十日。書。(一五)七十日。書。

漢明帝申明科禁詔

永平十二年

昔曾閔奉親。竭歡致養。仲尼葬子。有棺無槨。喪貴致哀。禮存甯儉。今百姓

送終之制。競爲奢靡。生者無擔石之儲。而財力盡於墳土。伏臘無糟糠。而牲牢兼於一奠。糜破積世之業。以供終朝之費。子孫飢寒。絕命於此。豈祖考之意哉。又車服制度。恣極耳目。田荒不耕。游食者衆。有司其申明科禁。宜於今者宣下郡國。

〔釋義〕(一)會閔。會參與閔子騫也。均爲孔子弟子。事親極孝。(二)〔論語〕鯉也死。有棺而無槨。(三)石。一石。擔。再石也。指米粟。(四)伏臘。冬祭也。(五)有司。官吏也。

漢明帝塞汴渠詔 永平十二年

自汴渠決敗六十餘歲。加頃年以來。兩水不時。汴流東侵。日月益甚。水門故處。皆在河中。漭濊廣溢。莫測折岸。蕩蕩極望。不知綱紀。今兗豫之人。多被水患。乃云縣官不先人急。好興它役。又或以爲河流入汴。幽冀蒙利。故曰左隄疆則右隄傷。左右俱疆則下方傷。宜任水執所之。使人隨高而處。公家息壅塞之費。百姓無陷溺之患。議者不同。南北異論。朕不知所從。久而不決。今旣築隄理渠。絕水立門。河汴分流。復其舊迹。陶邱之北。漸就壤墳。故薦嘉玉絜牲。以禮河神。東過洛汭。歎禹之績。今五土之宜。反其正色。濱渠下田。賦與貧人。無令豪右得固其利。庶繼世宗瓚子之作。

〔註音〕(漭濊)音莽養(兗)以轉切

〔釋義〕(一)汴渠。卽汴河。(二)汴河決於平帝時。至明帝時約六十餘年。(三)頃年。近年也。(四)漭濊。大水貌。(五)折。通埒。邊也。(六)兗。古九州之一。今山東之東昌。濟南兗州河北之河間。大名等地。(七)古九州之一。今

河南及舊時山東之曹州。湖北之襄陽等地。(八)水執。猶水則。(九)陶邱。地名。在今山東定陶縣。(一〇)墳墳。河土漲沙墳起之地。(一一)嘉王。祀神所用之璧。(一二)絮。同潔。(一三)洛納。洛水入河處。(一四)五土。小林。川澤。丘陵。墳衍。原隰也。(一五)世宗。武帝廟號。(一六)蠶子。地名。在今河北濮陽縣南。武帝時。發卒塞蠶子。決河。

漢章帝舉賢良方正直言極諫詔

建初元年

朕以無德。奉承大業。夙夜慄慄。不敢荒甯。而災異仍見。與政相應。朕既不
明。涉道日寡。又選舉乖實。俗吏傷人。官職耗亂。刑罰不中。可不憂與。昔仲
弓季氏之家臣。子游武城之小宰。孔子猶誨以賢才。問以得人。明政無大
小。以得人爲本。夫鄉舉里選。必累功勞。今刺史守相。不明真僞。茂才孝廉。
歲以百數。既非能顯。而當授之政事。甚無謂也。每尋前世舉人貢士。或起
剛畝。不繫閥閱。敷奏以言。則文章可採。明試以功。則政有異迹。文質彬彬。
朕甚嘉之。其令太傅三公。中二千石。二千石。郡國守相。舉賢良方正能直
言極諫之士各一人。

〔釋義〕(一)慄慄。憂懼也。(二)〔論語〕仲弓爲季氏宰。問政。子曰。赦小過。舉賢才。(三)子游亦孔子弟子。武
城魯邑名。〔論語〕子游爲武城宰。孔子謂之曰。汝得人焉耳乎。(四)剛同畝。(五)敷。陳也。奏進也。(六)彬彬。有禮
貌。

漢章帝禘祭詔

建初七年

祖考來假。明哲之祀。予末小子。質又菲薄。仰惟先帝烝烝之情。前修禘祭。
以盡孝敬。朕得識昭穆之序。寄遠祖之思。今年大禮復舉。加以先帝之坐。

悲傷感懷。樂以迎來。哀以送往。雖祭亡如在。而空虛不知所裁。庶或饗之。豈亡克慎肅雍之臣。辟公之相。皆助朕之依依。今賜公錢四十萬。卿半之。及百官執事各有差。

【註音】(假)音格(禘)大計切

【釋義】(一)假。神來饗也。(二)烝。烝。厚貌。(三)禘。祭。王者大祭也。(四)昭穆。王者祖宗神位之序。左昭右穆。詳見前註。(五)先帝指明帝。(六)亡。同無。(七)肅。敬肅也。雍。和悅也。相助也。(詩)有來雍雍。至止肅肅。相維辟公。天子穆穆。謂諸侯百官皆相助祭。莫不肅敬雍和也。

漢章帝詔三公元和二年

方春生養。萬物^萃甲。宜助萌陽。以育時物。其令有司。罪非殊死。且勿案驗。及吏人條書相告。不得聽受。冀息事甯人。敬奉天氣。立秋如故。夫俗吏矯飾外貌。似是而非。揆之人事。則悅耳。論之陰陽。則傷化。朕甚厭之。甚苦之。安靜之吏。悃悃無華。日計不足。月計有餘。如襄城令劉方。吏人同聲。謂之不煩。雖未有他異。斯亦殆近之矣。聞敕二千石。各尙寬明。而今富姦行賂於下。貪吏枉法於上。使有罪不論。而無過被刑。甚大逆也。夫以苛爲察。以刻爲明。以輕爲德。以重爲威。四者或興。則下有怨心。吾詔書數下。冠蓋接道。而吏不加理。人或失職。其咎安在。勉思舊令。稱朕意焉。

【註音】(萃)音孚(悃)音困上聲(幅)披億切

【釋義】(一)萃。音孚。猶言萌芽也。(二)悃。信也。(三)幅。誠志也。(四)襄城。戰國魏邑。秦置縣。今屬河南。昔周襄王嘗居此。故名。

漢和帝恤民詔 永元十二年

比年不登。百姓虛匱。京師去冬無宿雪。今春無樹雨。黎民流離。困於道路。朕痛心疾首。靡知所濟。瞻仰昊天。何辜今人。三公朕之腹心。而未獲承天安民之策。數詔有司。務擇良吏。今猶不改。競爲苛暴。侵愁小民。以求虛名。委任下吏。假勢行邪。是以令下而姦生。禁至而詐起。巧法析律。飾文增辭。貨行於言。辜成乎手。朕甚病焉。公卿不思助明好惡。將何以救其咎罰。咎罰既至。復令災及小民。若上下同心。庶或有瘳。

【註音】(比)音避。(樹)音注。

【釋義】(一)比年。近年也。(二)匱。藏物器之大者。(三)宿雪。隔宿之大雪也。(四)樹雨。時雨也。(五)流離。流亡也。(六)析律。析法律。謂分析法律。以輕重罪犯也。(七)辜。古罪字。(八)病愈曰瘳。

馬援誡兄子書

吾欲汝曹聞人過失。如聞父母之名。耳可得聞。口不可得言也。好論議人長短。妄是非正法。此吾所大惡也。甯死不願聞子孫有此行也。汝曹知吾惡之甚矣。所以復言者。施衿結襜。申父母之戒。欲使汝曹不忘之耳。龍伯高敦厚周慎。口無擇言。謙約節儉。廉公有威。吾愛之重之。願汝曹效之。杜季良豪俠好義。憂人之憂。樂人之樂。清濁無所失。父喪致客。數郡畢至。吾愛之重之。不願汝曹效也。效伯高不得。猶爲謹敕之士。所謂刻鵠不成。尙

類鷲者也。效季良不得。陷爲天下輕薄子。所謂畫虎不成。反類狗者也。訖今季良尙未可知。郡將下車。輒切齒。州郡以爲言。吾常爲寒心。是以不願子孫效也。

〔釋義〕 (一) 兄子指援兄之子嚴。敦。援在交趾。遺書戒之。 (二) 衿。佩帶。襦。香囊。言猶父母之送其女。爲之親自施衿結襦而訓誡之焉。 (三) 龍伯高。名述。京兆人。爲山都長。 (四) 杜季良。名保。爲越騎司馬。 (五) 清獨指善惡。謂所交者。善惡皆有。而能得其宜也。 (六) 鷲。鷲鷲。 (七) 鷲。野鷲。 (八) 下車。謂官吏初到任也。 (九) 切齒。恨也。 (一〇) 寒心。懼也。

鄭玄戒子書

吾家舊貧。不爲父母昆弟所容。去廝役之吏。游學周秦之都。往來幽并兗豫之域。獲覲乎在位通人。處逸大儒。得意者咸從捧手。有所授焉。遂博稽六藝。粗覽傳記。時覲祕書緯術之奧。年過四十。乃歸供養。假田播殖。以娛朝夕。遇閹尹擅執。坐黨禁錮十有四年。而蒙赦令。舉賢良方正有道。辟大將軍三司府。公車再召。比牒併名。早爲宰相。惟彼數公。懿德大雅。克堪王臣。故宜式序。吾自忖度。無任於此。但念述先聖之元意。思整百家之不齊。亦庶幾以竭吾才。故聞命罔從。而黃巾爲害。萍浮南北。復歸邦鄉。入此歲來。已七十矣。宿素衰落。仍有失誤。案之禮典。便合傳家。今我告爾以老。歸爾以事。將閒居以安性。覃思以終業。自非拜國君之命。問族親之憂。展敬墳墓。觀省野物。胡嘗扶杖出門乎。家事大小。汝一承之。咨爾覺覺。一夫會

無同生相依。其勛求君子之道。研讚勿替。敬慎威儀。以近有德。顯譽成於僚友。德行立於己志。若致聲稱。亦有榮於所生。可不深念邪。可不深念邪。吾雖無絀冕之緒。頗有讓爵之高。自樂以論贊之功。庶不遺後人之羞。未所憤憤者。徒以亡親墳壟未成。所好羣書。率皆腐敝。不得於禮堂寫定。傳與其人。日西方暮。其可圖乎。家今差多於昔。勤力務時。無恤飢寒。菲飲食。薄衣服。節夫二者。尙令吾寡憾。若忽忘不識。亦已焉哉。

【註音】(勛)音旭(讚)音志

【釋義】(一)廝役。賤役也。(二)周秦之都。長安也。(三)幽。古十二州之一。今河北遼寧二省地。(四)弁。古十二州之一。卽河北之舊保定正定。山西之太原大同等府。(五)充豫見塞外渠詔註。(六)捧手。接受歡迎之意。(七)稽考也。(八)六藝。六經也。(九)緯術。依經引義。以言符錄瑞應之術也。(一〇)假田。租田也。(一一)闢尹。欽闢豎之官也。(一二)執。同勢。(一三)三司。司徒。司空。太尉也。(一四)公車。漢時迎送應徵者之車。(一五)謂連謀齊名。使應徵者並爲相也。(一六)式序。式用序列也。(一七)黃巾。東漢末之亂黨。皆裹黃巾。其首領張角。聚衆數十萬。(一八)萍浮。謂禦流也。(一九)言家中之事。歸爾處理也。(二〇)覃思。深思也。(二一)咨嗟。歎聲。兢兢。孤獨也。一夫。猶一人。(二二)同生。兄弟也。猶云同胞。(二三)勛。勉也。(二四)研讚。讀當作鑽。研求之意。(二五)替。斷也。(二六)絀。印綬也。冕。禮冠之最尊者。絀。冕喻爵祿也。(二七)緒。業也。(二八)論贊。修明經學也。(二九)率。大率也。(三〇)恤。憂恤也。(三一)識。記也。

蜀漢後主策丞相諸葛亮詔

朕聞天地之道。福仁而禍淫。善積者昌。惡積者喪。古今常數也。是以湯武修德而王。桀紂極暴而亡。曩者漢祚中微。網漏凶慝。董卓造難。震蕩京畿。曹操階禍。竊執天衡。殘剝海內。懷無君之心。子不孤豎。敢尋亂階。盜據神器。更姓改物。世濟其凶。當此之時。皇極幽昧。天下無主。則我帝命隕越於

下。昭烈皇帝。體明叡之德。光演文武。應乾坤之運。出身平難。經營四方。人鬼同謀。百姓與能。兆民欣戴。奉順符讖。建位易號。丕奉天序。補弊興衰。存復祖業。膺誕皇綱。不墜於地。萬國未靜。早世遐殂。朕以幼沖。繼統鴻基。未習保傅之訓。而嬰祖宗之重。六合壅否。社稷不建。永惟所以念在匡救。光載前緒。未有攸濟。朕甚懼焉。是以夙興夜寐。不敢自逸。每崇菲薄。以益國用。勸分務穡。以阜民財。授方任能。以參其聽。斷私降意。以養將士。欲奮劍長驅。指討凶逆。朱旗未舉。而不復隕喪。斯所謂不然我薪而自焚也。殘類餘醜。又支天禍。恣睢河洛。阻兵未弭。諸葛丞相宏毅忠壯。忘身憂國。先帝託以天下。以勸朕躬。今授之以旄鉞之重。付之以專命之權。統領步騎二十萬衆。董督元戎。冀行天伐。除患甯亂。克復舊都。在此行也。昔項籍總一疆衆。跨州兼土。所務者大。然卒敗垓下。死於東城。宗族如焚。爲笑千載。皆不以義。陵上虐下故也。今賊傲尤。天人所怨。奉時宜速。庶憑炎精。祖宗威靈相助之福。所向必克。吳王孫權。同恤災患。潛軍合謀。掎角其後。涼州諸國王。各遣月支康居胡侯支富康植等二十餘人。詣受節度。大軍北出。便欲率將兵馬。奮戈先驅。天命旣集。人事又至。師貞勢并。必無敵矣。夫王者之兵。有征無戰。尊而且義。莫敢抗也。故鳴條之役。軍不血刃。牧野之師。商人倒戈。今旄麾首路。其所經至。亦不欲窮兵極武。有能棄邪從正。簞食壺

漿以迎王師者。國有常典。封寵大小各有品限。及魏之宗族支葉中外。有能規利害。審逆順之數。來詣降者。皆原除之。四五昔輔果絕親於智氏。而蒙全宗之福。微子去殷。項伯歸漢。皆受茅土之慶。此前世之明驗也。若其迷沈不反。將助亂人。四八不式王命。戮及妻孥。四九罔有攸赦。廣宣恩威。貸其元帥。弔其殘民。他如詔書律令。丞相其露布天下。使稱朕意焉。

〔釋義〕 (一)位也。 (二)衰也。 (三)網漏。謂法網寬大也。〔史記〕網漏吞舟之魚。 (四)漢靈帝崩。卓擅行廢立。獻帝初平元年。卓遷都長安。二年。呂布殺之。 (五)建安元年。操遷帝於許。自爲司空。十三年。爲丞相。後自立爲魏公。又進魏王。挾獻帝以令天下。 (六)天衡。〔呂氏春秋〕故至亂之化。長邪苟利。不知義理。其豐狀。有若犬若馬。若白鶴。若衆車。有其狀若人。蒼衣赤首。不動其名曰天衡。 (七)曹丕。操子。獻帝末年。篡漢自立。是爲魏文帝。 (八)神器。帝位也。 (九)皇極。天子建立之準則。所以爲天下法者。 (一〇)昭烈皇帝。劉備之廟號。 (一一)獻。聖智也。 (一二)演。延也。 (一三)謂人鬼同相助也。 (一四)兆民。萬民也。 (一五)欣戴。擁戴也。 (一六)建安二十五年。曹丕稱帝。傳獻帝已遇害。劉豹等上言先主。謂名應讖緯。宜正帝位。次年。先主乃卽位於蜀。 (一七)膺。膺受也。誕大也。 (一八)覲。升殿。崩。殂也。 (一九)嬰。加也。 (二〇)六合。上下四方也。壅塞也。否。閉塞也。 (二一)攸。所也。 (二二)藪分。左傳註藪分。有無相濟也。 (二三)左傳註方。百事之官也。任能。任才能之士。 (二四)朱旗。天子出征之旗。 (二五)黃初七年。魏文帝崩。 (二六)支持也。 (二七)恣意。怒視黃河洛水之流域也。 (二八)城也。 (二九)助也。 (三〇)旗之注旄牛尾於干者。 (三一)大斧也。儀仗中用之。所以示威武者也。 (三二)通恭。 (三三)舊都。洛陽也。 (三四)垓下。地名。在今安徽靈璧縣東南。漢高祖項羽處。 (三五)東城。秦縣名。故城在安徽定遠縣東南。漢兵追羽至東城。羽引劍自刎死。 (三六)炎精。漢興尙赤。故曰炎精。 (三七)孫權見前。 (三八)犄角。三角相對也。 (三九)涼州。漢州名。卽今甘肅省。 (四〇)月支。康居。胡侯。支富。康植。皆古西方國名。 (四一)師貞。易師貞。丈人吉。无咎。象曰。師。衆也。貞。正也。能以衆正。可以王矣。 (四二)鳴條。古地名。成湯敗桀處。 (四三)牧野。古地名。武王克紂於此。 (四四)格。同旌。 (四五)原除。除授原官也。 (四六)輔果。春秋晉人。本姓智。知智氏將滅。更姓輔氏。及智氏亡。果猶不死。 (四七)項伯。羽季父。鴻門之會。數護漢高。漢封之爲射陽侯。 (四八)將。亦助也。 (四九)式。奉也。用也。 (五〇)露布。布告羣衆之文書也。

諸葛亮與羣下教

夫參署者。集衆思。廣忠益也。若遠小嫌。難相違覆。曠闕損矣。違覆而得中。猶棄敝蹻。而獲珠玉。然人心苦不能盡。惟徐元直處茲不惑。又董幼宰參署七年。事有不至。至于十反。來相啓告。苟能慕元直之十一。幼宰之殷勤。有忠於國。則亮可少過矣。

〔註音〕(躡)音脚

〔釋義〕(一)參署。丞相府之屬官。(二)違覆。違反也。(三)敝蹻。謂破屨也。(四)徐元直名庶。會薦諸葛亮於劉備。其母被操所得。遂歸操。母自縊後。終身不爲操策一謀。(五)董幼宰名和。枝江人。先主定蜀。與諸葛亮並署左將軍大司馬府事。外牧殊域。內轉機衡。二十餘年。死之日。家無儲石之儲。亮甚追思之。(六)謂事有不妥。必反覆研討也。(七)十分之一。

陳琳爲袁紹檄豫州

左將軍領豫州刺史郡國相守。蓋聞明主圖危以制變。忠臣慮難以立權。是以有非常之人。然後有非常之事。有非常之事。然後立非常之功。夫非常者。故非常人所擬也。曩者強秦弱主。趙高執柄。專制朝權。威福由己。時人迫脅。莫敢正言。終有望夷之敗。祖宗焚滅。汚辱至今。永爲世鑒。及臻呂后季年。產祿專政。內兼二軍。外統梁趙。擅斷萬機。決事省禁。下陵上替。海內寒心。於是絳侯朱虛。與兵奮怒。誅夷逆暴。尊立太宗。故能王道興隆。光明顯融。此則大臣立權之明表也。司空曹操。祖父中常侍騰。與左悺徐璜。

並作妖孽。饗饗放橫。傷化虐民。父蒿乞匄。攜養。因贓假位。與金輦壁。輸貨
權門。竊盜鼎司。傾覆重器。操贊閹遺醜。本無懿德。標校鋒協。好亂樂禍。幕
府董統鷹揚。掃除凶逆。續遇董卓。侵官暴國。於是提劍揮鼓。發命東夏。收
羅英雄。棄瑕取用。故遂與操同諮合謀。授以裨師。謂其鷹犬之才。爪牙可
任。至乃愚佻短略。輕進易退。傷夷折屺。數喪師徒。幕府輒復分兵命銳。修
完補輯。表行東郡。領兗州刺史。被以虎文。獎盛威柄。冀獲秦師。一剋之報。
而操遂承資跋扈。肆行凶忒。割剝元元。殘賢害善。故九江太守邊讓。英才
俊偉。天下知名。直言正色。論不阿諂。身首被梟懸之誅。妻孥受灰滅之咎。
自是士林憤痛。民怨彌重。一夫奮臂。舉州同聲。故躬破於徐方。地奪於呂
布。彷徨東裔。蹈據無所。幕府惟強幹弱枝之義。且不登叛人之黨。故復援
旌擐甲。席卷起征。金鼓響振。布衆奔沮。拯其死亡之患。復其方伯之位。則
幕府無德於兗土之民。而有大造於操也。後會鸞駕反旆。羣虜寇攻。時冀
州方有北鄙之警。匪遑離局。故使從事中郎徐勣。就發遣操使繕修郊廟。
翊衛幼主。操便放志。專行脅遷。當御省禁。卑侮王室。敗法亂紀。坐領三臺。
專制朝政。爵賞由心。刑戮在口。所愛光五宗。所惡滅三族。羣談者受顯誅。
腹議者蒙隱戮。百僚鉗口。道路以目。尚書記朝會。公卿充員品而已。故太
尉楊彪典歷二司。享國極位。操因緣眦睚。被以非罪。榜楚參弁。五毒備至。

觸情任忒。不顧憲網。又議郎趙彥。忠諫直言。義有可納。是以聖朝含聽。改容加飾。操欲迷奪時明。杜絕言路。擅收立殺。不俟報聞。又梁孝王先帝母昆。墳陵尊顯。桑梓松柏。猶宜肅恭。而操帥將吏士親臨發掘。破棺裸尸。掠取金寶。至令聖朝流涕。士民傷懷。操又特置發邱中郎將。摸金校尉。所過墮突。無骸不露。身處三公之位。而行桀虜之態。汚國虐民。毒施人鬼。加其細政苛慘。科防互設。罾繳充蹊。坑竅塞路。舉手挂網羅。動足觸機陷。是以兗豫有無聊之民。帝都有吁嗟之怨。歷觀載籍。無道之臣。貪殘酷烈。於操爲甚。幕府方詰外姦。未及整訓。加緒含容。冀可彌縫。而操豺狼野心。潛包禍謀。乃欲摧撓棟梁。孤弱漢室。除滅忠正。專爲梟雄。往者伐鼓北征。公孫瓚強寇桀逆。拒圍一年。操因其未破。陰交書命。外助王師。內相掩襲。故引兵造河。方舟北濟。會其行人發露。瓚亦梟夷。故使鋒芒挫縮。厥圖不果。爾乃大軍過蕩西山。屠各左校。皆束手奉質。爭爲前登。犬羊殘醜。消淪山谷。於是操師震懼。晨夜逋遁。屯據敖倉。阻河爲固。欲以螭蝦之斧。禦隆車之隧。幕府奉漢威靈。折衝宇宙。長戟百萬。胡騎千羣。奮中黃育獲之士。騁良弓勁弩之勢。并州越太行。青州涉濟滌。大軍汎黃河而角其前。荊州下宛葉。而掎其後。雷震虎步。竝集虜庭。若舉炎火以熯飛蓬。覆滄海以沃燧炭。有何不滅者哉。又操軍吏士。其可戰者。皆出自幽冀。或故營部曲。咸怨曠

思歸流涕北顧。其餘兗豫之民。及呂布張揚之遺衆。覆亡迫脅。權時苟從。各被創夷。人爲讐敵。若迴旆方徂。登高岡而擊鼓吹。揚素揮以啓降路。必士崩瓦解。不俟血刃。方今漢室陵遲。綱維弛絕。聖朝無一介之輔。股肱無折衝之勢。方畿之內。簡練之臣。皆垂頭搨翼。莫所憑恃。雖有忠義之佐。脅於暴虐之臣。焉能展其節。又操持部曲精兵七百。圍守宮闕。外託宿衛。內實拘執。懼其篡逆之萌。因斯而作。此乃忠臣肝腦塗地之秋。烈士立功之會。可不勸哉。操又矯命稱制。遣使發兵。恐邊遠州郡。過聽而給與。強寇弱主。違衆旅叛。舉以喪名。爲天下笑。則明哲不取也。卽日幽并青冀四州並進。書到荊州。便勒見兵。與建忠將軍協同舊勢。州郡各整戎馬。羅落境界。舉師揚威。竝匡社稷。則非常之功。於是乎著。其得操首者。封五千戶侯。賞錢五十萬。部曲偏裨將校諸吏降者。勿有所問。廣宣恩信。班揚符賞。布告天下。咸使知聖朝有拘偪之難。如律令。

〔註音〕(饗)音韜(忒)音脫(晉)音會(繳)音酌(炳)音响(標)音標

〔釋義〕(一)袁紹字本初。東漢汝陽人。時將伐許。因使琳作檄。以告州郡。(二)袁紹伐許。乃檄州郡。(三)

〔蜀志〕先主歸陶謙。謙表先主爲豫州刺史。後歸曹公。曹公表爲左將軍。(四)秦二世齋望夷宮。趙高令其嫗關樂。逼二世自殺。子嬰卽位。乃殺趙高。(五)呂產。呂祿。呂后之兄子。后以產爲梁王。祿爲趙王。又使二人分領南北軍。(六)萬機。重要政事也。(七)〔漢書〕產祿因謀作亂。齊悼惠王子朱虛侯章。在京師。知其謀。使人告兄齊王。令發兵。章欲與太尉勃內應。以誅諸呂。又。呂祿呂產欲作亂。朱虛侯章與太尉等誅之。大臣乃謀迎代王。(八)太宗。文帝廟號也。(九)明表。謂明白之表儀也。(一〇)騰。曹操祖父名。(一一)左楯。徐璜。皆桓帝時宦官。(一二)饗。貧得無

厭也。(三)〔魏志〕嵩、騰養子。其能知其生由本末。(四)因贖假位。後漢書嵩、騰時。貨賂中官。及輪西園錢一億萬。故位至大尉。(五)鼎。天下之大器也。(六)贅。假相連屬之意。(七)標。輕佻狡獪也。標。後漢書作僂。(八)鋒。協。後漢書作伙。鋒。協。如鋒之犀利也。(九)幕府。袁紹自謂也。董、督也。鷹揚狀軍之衆盛。紹與何進謀誅宦官。事洩。進被殺。紹乃勒兵入宮。盡殺宦官。(一〇)董卓。字仲穎。隴西人。爲相國。卒以山東豪傑並起。乃徙天子都長安。燔燒宮室。卓至西安。呂布誅卓。(一一)〔魏志〕董卓呼紹欲廢帝。紹不應。橫刀長揖而出。遂奔冀州。卓因拜紹渤海太守。紹遂用渤海之衆攻卓。(一二)瑕。王之汚點。喻小過。(一三)裨師。猶偏師。(一四)仇。輕也。(一五)〔謝承後漢書〕袁紹以曹操爲東郡太守。劉公山爲袁州刺史。公山爲黃巾所獲。乃以操爲兗州刺史。(一六)虎文。漢虎賁中郎將。冠鷩冠。衣虎文。(一七)獎。聲。成也。謂獎以官職。而成其威柄也。(一八)秦穆公用孟明伐晉。克之。報殺也。事見左傳。(一九)忒。凶惡也。(二〇)元元。人民也。(二一)擾讓。〔魏志〕陳留邊讓。言讓頗侵太祖。太祖殺讓。族其家。(二二)〔魏志〕陶謙爲徐州刺史。太祖征謙。糧少。引軍還。又太祖與呂布戰於濮陽。太祖軍不利。(二三)叛人。指呂布。(二四)紹征呂布。諸史不載。蓋史略也。擯。貫也。(二五)〔謝承後漢書〕操圍呂布於濮陽。爲布所破。投紹。紹哀之。乃給兵五千。還取兗州。(二六)〔魏志〕董卓徙天子都長安。後韓暹以天子都洛陽。(二七)時。公孫瓚攻紹。故云。(二八)離局。謂遠其部曲也。謂不違率部遠離也。(二九)脅。威迫也。脅。謂操威迫天子。靈都於許也。(三〇)三臺。尙書。御史。諫者也。(三一)五宗。五服內之宗親也。(三二)腹議。口不言而心誹謗也。(三三)揚彪。〔後漢書〕彪代董卓爲司空。又代黃琬爲司徒。時袁術僭亂。操託彪與術婚姻。誣以亂圖廢置。奏收下獄。劫以大逆。(三四)因緣。毗。以無因之事。多端造作。牽人得罪。置之於死。以腹己忿怒也。(三五)榜。楚。榜掠。捶楚也。(三六)五毒。疥。楊。荷。校。桎。梏。鉗。鐐。拷掠。五毒刑。(三七)梁孝王。漢景帝之胞弟。(三八)〔曹路傳〕曹操破梁孝王棺。收金寶。天子聞之。佛位。(三九)晉。魚網。緣以繩繫矢而射也。蹊。徑路。坑。誘。誘捕。獸類之陷穽。二句言處處暗險計。使人墮其術中以死也。(四〇)詰。謂問其罪也。(四一)〔後漢書〕公孫瓚大破黃巾。威震河北。紹自將擊之。(四二)獻帝春秋。操引軍造河。托言助紹。實圖襲鄴。以爲瓚援。會瓚破賊。紹每覺之。以軍退守敖倉。(四三)方舟。二舟相並而行也。莊子方舟而濟於河。(四四)〔魏志〕紹軍圍瓚。瓚自知必敗。盡殺其妻子。乃自殺。(四五)黑山賊于毒等。覆鄴城。紹入朝。歌鹿陽山。破之。斬毒。又擊左校郭太賢等。遂及四營屠各。戰於常山。(四六)屠各。左校。匈奴二部落名。(四七)敖倉。敖。山名。在河南滎澤縣西北。〔水經註〕山上有城。秦置倉其中。故曰敖倉。(四八)中黃育。獲。古勇士。中黃伯。夏育。烏獲也。(四九)紹。朔。高幹。時爲并州刺史。率軍逼太行山。往助紹戰。(五〇)紹子。諱。時爲青州刺史。亦勒兵相助。濟深。二水名。濟水源出河南。流經山東入海。深河源出山東。東北流入徒駭河。(五一)荊州。指劉表爲荊州刺史。(五二)宛。葉。漢二縣名。宛。卽今河南南陽縣。葉。卽河南葉縣。(五三)掩。牽其足也。(五四)搆。本作

蘇燒也。(一)空沃燥歲。沃。瀦水也。燥。熾也。(二)張揚。東漢雲中人。董卓專政。以爲建義將軍。(三)揮。猛激。驅也。(六)〔漢書〕人困而主不恤。下怨而上不知。比之謂土崩。何謂瓦解。吳楚齊越之兵是也。當比之時。安士樂俗之人衆。故諸侯無外境之助。比之謂瓦解。(六)陵遲。衰微也。(七)捐翼。垂翅也。(七)旅。俱也。禮進旅退旅。(七)建忠將軍。指張繡。時繡屯兵於宛。與劉表合軍。(三)羅落。列居也。(四)拘偪。急逼也。(五)如律令。用於文書下。言當履繩墨。動不失律令也。蓋爲吏有當先自正。而後正人。

陳琳檄吳將校部曲文

年月朔日子尚書令或告江東諸將校部曲。及孫權宗親中外。蓋聞禍福無門。惟人所召。夫見幾而作。不處凶危。上聖之明也。臨事制變。困而能通。智者之慮也。漸漬荒沈。往而不反。下愚之蔽也。是以大雅君子。於安思危。以遠咎悔。小人臨禍懷佚。以待死亡。二者之量。不亦殊乎。孫權小子。未辨菽麥。要領不足以膏齊斧。名字不足以侔簡墨。譬猶擊卵。始生翰毛。而便陸梁放肆。顧行吠主。謂爲舟楫。足以距皇威。江湖可以逃靈誅。不知天網設張。以在綱目。繫錢之魚。期於消爛也。若使水而可恃。則洞庭無三苗之墟。子陽無荆門之敗。朝鮮之壘。不刊南越之旌。不拔。昔夫差承闔閭之遠迹。用申胥之訓兵。棲越會稽。可謂強矣。及其抗衡上國。與晉爭長。都城屠於句踐。武卒散於黃池。終於覆滅。身罄越軍。及吳王濞驕恣。屈強猖獗。始亂。自以兵強國富。勢陵京城。太尉帥師。甫下滎陽。則七國之軍。瓦解冰泮。導之罵言。未絕於口。而丹徒之刃。以陷其胸。何則。天威不可當。而悖逆之

罪重也。且江湖之衆不足恃也。自董卓作亂以迄於今。將三十載。其間豪傑縱橫。熊據虎踞。強如二袁三三。勇如呂布。跨州連郡。有威有名。十有餘輩。其餘鋒捍特起。鷲視狼顧。爭爲梟雄者。不可勝數。然皆伏鉄嬰鉞二四。首腰分離。雲散原燎。罔有孑遺。近者關中諸將復相合聚。續爲叛亂。阻二華二六。據河渭。驅率羌胡。齊鋒東向。氣高志遠。似若無敵。丞相秉鉞鷹揚。順風烈火。元戎啓行。未鼓而破。伏尸千萬。流血漂橈。此皆天下所共知也。是後大軍所以臨江而不濟者。以韓約馬超二九。逋逸。逃脫。走還涼州。復欲鳴吠。逆賊宋建。僭號河首。同惡相救。並爲脣齒。又鎮南將軍張魯三一。負固不恭。皆我王誅所當先加。故且觀兵旋旆。復整六師。長驅西征。致天下誅。偏師涉隴。則建約梟夷。旌首萬里。軍入散關。則羣氏三二。率服。王侯豪帥。奔走前驅。進臨漢中。則陽平三五。不守。十萬之師。土崩魚爛。張魯三六。逋竄。走入巴中。懷恩悔過。委質還降。巴夷王朴胡。賓邑侯杜獲三八。各帥種落。共舉巴郡。以奉王職。鉦鼓一動。二方俱定。利盡西海。兵不鈍鋒。若此之事。皆上天威明。社稷神武。非徒人力所能立也。聖朝寬仁覆載。允信允文。大啓爵命。以示四方。魯及胡獲。皆享萬戶之封。魯之五子。各受千室之邑。胡獲子弟。部曲將校。爲列侯。將軍已下。千有餘人。百姓安堵。四民反業。而建約之屬。皆爲鯨鯢。超之妻孥三九。焚首金城。父母嬰孩。覆尸許市四一。非國家鍾禍於彼。降福於此也。逆順之分。不得不然。

夫鷲鳥之擊先高攫鷲之勢也。牧野之威孟津之退也。今者枳棘翦扞戎夏以清。萬里肅齊。六師無事。故大舉天師百萬之衆與匈奴。南單于。呼完廚及六郡烏桓丁令屠各。遼中。羌棘。雲奮。席卷。自壽春而南。又使征西將軍夏侯淵等。率精甲五萬。及武都氏。羌巴。漢。銳卒。南臨汶江。搶據庸蜀。江道並入。權之期命。於是至矣。丞相銜奉國威。爲人除害。元惡大憝。必當梟夷。至於枝附葉從。皆非詔書所特禽疾。故每破滅強敵。未嘗不務在先降後誅。拔將取才。各盡其用。是以立功之士。莫不翹足引領。望風響應。昔袁術僭逆。王誅將加。則廬江太守劉勳先舉其郡還歸國家。呂布作亂。師臨下邳。張遼侯成。率衆投降。還討眭固。薛洪。廖尙。開城就化。官渡之役。則張郃高奐。舉事立功。後討袁尙。則都督將軍馬延。故豫州刺史除夔。射聲校尉郭昭。臨陣來降。圍守鄴城。則將軍蘇游。反爲內應。審配。兄子。開門入兵。旣誅袁譚。則幽州大將焦觸。攻逐袁熙。舉縣來服。凡此之輩。數百人。皆忠壯果烈。有智有仁。悉與丞相參圖畫策。折衝討難。芟敵舉旗。靜安海內。豈輕舉措也哉。誠乃天啓其心。計深慮遠。審邪正之律。明可否之分。勇不虛死。節不苟立。屈伸變化。唯道所存。故乃建邱山之功。享不訾之祿。朝爲仇虜。夕爲上將。所謂臨難知變。轉禍爲福者也。若夫說誘甘言。懷寶小惠。泥

滯苟且沒而不覺。隨波漂流。與燹俱滅者。亦甚衆多。吉凶得失。豈不良哉。昔歲軍在漢中。東西懸隔。合肥遺守。不滿五千。權親以數萬之衆。破敗奔走。今乃欲當禦雷霆。難以冀矣。夫天道助順。人道助信。事上之謂義。親親之謂仁。盛孝章君也。而權誅之。孫輔兄也。而權殺之。賊義殘仁。莫斯爲甚。乃神靈之逋罪。下民所同讐。辜讐之人。謂之凶賊。是故伊摯去夏。不爲傷德。飛廉死紂。不可謂賢。何者。去就之道。各有宜也。丞相深惟江東舊德名臣。多在載籍。近魏叔英。秀出高峙。著名海內。虞文繡。砥礪清節。耽學好古。周泰明。當世雋彥。德行修明。皆宜膺受多福。保乂子孫。而周盛門戶。無辜被戮。遺類流離。煙沒林莽。言之可爲愴然。聞魏周榮。虞仲翔。各紹堂構。能負析薪及吳諸顧。陸舊族長者。世有高位。當報漢德。顯祖揚名。及諸將校。孫權婚親。皆我國家良寶利器。而並見驅逐。雨絕於天。有斧無柯。何以自濟。相隨顛沒。不亦哀乎。蓋鳳鳴高岡。以遠罽羅。賢聖之德也。鷦鷯之鳥。巢於葦苕。苕折子破。下愚之惑也。今江東之地。無異葦苕。諸賢處之。信亦危矣。聖朝開弘曠蕩。重惜民命。誅在一。人。與衆無忌。故設非常之賞。以待非常之功。乃霸夫烈士奮命之良時也。可不勉乎。若能翻然大舉。建立元勳。以應顯祿。福之上也。如其未能。竿量大小。以存易亡。亦其次也。夫係驪在足。則猛虎絕其蹠。蝮蛇在手。則壯士斷其節。何則。以其所全者重。以其所

棄者輕。若乃樂禍懷甯。迷而忘復。闔大雅之所保。背先賢之去就。忽朝陽之安。甘折若之末。日忘一日。以至覆沒。大兵一放。玉石俱碎。雖欲救之。亦無及已。故令往購募爵賞科條如左。檄到詳思至言。如詔律令。

〔註音〕(一)戲音寇(二)響音窳(會)音貴(雙)音服(愁)音隊(櫻)音留(徒)音作(鷓鴣)音寧(一)

〔釋義〕(一)或荀或字文若。潁川人也。曹操以爲奮武司馬。又表爲侍中。守尚書令。後操嫉或。饋以空器。仰藥死。(二)左傳。晉周子有兄而無慧。不能辨菽麥。(三)齊斧。斧。鉞也。以整齊天下也。(四)穀卵。初出待哺之小鳥。

(五)翰毛。羽毛也。(六)陸梁。踉蹌之貌。(西京賦)怪獸陸梁。(七)吠主。戰國策。跖之狗吠堯。非其主也。(八)綱目。綱網之大繩。目。綱之孔目。(九)鑿鑿。鑿。窳也。鑿。釜屬。(一〇)史記。三苗氏左洞庭。右彭蠡。德義不修。夏禹滅之。(一一)後漢書。公孫述。字子陽。自立爲蜀王。遣任滿據荆門。帝令岑彭攻之。滿大敗。(一二)史記。天子拜涉何爲遼東部都尉。朝鮮襲殺何。天子遣左將軍荀彘擊朝鮮。朝鮮人殺其王右渠來降。定朝鮮爲四郡。(一三)漢武帝時。南越呂嘉反。帝遣楊僕擊平之。(一四)史記。吳王闔閭死。立太子夫差。又樂毅遣燕王書曰。昔伍子胥說聽於闔閭。而吳王遠跡至郢。(一五)申胥。楚大夫伍奢之子子胥也。名員。奔吳。吳與地。(一六)春秋時。吳王夫差伐越。敗之。越王句踐以甲兵五千。棲於會稽。(一七)抗舉也。抗衡謂對舉以爭輕重也。吳王夫差北會諸侯於黃池。欲霸中國。與晉定公爭長。句踐乘虛伐吳。夫差引兵歸。與越成。攜李之役。夫差自刎死。吳亡。(一八)吳王濞。漢高兄仲之子也。景帝三年。約七國俱反。帝命周亞夫討之。亞夫至洛。喜曰。今吾據滎陽。滎陽以東。無足憂者。七國敗。濞奔丹徒。爲丹徒人所殺。(一九)屈。通個。倔強。不服令也。(二〇)太尉。周亞夫也。(二一)漢書。七國反。書聞天子。遣條侯周亞夫往擊楚。敗之。(二二)漢書。吳王敗。乃與戲下壯士千人。夜亡渡淮。走丹徒。保東越。漢使人以利啗東越。東越卽給吳王。吳王出勞軍。漢使人殺吳王。(二三)二袁。袁紹。袁術也。(二四)伏。受法也。鉄鉞。殺人兵器。嬰。加也。觸也。(二五)關中諸將。時蜀將韓遂。馬超等。據守關中。(二六)二華。太華。少華。二山也。(二七)河。謂黃河。渭水也。(二八)榆。通杵。大錘也。(二九)韓遂。字文約。馬超。字孟起。俱事劉備。爲蜀漢將軍。(三〇)宋建。魏志。隴西宋建。自稱河首平漢王。夏侯淵討之。斬建。涼州諸將。斬送韓遂首。建死。事見上宋建註。(三一)散關。卽大散關。在陝西靈寶縣。(魏志)公西征張魯。自陳倉出散關。至河池。氏王賈茂。衆萬餘人。恃險不服。公攻屠之。(三二)魏志。西征張魯。至陽平。魯使弟衡據陽平關。公乃遣高祚等乘險夜襲。大破之。(三三)陽平。關名。在陝西沔縣西北。(三四)魏志。魯弟衡夜襲。魯潰走巴中。遣人慰諭。魯盡

魏明帝賜彭城王據璽書

制詔彭城王。有司奏王遣司馬董和齋珠玉。來到京師中尙方。多作禁物。交通工官。出入近署。踰侈非度。慢令違制。繩王以法。朕用憮然。不甯於心。王以懿親之重。處藩輔之位。典籍日陳於前。勤誦不輟於側。加雅素奉修。恭肅敬慎。務在蹈道。孜孜不衰。豈忘率意正身。考終厥行哉。若然小疵。或謬於細人。忽不覺悟。以斯爲失耳。書云。惟聖罔念作狂。惟狂克念作聖。古人垂誥。乃至於此。故君子思心。無斯須遠道焉。嘗慮所以累德者而去之。則德明矣。開心所以爲塞者而通之。則心夷矣。慎行所以爲尤者而修之。則行全矣。三者王之所能備也。今詔有司宥王。削縣二千戶。以彰入柄。與奪之法。昔羲文作易。著休復之誥。仲尼論行。旣過能改。王其改行。茂昭斯義。率意無怠。

【註音】(修)音比。(疵)音此。

【釋義】(一)踰侈。過於奢侈也。(二)度。法也。(三)憮然。憂也。

(四)孜孜。勤勉貌。(五)疵。缺點也。(六)八柄(周禮)。以八柄詔王馭羣臣。一曰爵。以馭其貴。二曰祿。以馭其富。三曰予。以馭其幸。四曰置。以馭其行。五曰生。以馭其福。六曰奪。以馭其貧。七曰廢。以馭其罪。八曰誅。以馭其過。

曹植下國中令 黃初六年

身輕於鴻毛。而謗重於泰山。賴蒙帝王天地之仁。違百司之典議。舍三千之首戾。反我舊居。襲我初服。雲雨之施。焉有量哉。孤以何功而納斯貶富。

而不恠。寵至不驕者。則周公其人也。孤小人爾。身更以榮爲戚。何者。將恐簡易之尤。出於細微。脫爾之愆。一朝復露也。故欲修吾往業。守吾初志。欲使皇帝恩在摩天。使孤心常存此地。將以全陛下厚德。究孤犬馬之年。此難能也。然固欲行衆之難。詩曰。德輶如毛。鮮克舉之。此之謂也。

【註音】(脫)音況

【釋義】(一)(書)五刑之屬三千。

(二)初服未貴以前之服。

(三)脫與也。

(四)恠同各。

(五)脫爾。疏忽之意。

(六)摩天。喻其高。

(七)輶。輕也。

鍾會檄蜀文

往者漢祚衰微。率土分崩。生民之命。幾於泯滅。我太祖武皇帝神武聖哲。撥亂反正。拯其將墜。造我區夏。高祖文皇帝應天順民。受命踐祚。烈祖明皇帝奕世重光。恢拓洪業。然江山之外。異政殊俗。率土齊民。未蒙王化。此三祖所以顧懷遺志也。今主上聖德欽明。紹隆前緒。宰輔忠肅。明允勅勞。王室布政垂惠。而萬邦協和。施德百蠻。而肅慎致貢。悼彼巴蜀。獨爲匪民。愍此百姓。勞役未已。是以命授六師。冀行天罰。征西雍州鎮西諸軍。五道並進。古之行軍。以仁爲本。以義治之。王者之師。有征無戰。故虞舜舞干戚。而服有苗。周武有散財發廩。表閭之義。今鎮西奉辭銜命。攝統戎車。庶弘文告之訓。以濟元元之命。非欲窮武極戰。以快一朝之志。故略陳安危之

要。其敬聽話言。益州^{二五}先主^{一六}以命世英才。與兵新野。困躓冀徐之郊。制命紹布之手。太祖拯而濟之。興隆大好。中更背違。棄同卽異。諸葛孔明仍規秦川。姜伯約屢出隴右。勞動我邊境。侵擾我氐羌。方國家多故。未遑修九伐之征也。今邊境又清。方內無事。蓄力待時。併兵一向。而巴蜀一州之衆。分張守備。難以禦天下之師。段谷侯和沮傷之氣。難以敵堂堂之陣。比年已來。會無甯歲。征夫勤瘁。難以當子來之民。此皆諸賢所共親見。蜀侯見禽於秦。公孫述授首於漢。九州之險。是非一姓。此皆諸君所備聞也。明者見危於無形。智者規福於未萌。是以微子^{三〇}去商。長爲周賓。陳平背項。立功於漢。豈宴安鳩毒。懷祿而不變哉。今國朝隆天覆之恩。宰輔弘寬恕之德。先惠後誅。好生惡殺。往者吳將孫壹^{三一}舉衆內附。位爲上司。寵秩殊異。文欽唐咨^{三二}爲國大害。叛主讐賊。還爲戎首。咨困偪禽獲。欽二子還降。皆將軍封侯。咨豫聞國事。壹等窮蹙歸命。猶加上寵。況巴蜀賢智。見幾而作者哉。誠能深鑒成敗。邈然高蹈。投迹微子之蹤。措身陳平之軌。則福同古人。慶流來裔。百姓士民。安堵樂業。農不易畝。市不迴肆。去累卵之危。就永安之計。豈不美與。若偷安旦夕。迷而不反。大兵一放。玉石俱碎。雖欲悔之。亦無及也。各具宣布。咸使知聞。

【釋義】（二）〔魏志〕景元四年。令鍾會伐蜀。會至廣中。蜀大將姜維等守劍閣以距。會乃作檄蜀將吏文。

(二)太祖。魏武帝曹操也。(三)高祖。魏文帝曹丕。(四)順乎天而應乎人。(五)烈祖。魏明帝曹叡也。(六)齊民。猶平民也。(七)主上。陳留王奐也。(八)宰輔。司馬文王也。(九)疆嶺。古國名。處有吉林及俄領東海濱省之地。(一〇)麗。通恭。(一一)魏志。詔使征西將軍鄧艾。督諸軍趨甘松沓中。雍州刺史諸葛緒督諸軍趨武街高懷。鎮西將軍鍾會由監谷伐蜀。(一二)尚書。帝乃誣敷文德。舞干羽于兩階。七旬有苗格。(一三)武王既克紂。乃散鹿臺之財。發鉅橋之粟。式商容之閭。(一四)元元。百姓也。(一五)益州。今四川省地。治成都。(一六)先主。指劉備。(一七)新野。河西縣名。(一八)紹布。袁紹。呂布。(一九)先主領徐州。呂布襲之。麴先主妻子。乃求和於布。後歸曹公。曹公厚遇之。以爲豫州牧。後背曹公歸袁紹。(二〇)秦川。方輿紀要。陝西謂之秦川。(二一)姜伯約。姜維。字伯約。蜀漢天水人。拜征西將軍。孔明卒。維繼領其衆。鍾會兵至劍閣。維力禦。會不能克。後主降魏。維得後主敕始降。(二二)隴右。今甘肅隴山以西之地。(二三)九伐。周禮以九伐之法。定邦國。(二四)方內。四方之內。(二五)段谷。地名。在甘肅。鄧艾敗姜維於段谷。(二六)侯和。城名。在今甘肅臨漳縣。姜維被鄧艾戰敗於此。(二七)子來。詩。經。始勿。庶民子來。(二八)史記。秦惠文君八年。張儀伐蜀。滅之。(二九)西漢末。公孫述據蜀中。光武討平之。(三〇)微子。紂之庶兄。諫紂不聽。遂去之。周公誅武庚。命微子代殷後。國於宋。(三一)陳平。魏項王謀。遂至脩武降漢。拜平爲都尉。(三二)孫壹。權之孫。爲江東太守。後奔魏。爲車騎將軍。封吳侯。(三三)文欽。唐咨。文欽與母丘儉反。爲諸葛誕所殺。欽二子驚耳。險城出降。馬司昭表爲將軍。皆賜關內侯。諸葛誕既誅。唐咨降。拜安遠將軍。(三四)呂氏春秋。桀爲無道。湯立爲天子。夏民大闢。農不去囂。商不變肆。

孫楚爲石苞與孫皓書

苞白。蓋聞見幾而作。周易所貴。小不事大。春秋所誅。此乃吉凶之萌兆。榮辱之所由興也。是故許鄭以銜璧全國。曹譚以無禮取滅。載籍既記。其成敗。古今又著。其愚智矣。不復廣引譬類。崇飾浮辭。苟以夸大爲名。更喪忠告之實。今粗論事勢。以相覺悟。昔炎精幽昧。曆數將終。桓靈失德。災釁並興。豺狼抗爪牙之毒。生人陷荼炭之艱。於是九州絕貴。皇綱解紐。四海蕭條。非復漢有。太祖承運。神武應期。征討暴亂。克甯區夏。協建靈符。天命既

集。遂廓洪基。奄有魏域。土則神州中岳。器則九鼎猶存。世載淑美。重光相
襲。固知四隩之攸同。天下之壯觀也。公孫淵承籍父兄。世居東裔。擁帶燕
胡。馮陵險遠。講武盤桓。不供職貢。內傲帝命。外通南國。乘桴滄海。交疇貨
賄。葛越布於朔土。貂馬延乎吳會。自以爲控弦十萬。奔走足用。信能右折
燕齊。左振扶桑。陵轍沙漠。南面稱王也。宣王薄伐。猛銳長驅。師次遼陽。
城池不守。桴鼓一震。而元凶折首。然後遠迹疆場。列郡大荒。收離聚散。咸
安其居。民庶悅服。殊俗款附。自茲遂隆。九野清泰。東夷獻其樂器。肅慎貢
其楛矢。曠世不羈。應化而至。巍巍蕩蕩。想所具聞。吳之先主。起自荊州。遭
時擾攘。播潛江表。劉備震懼。亦逃巴岷。遂依邱陵。積石之固。三江五湖。浩
汗無涯。假氣游魂。迄于四紀。二邦合從。東西唱和。互相扇動。距捍中國。自
謂三分鼎足之勢。可與泰山共相終始。相國晉王。輔相帝室。文武桓桓。志
厲秋霜。廟勝之算。應變無窮。獨見之鑒。與衆絕慮。主上欽明。委以萬幾。長
轡遠御。妙略潛授。偏師同心。上下用力。稜威奮伐。采入其阻。弁敵一向。奪
其膽氣。小戰江介。則成都自潰。曜兵劍閣。而姜維面縛。開地五千。列郡三
十。師不踰時。梁益肅清。使竊號之雄。稽顙絳闕。球琳重錦。充於府庫。夫號
滅虞亡。韓弁魏徙。此皆前鑒之驗。後事之師也。又南中呂興。深覩天命。蟬
蛻內向。願爲臣妾。外失輔車。唇齒之援。內有毛羽。零落之漸。而徘徊危國。

冀延日月。此猶魏武侯卻指河山。以自強大。殊不知物有興亡。則所美非其地也。方今百僚濟濟。儁三三又盈朝。虎臣武將。折衝萬里。國富兵強。六軍精練。思復翰飛三四。飲馬南海。自頃國家。整治器械。修造舟楫。簡習水戰。伐樹北山。則太行木盡三五。濬決河洛。則百川通流。樓船萬艘。千里相望。自剗木以來三六。舟車之用。未有如今日之盛者也。驍勇百萬。畜力待時。役不再舉。今日之謂也。然主上眷眷。未便電邁者三六。以爲愛民治國。道家所尙。崇城自卑。文王退舍。故先開示大信。喻以存亡。殷勤之旨。往使所究。若能審識安危。自求多福。蹙然改容。祇承往告。追慕南越。嬰齊入侍四一。北面稱臣。伏聽告策。則世祚江表。永爲藩輔。豐報顯賞。隆於今日矣。若侮慢不式。王命。然後謀力雲合。指麾風從。雍益二州。順流而東。青徐戰士。列江而西。荆揚兗豫。爭驅入衝。征東甲卒。虎步秣陵。爾乃皇輿整駕。六師徐征。羽檄燭日。旌旗流星。遊龍曜路。歌吹盈耳。士卒奔邁。其會如林。煙塵俱起。震天駭地。渴賞之士。鋒鏑爭先。忽然一日。身首橫分。宗祀屠覆。取誠萬世。引領南望。良以寒心。夫治膏肓者。必進苦口之藥。決狐疑者。必告逆耳之言。如其迷謬。未知所投。恐俞附見其已困。扁鵲知其無功也。勉思良圖。惟所去就。石苞白。

【註音】(告)音谷(馮)音憑(采)音彌(儁)子峻切

【釋義】(一)楚成王圖許。許僖公銜壁見楚王。王釋之。楚莊王圍鄭。鄭伯牽羊肉袒以迎。(二)晉公子重耳。出亡至曹。曹薄之。重耳返國後伐曹。齊桓公出亡過譚。譚不禮。桓公即位後滅譚。(三)麥精。指漢。因漢以火德王。

(四)後漢桓帝靈帝。(五)太祖指曹操。(六)九鼎禹所鑄。三代傳爲國寶。(七)四漢四方也。(八)公孫淵據遼東。魏明帝時拜爲揚烈將軍。遼東太守。後與孫權通。魏乃遣司馬懿征之。(九)南國指吳。(一〇)葛越南方布正。(一一)扶桑卽今之日本。(一二)今遼寧省遼陽縣。(一三)八方與中央謂之九野。(一四)魏明帝青龍四年。肅慎氏獻楛矢。見〔魏志〕。(一五)吳之始祖孫堅。殺荊州刺史王叡。(一六)江表卽江南也。(一七)巴郡。岷山均屬四川。(一八)積石山名。在四川。(一九)二邦指蜀與吳。(二〇)晉王司馬昭也。封晉王。(二一)采深也。(二二)江介地名。卽江油。(二三)成都今四川省城。(二四)劍閣在四川劍閣縣北。(二五)梁益蜀之二州名。(二六)球珞皆玉名。(二七)重錦。熟細佳美之錦。(二八)晉獻公假道於虞以伐虢。虢亡。遂滅虞。(二九)韓魏相連。秦滅韓後卽滅魏。(三〇)呂興爲吳交趾郡吏。殺交趾郡太守。反遣使至魏請太守及軍。(三一)輔車謂頰輔及方車也。(三二)左傳。輔車相依。(三三)史記。魏武侯侯浮西河而下中流。顧謂吳起曰。美哉山河之固。此魏國之寶也。(三四)備同俊。(三五)翰飛高飛也。(三六)太行山在山西。(三七)〔易〕剝木爲舟。(三八)聖人舉兵爲天下除害。一舉而畢。役不再興。(三九)電邁謂注意遠方也。(四〇)文王伐崇。三旬不降。乃退修而復伐之。因壘而降。(四一)暨然興起貌。(四二)漢武帝時。南越王遣嬰齊入侍。(四三)石苞爲征東大將軍。(四四)秣陵。吳都。今江蘇之江寧縣。(四五)遊龍指馬也。(四六)求賞如渴之土。(四七)俞附古名醫。(四八)扁鵲亦古名醫。

傅亮爲宋公修張良廟教

綱紀夫盛德不泯義存祀典。微管之歎。撫事彌深。張子房道亞黃中。照鄰殆庶。風雲元感。蔚爲帝師。夷項定漢。大拯橫流。固已參軌伊望。冠德如仁。若乃神交圯上。道契商洛。顯默之際。窅然難究。淵流浩瀆。莫測其端矣。塗次舊沛。佇駕留城。靈廟荒頓。遺象陳昧。撫迹懷人。永歎實深。過大梁者。或佇想於夷門。游九原者。亦流連於隨會。擬之若人。亦足以云。可改構棟宇。修飾丹青。蘋蘩行潦。以時致薦。抒懷古之情。存不刊之烈。主者施行。

〔註音〕(圯)音詒(宵)音查

〔釋義〕(一)宋公東晉末。劉裕封宋公。後封宋王。受禪卽位。是爲宋武帝。(二)義熙十三年高祖北伐。軍次

管城。今修張良廟。(三)綱紀。主簿也。(四)低。誠也。(五)論語。微管仲。吾其被髮左衽矣。(六)張良字子房。(七)黃中。易。君子黃中通理。正位居體。(八)夷。平也。項。指項羽。(九)伊尹和太公望也。(一〇)論語。桓公九合諸侯。不以兵車。管仲之力也。如其仁。如其仁。(一一)圮上。橋上也。圮上老人授張良一書。曰。讀是可以爲王者師。(一二)商洛。商山四皓也。秦時。四皓避居商洛山中。張良教太子厚禮迎之。(一三)實然。深遠貌。(一四)浩繁。水大貌。(一五)今江蘇沛縣。漢高祖之故鄉。(一六)留城。漢縣。在今沛縣東南。張良封留侯治此。(一七)大梁。地名。(一八)夷門。東門也。魏隱士侯嬴爲大梁夷門監者。太史公曰。吾過大梁之墟。求問其所謂夷門者。(一九)九原。晉卿大夫之墓在九原。後世因謂墓地爲九原。按九原。或謂在山西絳縣北。或謂在山西和順縣西北。(二〇)丹青。謂畫也。畫有着色。故名丹青。

宋文帝誠江夏王荊州刺史義恭書

天下艱難。家國事重。雖曰守成。實亦未易。隆替安危。在吾曹耳。豈可不感尋王業。大懼負荷。汝性褊急。志之所滯。其欲必行。意所不存。從物回改。此最弊事。宜念裁抑。衛青遇士大夫以禮。與小人有恩。西門安于。矯性齊美。關羽張飛。任偏同弊。行己舉事。深宜鑒此。若事異今日。嗣子幼蒙。司徒當周公之事。汝不可不盡祇順之理。爾時天下安危。決汝二人耳。汝一月自用錢不可過三十萬。若能省此益美。西楚府舍。略所諳究。計當不須改作。日求新異。凡訊獄多決當時。難可逆慮。此實爲難。至訊日虛懷博盡。慎無以喜怒加人。能擇善者而從之。美自歸己。不可專意自決。以矜獨斷之明也。名器深宜慎惜。不可妄以假人。昵近爵賜。尤應裁量。吾於左右。雖爲少恩。如聞外論。不以爲非也。以貴凌物。物不服。以威加人人不厭。此易達事耳。聲樂嬉遊。不宜令過。蒲酒漁獵。一切勿爲。供用奉身。皆有節度。奇服異

器不宜與長。又宜數引見佐史。相見不數。則彼我不親。不親無因得盡人情。人情不盡。復何由知衆事也。

〔註音〕〔蕭〕薄胡切

〔釋義〕(一)義恭。武帝第五子。文帝弟。(二)守成。言守已成之業。(三)隆替。猶興衰也。(四)縹。凝聚也。(五)此二句謂非本意所願。往往隨物而改變也。物事也。(六)衛青。漢平陽人。武帝使爲大將軍。伐匈奴。(七)西門豹。性急。佩韋自綴。見〔韓非子〕。(八)安于。性緩。佩絃目急。見〔韓非子〕。(九)〔蜀志〕羽善待卒伍而驕於士大夫。飛愛敬君子。而不恤小人。(一〇)司徒。指彭城王義康也。(一一)爾時。謂異日也。(一二)荊州本西楚地。(一三)謂虛心處事。務求詳博也。(一四)晁暹。親近也。(一五)蕭。謂賭博也。

陸贄擬奉天改元大赦制

門下。致理興化。必在推誠。忘己濟人。不吝改過。朕嗣守不構。君臨萬方。失守宗祧。越在草莽。不念率德。誠莫追於既往。永言思咎。期有復於將來。明徵厥初。以示天下。惟我烈祖。邁德庇人。致俗化於和平。拯生靈於塗炭。重熙積慶。垂二百年。伊爾卿尹。庶官洎億兆之衆。代受亭育。以迄於今。功存於人。澤垂於後。肆予小子。獲纘鴻業。懼德不嗣。罔敢怠荒。然以長於深宮之中。暗於經國之務。積習易溺。居安忘危。不知稼穡之艱難。不察征戍之勞苦。澤靡下究。情不上通。事既壅隔。人懷疑阻。猶昧省己。遂用興戎。徵師四方。轉餉千里。賦車籍馬。遠行騷然。行齋居送。衆庶勞止。或一日屢交鋒刃。或連年不解甲冑。祀奠乏主。室家靡依。生死流離。怨氣凝結。力役不息。田萊多荒。暴命峻於誅求。疲晷空於杼軸。轉死溝壑。離去鄉閭。邑里邱墟。

人煙斷絕。天譴於上。而朕不悟。人怨於下。而朕不知。馴致亂階。變與都邑。賊臣乘釁。肆逆滔天。曾莫愧畏。敢行陵逼。萬品失序。九廟震驚。上辱於祖宗。下負於黎庶。痛心覲貌。罪實在予。永言愧悼。若墜深谷。賴天地降祐。神人叶謀。將相竭誠。爪牙宣力。屏逐大盜。載張皇維。將弘永圖。必布新令。朕晨興夕惕。惟念前非。乃者公卿百寮。累抗章疏。猥以徽號。加於朕躬。固辭不獲。俯遂輿議。昨因內省。良用豐然。體陰陽不測之謂神。與天地合德之謂聖。顧惟淺昧。非所宜當。文者所以成化。武者所以定亂。今化之不被。亂是用興。豈可更徇羣情。苟膺虛美。重余不德。祇益懷慙。自今以後。中外所上書奏。不得更稱聖神文武之號。夫人情不常。繫於時化。天道既隱。亂獄滋豐。朕既不能宏德尊人。又不能一法齊衆。苟設密網。以羅非辜。爲之父母。實增愧悼。今上元統歷獻歲發生。宜革紀年之號。式敷在宥之澤。與人更始。以答天休。可大赦天下。改建中五年爲興元元年。自正月一日昧爽以前。大辟罪以下。罪無輕重。咸赦除之。李希烈田悅王武俊李納等。有以忠勞任膺將相。有以勳舊繼守藩維。朕撫馭乖方。信誠靡著。致令疑懼。不自保安。兵興累年。海內騷擾。皆由上失其道。下罹其災。朕實不君。人則何罪。屈己宏物。予何愛焉。庶懷引慝之誠。以洽好生之德。其李希烈田悅王武俊李納。及所管將士官吏等。一切並與洗滌。各復爵位。待之如初。仍卽

遣使分道宣諭。朱滔雖與賊泚連坐。路遠未必同謀。朕方推以至誠。務欲宏貸。如能效順。亦與惟新。其河南北諸軍兵馬。並宜各於本道自固封疆。勿相侵軼。朱泚一五大爲不道。棄義蔑恩。反易天常。盜竊名器。暴犯陵寢。所不忍言。獲罪祖宗。朕不敢赦。其應被朱泚脅從將士官吏百姓及諸色人等。有遭其扇誘。有迫以兇威。苟能自新。理可矜宥。但官軍未到京城以前。能去逆效順及散歸本道者。並從赦例原免。一切不問。天下左降官卽與量移一六近處。已量移者更與量移。流人配隸及藩鎮效力。並緣罪犯與諸使驅使官兼別敕諸州縣安置。及得罪人家口未得歸者。一切放還。應先有痕累禁錮及反逆緣坐承前恩赦所不該者。並宜洗雪。亡官失爵放歸勿齒者。量加收斂人之行業。或未必兼構大廈者。方集於羣材。建奇功者不限於常檢。苟在適用。則無棄人。況黜免之人。沈鬱既久。朝過夕改。仁何遠哉。流移降黜亡官失爵配隸人等。有材能著聞者。特加錄用。勿拘常例。諸軍使諸道赴奉天及進收京城將士等。或百戰摧敵。或萬里勤王。扞固全城。驅除大慙。濟危難者。其節著。復社稷者。其業崇。我圖爾功。特加彝典。錫名疇賦。永永無窮。宜並賜名奉天定難功臣。身有過犯。遞減罪二等。子孫有過犯。遞減罪二等。當戶應有差科使役一切蠲免。其功臣已後。雖衰老疾患。不任軍旅。當分糧賜。並宜全給。身死之後。十年內仍回給家口。其有食

實封者。子孫相繼。代代無絕。其餘敘錄。及功賞條件。待收京日。並準去年十月十七日十一月十四日敕處分。諸道諸軍將士等。久勤扞禦。累著功勳。方鎮克寧。惟爾之力。其應在行營者。並超三資與官。仍賜勳五轉。不離鎮者。依資與官。賜勳三轉。其累加勳爵。仍許回授周親。內外文武官三品已上。賜爵一級。四品已下。各加一階。仍並賜勳兩轉。見危致命。先哲攸貴。掩骼葬^{三三三}禮典所先。雖效用而或殊。在惻隱而何聞。諸道將士有死王事者。各委所在州縣給遞送歸本管。官爲葬祭。其有因戰陣殺戮及擒獲伏辜暴骨原野者。亦委所在逐近便收葬。應緣流貶及犯罪未葬者。並許其家各據本官品以禮收葬。自頃軍旅所給。賦役繁興。吏因爲姦。人不堪命。咨嗟怨苦。道路無聊。汙可小康。與之休息。其墊陌及稅閒架竹木茶漆。權鐵等諸色名目。悉宜停罷。京畿之內。屬此寇戎。攻劫焚燒。靡有寧室。王師仰給。人以重勞。特宜減放今年夏稅之半。朕以兇醜犯闕。遽用於征。爰度近郊。息駕茲邑。軍儲克辦。師旅攸寧。式當褭旌。以志吾過。其奉天宜升爲赤縣。百姓並給復五年。尙德者教化之所先。求賢者邦家之大本。永言茲道。夢想勞懷。而澆薄之風。趨競不息。幽棲之士。寂寞無聞。蓋誠所未孚。故求之未至。天下有隱居行義。才德高遠。晦迹邱園。不求聞達者。委所在長吏。具姓名聞奏。當備禮邀致。諸色人中有賢良方正。能直言極諫。及博通

墳典^{二五}達於教化。并洞識韜鈴^{二六}堪任將帥者。委常參官及所在長吏聞薦。天下孤老鰥寡。博獨不能自活者。並委州縣長吏量事優恤。其有年九十以上者。刺史縣令就門存問。義夫節婦孝子順孫。旌表門閭。終身勿事。大兵之後。內外耗竭。貶食省用。宜自朕躬。當節乘輿之服御。絕宮室之華飾。率己師儉。爲天下先。諸道貢獻。自非供宗廟軍國之用。一切並停。應內外官有冗員。及百司有不急之費。委中書門下卽商量條件停減。聞奏。布澤行賞。仰惟舊章。今以餘擊未平。帑藏空竭。有乖慶賜。深愧於懷。赦書有所未該者。委所司類例條件聞奏。敢以赦前事相言告者。以其罪罪之。亡命山澤。挾藏軍器。百日不首。復罪如初。赦書日行五百里。布告遐邇。咸使聞知。

〔註音〕

〔禘〕音挑。〔洎〕音忌。〔覲〕他典切。〔揚〕他歷切。〔嬰〕菊縛切。〔鑿〕音捐。〔蕙〕模諧切。〔齒〕集義切。〔沆〕音迄。

〔釋義〕 (一)丕。大也。 (二)宗。禘。宗廟也。 (三)邁。勳。勇往力行之意。 (四)洎。闕也。 (五)田。休不耕者謂之萊。

(六)杼。軸。織具。 (七)覺。隙也。 (八)覲。慙貌。 (九)叶。古文協字。 (一〇)惕。懼也。 (一一)嬰。然。左右驚顧也。 (一二)今上。指唐

德宗。 (一三)大辟。殺頭之罪。 (一四)貸。寬恕也。 (一五)朱泚。唐代宗時盧龍部將。殺節度使朱希彩。德宗時。涇原節度使

姚令言。擢京師作亂。此爲太尉在長安。亂兵舉之爲主。稱帝。國號大秦。圍德宗於奉天。李晟復京師。泚走出。爲其

將所殺。 (一六)唐時人臣得罪。貶流遠方。遇赦改近地安置。謂之量移。 (一七)奉天。今遼寧省。 (一八)慙。凶惡也。 (一九)鑿

免。免除也。 (二〇)遷職曰轉。 (二一)蕙。同埋。 (二二)腐肉曰齒。 (二三)沆。幾也。 (二四)孚。信也。 (二五)三墳。五典之書。 (二六)韜鈴

言古兵法之書。有六韜及玉鈴篇。故軍略曰韜鈴。

陸贄擬議減鹽價詔

三代立制。山澤不禁。天地材利。與人共之。王道寢微。強霸爭鶩。於是設祈

望之守。與權管之法。以佐兵賦。以寬地征。公私之間。猶謂兼澤。歷代遵用。遂爲典常。自頃寇難荐興。已三十載。服干櫓者。農耕盡廢。居里閭者。行軸其空。革車方殷。軍食屢調。人多轉徙。田畝汙萊。乃專煮海之利。以爲贍國之術。度其所入。歲倍田租。近者軍費日增。權價日重。至有以穀一斗。易鹽一升。本末相踰。科條益峻。念彼貧匱。何能自滋。五味失和。百疾生害。以茲天孽。實爲痛傷。嗚呼。朕不承列聖之緒。遐覽前王之典。既不克靜事以息用。又不獲弛禁。以便人。征利滋深。疲眈致困。予則不恤。其誰省憂。應江淮并峽內權鹽。宜令中書門下及度支商議裁減。估價兼釐革利害。速具條件聞奏。削去苛刻。止塞姦訛。務於利人。必稱朕意。

〔註音〕(驚)音務(權)音覺(村)音埠

〔釋義〕(一)慶徵。衰微也。(二)驚。奔馳也。(三)祈望。古官名。掌魚鹽。(左傳)海之鹽。蜃。祈望守之。(四)權。征稅也。(五)兼澤。兩利也。(六)干櫓。禮記註。小橋大橋也。(七)杆軸。織具。又作杆軸。杆持緯。軸受經。(八)革車。戎車也。(九)煮海。煮海水爲鹽也。(一〇)科條。謂法規律例也。(一一)滋。生活也。(一二)弛禁。寬禁也。(一三)省憂。省問疾苦也。(一四)度支。官名。掌全國財政。(一五)釐。理也。釐革者。謂治理及改革也。

韓愈進士策問十三首

問書稱汝則有大疑。謀及乃心。謀及卿士。以至於庶人。龜筮考其從違。以審吉凶。則是聖人之舉事與爲。無不與人共之者也。於易則又曰。君不密則失臣。臣不密則失身。幾事不密則害成。而春秋亦有譏漏言之詞。如是

則又似不與人共之而獨運者。書與易春秋經也。聖人於是乎盡其心焉耳矣。其文相戾悖如此。欲人之無疑。不可得已。是二說者。其信有是非乎。抑所指各殊。而學者不之能察也。諒非深考古訓讀聖人之書者。其何能辨之。此固吾子之所宜無讓者。願承教焉。

問古之人有云。夏之政尙忠。殷之政尙敬。而周之政尙文。是三者相循環終始。若五行之與四時焉。原其所以爲心。皆非故立殊而求異也。各適於時。救其弊而已矣。夏殷之書。存者可見矣。至周之典籍咸在。考其文章。其所尙若不相遠然。焉所謂二者之異云乎。抑其道深微不可究與。將其詞隱而難知也。不然。則是說爲謬矣。周之後。秦漢蜀吳魏晉之興與霸。亦有尙乎無也。觀其所爲。其亦有意云爾。循環之說安在。吾子其無所隱焉。

問夫子之序帝王之書而繫以秦魯。及次列國之風。而宋魯獨稱頌焉。秦穆之德不踰於二霸。宋魯之君。不賢乎齊晉。其位等。其德同。升黜取捨。如是之相遠。亦將有由乎。願聞所以辨之之說。

問夫子既沒。聖人之道不明。蓋有楊墨者。始侵而亂之。其時天下咸化而從焉。孟子辭而闢之。則既廓如也。今其書尙有存者。其道可推而知不可乎。其所守者何事。其不合於道者幾何。孟子之所以辭而闢之者何說。今之學者。有學於彼者乎。有近於彼者乎。其已無傳乎。其無乃化而不自知

乎。其無傳也。則善矣。如其尙在。將何以救之乎。諸生學聖人之道。必有能言是者。其無所爲讓。

問所貴乎道者。不以其便於人而得於己乎。當周之衰。管夷吾以其君霸。九合諸侯。一匡天下。戎狄以微。京師以尊。四海之內。無不受其賜者。天下諸侯。奔走其政令之不暇。而誰與爲敵。此豈非便於人而得於己乎。秦用商君之法。人以富。國以強。諸侯不敢抗。及七君而天下爲秦。使天下爲秦者。商君也。而後代之稱道者。咸羞言管商氏。何哉。庸非求其名而不責其實歟。願與諸生論之。無惑於舊說。

問夫子之言。蓋各言爾志。又曰。居則曰不吾知也。如或知爾。則何以哉。今之舉者。不本於鄉。不序於庠。一朝而羣。至乎有司。有司之不之知也。宜矣。今將自州縣始。請各誦所懷。聊以觀諸生之志。死者可作。其誰與歸。事其大夫之賢者。友其士之仁者。敢問諸生之所事而友者爲誰乎。所謂賢而仁者其事如何哉。言及之而不言。亦君子之所不爲也。

問春秋之時。百有餘國。皆有大夫士。詳於傳者。無國無賢人焉。其餘皆足以充其位。不聞有無其人而闕其官者。春秋之後。其書尤詳。以至於吳蜀魏下及晉氏之亂。國分如鎡銖。讀其書亦皆有人焉。今天下九州四海。其爲土地大矣。國家之舉士。內有明經進士。外有方維大臣之薦。其餘以門

地。勳力進者。又有倍於是。其爲門戶多矣。而自御史臺尙書省。以至於中書門下省。咸不足其官。豈今之人不及於古之人邪。何求而不得也。夫子之言曰。十室之邑。必有忠信如邱者焉。誠得忠信如聖人者。而委之以大臣宰相之事。有不可乎。況於百執事之微者哉。古之十室。必有任宰相大臣者。今之天下而不足士大夫於朝。其亦有說乎。

問夫子曰潔淨精微。易教也。今習其書。不識四者之所謂。盍舉其義而陳其數焉。

問易之說曰乾健也。今考乾之爻。在初者曰潛龍勿用。在三者曰夕惕若厲无咎。在四者亦曰无咎。在上曰有悔。卦六位。一勿用。二苟得无咎。一有悔。安在其爲健乎。又曰乾以易知。坤以簡能。乾之四位既不爲易矣。坤之爻又曰龍戰于野。戰之於事。其足爲簡乎。易六經也。學者之所宜用心。願施其詞陳其義焉。

問人之仰而生者穀帛。穀帛豐無飢寒之患。然後可以行之於仁義之途。措之於安平之地。此愚智所同識也。今天下穀愈多而帛愈賤。人愈困者。何也。耕者不多而穀有餘。蠶者不多而帛有餘。有餘宜足而反不足。此其故又何也。將以救之。其說如何。

問夫子言堯舜垂衣裳而天下理。又曰無爲而理者。其舜也歟。書之說堯

曰親九族。又曰平章百姓。又曰協和萬邦。又曰曆象日月星辰。敬授人時。又曰洪水懷山襄陵。下人其咨。夫親九族。平百姓。和萬邦。則天道授人時。愁水禍。非無事也。而其言曰垂衣裳而天下理者何也。於舜則曰慎五典。又曰敍百揆。又曰賓四門。又曰齊七政。又曰類上帝。禋六宗。望山川。徧羣神。又曰協時月正日。同律度量衡。五載一巡狩。又曰分十二州。封山濬川。恤五刑。典三禮。彰施五色。出納五言。嗚呼。其何勤且煩如是。而其言曰無爲而理者何也。將亦有深辭隱義不可曉邪。抑其年代已遠。失其傳邪。二三子其辨焉。

問古之學者必有師。所以通其業。成就其道德者也。由漢氏已來。師道日微。然猶時有授經傳業者。及於今則無聞矣。德行若顏回。言語若子貢。政事若子路。文學若子游。猶且有師。非獨如此。雖孔子亦有師。問禮於老聃。問樂於萇弘是也。今之人不及孔子顏回遠矣。而且無師。然其不聞有業不通而道德不成者何也。

問食粟衣帛服仁行義以竣死者。二帝三王之所守。聖人未之有改焉者也。今之說者有神仙不死之道。不食粟。不衣帛。薄仁義。以爲不足爲。是誠何道邪。聖人之於人。猶父母之於子。有其道而不以教之。不仁。其道雖有而未之知。不智。仁與智且不能。又烏足爲聖人乎。不然。則說神仙者妄矣。

〔註音〕〔廟〕苦郭切〔鑿〕側持切〔埃〕音俟

〔釋義〕(一)戾忤矛盾也。(二)黜抑也。(三)見卷一孟子好辯章。(四)廟肅清也。(五)見前。(六)見前註。(七)見卷十蜀漢後主策丞相諸葛亮詔註八。(八)鑿錄喻輕微也。(九)明經謂明於經術也。漢始以明經射策取人。唐制六科取士。一秀才。二明經。三進士。四明法。五書。六算。當時以詩賦取者謂之進士。以經義取者謂之明經。(一〇)見卷八易乾文言。(一一)理治也。(一二)見《尚書堯典》。(一三)則法也。(一四)見《尚書舜典》。(一五)五典五常也。父子有親。君臣有義。夫婦有別。長幼有序。朋友有信是也。(一六)揆度也。百揆者。揆度庶政之官。(一七)四門者。四方之門。古者以賓禮親邦國。諸侯各以方至而使主焉。故曰賓。(一八)七政。日月五星也。(一九)類祭名。(二〇)禮。精意以享之謂宗。尊也。所尊祭者其祀有六。(二一)望。望而祭之也。山川。名山大川。五嶽四瀆之屬。(二二)備。周備也。舉神謂邱陵墳衍。古昔聖賢之類。(二三)時謂四時。月謂月之大小。日謂日之甲乙。(二四)律謂十二律。(二五)《孟子》。天子適諸侯曰巡狩。(二六)十二州。冀兗青徐荆揚豫梁雍雍并營也。(二七)封山。每州封一山以爲一州之鎮。(二八)鑿川。鑿導十二州之川也。(二九)五刑。墨劓剕宮大辟五刑之正也。(三〇)典。主也。三禮祀天神。享人鬼。祭地祇之禮也。(三一)顏回子貢子路子游。皆孔子賢弟子。已見前註。(三二)見卷二師說注。(三三)埃。古俟字。待也。

韓愈祭鱷魚文

維年月日。潮州刺史韓愈。使軍事衙推秦濟。以羊一豬一。投惡谿之潭水。以與鱷魚食。而告之曰。昔先王既有天下。烈山澤。罔繩擲刃。以除蟲蛇惡物。爲民害者。驅而出之。四海之外。及後王德薄。不能遠有。則江漢之間。尙皆棄之。以與蠻夷楚越。沉潮嶺海之間。去京師萬里哉。鱷魚之涵淹卵育於此。亦固其所。今天子嗣唐位。神聖慈武。四海之外。六合之內。皆撫而有之。況禹跡所揜揚州之近地。刺史縣令之所治。出貢賦以供天地宗廟百神之祀之壤者哉。鱷魚其不可與刺史雜處此土也。刺史受天子命。守此

士治此民。而鱷魚睥然不安谿潭。據處食民畜熊豕鹿麋^一以肥其身。以種其子孫。與刺史抗拒。爭爲長雄。刺史雖駑弱。亦安肯爲鱷魚低首下心。必^二眴眴爲民吏羞。以偷活於此邪。且承天子命而來爲吏。固其勢不得不與鱷魚辨。鱷魚有知。其聽刺史言。潮之州。大海在其南。鯨鵬^{一五}之大。蝦蟹之細。無不容歸。以生以食。鱷魚朝發而夕至也。今與鱷魚約。盡三日。其率醜類南徙於海。以避天子之命吏。三日不能。至五日。五日不能。至七日。七日不能。是終不肯徙也。是不有刺史聽從其言也。不然。則是鱷魚冥頑不靈。刺史雖有言。不聞不知也。夫傲天子之命吏。不聽其言。不徙以避之。與冥頑不靈。而爲民物害者。皆可殺。刺史則選材技吏民。操強弓毒矢。以與鱷魚從事。必盡殺乃止。其無悔。

【註音】（鱷）音詞（同）同網（獨）音觸（睥）音旱（麋）音章（鹿）音心上聲（眴）音顯

【釋義】（一）唐潮州潮陽郡。屬嶺南東道。今廣東潮安縣。（二）軍府之屬官。唐制。節度使。觀察使。團練使。皆有銜推。刺史領使。亦置銜推。（三）在廣東潮安縣城東北。又名鱷谿。即韓江也。（四）爬蟲中之體大而猛惡者。長者至丈餘。口鉅齒銳。皮刺。背有鱗甲。甚堅硬。四足。趾有蹠。產於熱帶之河中。常潛伏水邊。攫食動物。（五）焚也。（六）刺取鱷鱗也。（七）即廣東南海。（八）潛伏也。（九）言夏禹治水。足跡之所至也。（一〇）今江蘇安徽浙江福建等地。（一一）張目貌。（一二）似鹿而小。無角。毛褐色。（一三）恐懼貌。（一四）小視貌。（一五）海獸名。種類甚多。居海洋中。大者長六七十丈。頭扁平闊大。外形如魚。實獸類也。雄者曰鯨。雌者曰鵬。（一六）鳥類之最大者。

歐陽修擬制九篇

任守信可遙郡刺史依舊鄜延路駐泊兵馬鈐轄制

敕。國家自靈夏不賓。邊隅多警。議者率以謂用兵之道。任將宜專。恩信不久。則無以得士心。山川不習。則不可圖勝算。頃自兵宿於野。久而無功。此殆將帥數易之過也。苟其能者。無遽奪焉。以具官任守信。選以敏材。臨於戎事。肅軍捍寇。宣力有聞。遽以飛章。自言滿歲。願久親於矢石。豈不念於勤勞。然而士卒之樂。既汝安。夷狄之情。惟汝熟。雖欲代汝。實難其人。所宜旌以郡章。仍臨舊部。體茲委寄。服我茂恩。可。

杜鉞可衛尉寺丞制

敕。朕撫有萬國。而官羣材。不敢專用。獨見之明。而外詔庶寮。各舉其善。具官杜鉞。舉者言爾材堪親民。是用升汝司衛之丞。而將用汝臨人於治。詩云。豈弟君子。民之父母。蓋夫善爲政者。能使其民愛之如此。汝能以此親我民乎。往膺進秩之榮。無爲舉者之累。可。

張去惑可祕書丞制

敕。具官張去惑。國家設官之法。患乎巧僞干譽者之難止。故考績之格。三載而一例遷。所以使沈實守正之人。得以自進。及其弊也。庸人希累日之賞。而賢者不能自別。故又增舊法。稍欲因舉類而求能者焉。推爾之材。世所稱美。夫累日而遷。非爾志。干譽而進。不可爲。惟思厥中。務廣其業。可。

郭固可寧州軍事推官制

敕具官郭固。自邊陲用兵。而天下游談之士。趨時蹈利者。吾非不知其隘。而未始怠焉者。冀必有得於其間。惟爾之能。乃其素學。夫學有實者。誥之不窮。而推之可用。嘉汝施設。精而有條。慮變適宜。將觀汝用。可。

李仲昌可大理寺丞簽署渭州判官公事制

敕具官李仲昌。羣材之在下者。思達其上。難矣。而在上者。思得可用之材。豈爲易哉。朕頃自擇能臣。使舉其類。而洙以爾充薦。今琦又以爲言。琦洙皆能體吾勞於擇士之心者。舉爾不應不慎。需然推寵。吾所不疑。爾尙勉哉。以稱茲舉。可。

郭子儀孫元亨可永興軍助教制

敕郭元亨。繼絕世。褒有功。非惟推恩。以及遠。所以勸天下之爲臣者焉。況爾先王名載舊史。勳德之厚。宜其流澤於無窮。而其後裔。不可以廢。往服新命。以榮厥家。可。

李景圭可大理評事制

敕具官李景圭。九州四海。風俗不同。而王者之化。無不及。吾於遠者。尤加意焉。夫吏非敏於其事。則不能通俗習。而順其宜。政一失焉。下則重困。貌茲南海。爾洎吾民。今會課上聞。增爾榮秩。克勤厥職。以副予懷。可。

孫復可大理評事制

敕具官孫復。昔聖人之作春秋也。患乎空文之不足爲。故著之於行事。以爲萬世之法。然學而執其經者。豈可徒誦其言哉。惟爾復行足以爲人師。學足以明人性。不徒誦其說。而必欲施於事。吾將見吾國子蔚然而有成。宜有嘉褒。以爲學者之寵。可。

孫礪李國慶並可殿中丞制

敕具官孫礪等。六經皆載治民之術。而法者爲吏之資也。汝等學之。用以從政。經之道廣矣。擇其宜於民者。法之文密矣。取其平而不害者。足以涖爾官。而成厥績焉。膺茲敘遷。勉用爾學。可。

〔註音〕（錢）音七

〔釋義〕（一）遙郡。佐貳官也。（二）鄜延。二州名。陝西舊鄜州及延安府地。（三）鈐轄。宋官名。其初所轄一州或一路二路。其後逐路置一員。（四）靈夏。宋二州名。即今甘肅靈武縣及橫山縣地。（五）邊隅。邊境也。（六）具官。唐宋時官爵履歷之稱。（七）捍。拒也。（八）飛章。上奏章也。（九）衝尉。宋時寄祿之官。（一〇）豈弟。通體悌。和樂也。（一一）膺。受也。（一二）干譽。謂求令譽者也。（一三）沈寔。深沉不虛也。（一四）舉類。薦舉善類也。（一五）寧州。今雲南曲靖縣。（一六）邊陲。國之邊境也。（一七）游談。游說也。（一八）素學。平素修養之學。（一九）詰問也。（二〇）渭州。即今甘肅平涼縣。（二一）殊。即尹殊。字師魯。河南人。（二二）琦。即韓琦。字稚圭。安陽人。宋相。封魏國公。（二三）永興。宋縣。今屬湖南。（二四）先王。指其祖郭子儀。平安祿山之亂有功。封汾陽郡王。（二五）淮。臨也。（二六）蔚然。盛貌。（二七）六經。詩書易禮樂春秋也。

曾鞏擬制四篇

賈昌衡知鄧州制

敕。記舊俗者。稱南陽之民。夸奢上氣力。難制御。今其餘習殆尚有存者。故

有邦之任。朕不輕以屬人。具官某。中外踐更。令聞惟舊。茲用考擇。往分彼土。蓋穰^三洧^四之間。雖俗雜難治。然教民敦本。興於好善。召信臣^五杜詩^六之遺迹。在焉。使農桑勸而風俗厚。爾尙思繼於前人。其往懋哉。無替朕命。可。

梅福封壽春真人制

敕。某在漢之際。數以孤遠極言天下之事。其志壯哉。而家居讀書養性。卒遺俗高蹈。世傳爲仙。今大江之西。實存廟像。禱祠輒應。能澤吾民。有司上聞。是用錫茲顯號。光靈不泯。其服朕恩。可。

王中正種諤降官制

朕大興士衆。屬爾等以伐^三羌。固將舉其巢穴。非徒卻虜收並塞之地而已。兵西出則近。而爾等東繇^三綏德^四回遠之路。以疲士馬。費芻粟。致功用不集。中正議既不審。又約有分地。當攻其左。而不能奮擊。以殲除醜類。夫軍賞吾必信。而罰亦安得已哉。是用按爾之罪。降秩有差。其體寬恩。尙思報稱。可。

張知均州制

嶺^五之西南。桂^六爲劇部。外有溪居海聚之民^七。壤錯內屬。拊巡^八填守^九。詎可屬非其人。爾比選於朝。往備茲任。而內不能統齊士吏。外不能綏靖華夷。致茲繹^{三〇}。自干邦憲^{三二}。奪其美職。處爾偏州。茲惟朕恩。無忘思省。可。

〔註音〕(清)余六切(种)音蟲
〔釋義〕(一)鄧州。今河南鄧縣。(二)杜詩。漢光武時南陽太守。(七)愁。勉也。(八)梅福。漢壽春人。爲郡文學。補南陽尉。數上書言事。及王莽篡奪。乃去職。(九)壽春。今皖壽縣。(一〇)錫。賜也。(一一)派。滅也。(一二)宋神宗元豐五年。命王中正。种諤等伐兗。退。(一三)繇。同由。(一四)綏德。縣名。屬陝西。(一五)嶺。指五嶺。(一六)桂。州名。今屬廣西桂林縣。(一七)指島民山蠻。(一八)填守。鎮守也。(一九)綏靖。寧靜也。(二〇)經駭。紛擾也。(二一)邦憲。謂國法也。

卷十一 奏議之屬一

書無逸

周公曰。嗚呼。君子所其無逸。先知稼穡之艱難。乃逸。則知小人之依。相小人。厥父母勤勞稼穡。厥子乃不知稼穡之艱難。乃逸。乃諺既誕。否則侮厥父母。曰。昔之人無聞知。周公曰。嗚呼。我聞曰。昔在殷王中宗。嚴恭寅畏。天命自度。治民祇懼。不敢荒甯。肆中宗之享國。七十有五年。其在高宗時。舊勞于外。爰暨小人。作其卽位。乃或亮陰。三年不言。其惟不言。言乃雍。不敢荒甯。嘉靖殷邦。至于小大。無時或怨。肆高宗之享國。五十有九年。其在祖甲。不義惟王。舊爲小人。作其卽位。爰知小人之依。能保惠于庶民。不敢侮鰥寡。肆祖甲之享國。三十有三年。自時厥後。立王。生則逸。生則逸。不知稼穡之艱難。不聞小人之勞。惟耽樂之從。自時厥後。亦罔或克壽。或十年。或七八年。或五六年。或四三年。周公曰。嗚呼。厥亦惟我周太王王季。克自抑畏。文王卑服。卽康功田功。徽柔懿恭。懷保小民。惠鮮鰥寡。自朝至于日中。不遑暇食。用咸和萬民。文王不敢盤于遊田。以庶邦惟正之供。文王受命。惟中身。厥享國五十年。周公曰。嗚呼。繼自今嗣王。則其無淫于觀于逸。于遊于田。以萬民惟正之供。無皇曰。今日耽樂。乃非民攸訓。非天攸若。時

人不則有愆。無若殷王受之迷亂。酗于酒德哉。周公曰。嗚呼。我聞曰。古之人。猶胥訓告。胥保惠。胥教誨。民無或胥譸張爲幻。此厥不聽。人乃訓之。乃變亂先王之正刑。至于小大。民否則厥心違怨。否則厥口詛祝。周公曰。嗚呼。自殷王中宗。及高宗。及祖甲。及我周文王。茲四人迪哲。厥或告之曰。小人怨汝。詈汝。則皇自敬德。厥愆曰。朕之愆。允若時。不啻不敢含怒。此厥不聽。人乃或譸張爲幻。曰。小人怨汝。詈汝。則信之。則若時。不永念厥辟。不寬綽。厥心亂。罰無罪。殺無辜。怨有同。是叢于厥身。周公曰。嗚呼。嗣王其監于茲。

〔釋義〕 (一)所處也。言君子所處。動靜食息。皆無逸也。 (二)言小民不知稼穡艱難。乃縱逸自恣。習爲俚語。既乃放誕。無所不至也。 (三)謂訕侮其父母。如劉裕子孫。見其所遺農時服用耕具。反笑之曰。田舍翁得此。亦已獨矣。 (四)嚴莊重。恭謙抑。寅。欽肅。畏。戒懼也。 (五)亮陰。言居喪。恭默不言也。 (六)卑服。賤服也。 (七)無與毋通。皇與違通。言不違云云也。 (八)譸。誑也。張。誣也。言誑誣爲幻也。

左傳季文子諫納莒僕之辭

莒紀公生太子僕。又生季佗。愛季佗而黜僕。且多行無禮於國。僕因國人以弑紀公。以其寶玉來奔。納諸宣公。公命與之。邑曰。今日必授。季文子使司寇出諸竟。曰。今日必達。公問其故。

季文子使大史克對曰。先大夫臧文仲。教行父事君之禮。行父奉以周旋。弗敢失隊。曰。見有禮於其君者。事之如孝子之養父母也。見無禮於其君

者。誅之如鷹鷂之逐鳥雀也。先君周公制周禮曰。則以觀德。德以處事。事以度功。功以食民。作誓命曰。毀則爲賊。掩賊爲藏。竊賄爲盜。盜器爲姦。主藏之名。賴姦之用。爲大凶德。有常無赦。在九刑不忘。行父還觀。莒僕莫可。則也。孝敬忠信爲吉德。盜賊藏姦爲凶德。夫莒僕則其孝敬。則弑君父矣。則其忠信。則竊寶玉矣。其人則盜賊也。其器則姦兆也。保而利之。則主藏也。以訓則昏。民無則焉。不度於善。而皆在於凶德。是以去之。昔高陽氏有才于八人。蒼舒。隕。鼓。檮。戴。大臨。危。降。庭。堅。仲容。叔達。齊聖。廣淵。明允。篤誠。天下之民。謂之八愷。高辛氏有才于八人。伯奮。仲堪。叔獻。季仲。伯虎。仲熊。叔豹。季狸。忠肅共懿。宣慈惠和。天下之民。謂之八元。此十六族也。世濟其美。不隕其名。以至于堯。堯不能舉。舜臣堯。舉八愷。使主后土。以揆百事。莫不時序。地平天成。舉八元。使布五教于四方。父義。母慈。兄友。弟共。子孝。內平外成。昔帝鳩氏有不才子。掩義隱賊。好行凶德。醜類惡物。頑嚚不友。是與比周。天下之民。謂之渾敦。少皞氏有不才子。毀信廢忠。崇飾惡言。靖譖庸回。服讒蒐慝。以誣盛德。天下之民。謂之窮奇。顓頊氏有不才子。不可教訓。不知話言。告之則頑。舍之則嚚。傲很明德。以亂天常。天下之民。謂之檮杌。此三族也。世濟其凶。增其惡名。以至于堯。堯不能去。緡雲氏有不才子。貪于飲食。冒于貨賄。侵欲崇侈。不可盈厭。聚斂積實。不知紀極。不分孤寡。

不恤窮匱。天下之民。以比三凶。謂之饜餮。舜臣堯。賓于四門。流四凶族。渾敦窮奇。檮杌饜餮。投諸四裔。以禦魍魎。是以堯崩而天下如一。同心戴舜。以爲天子。以其舉十六相去四凶也。故虞書數舜之功曰。慎徽五典。五典克從。無違教也。曰納于百揆。百揆時序。無廢事也。曰賓于四門。四門穆穆。無凶人也。舜有大功。二十而爲天子。今行父雖未獲一吉人。去一凶矣。於舜之功。二十之一也。庶幾免于戾乎。

〔釋義〕 (一) 莒。國名。在今山東莒縣。 (二) 季文子。魯國大夫。名行父。文。諱也。 (三) 臧文仲。名孫辰。魯大夫。文仲。諱也。 (四) 厲鷗。鷗鳥也。 (五) 則。法則也。 (六) 食。猶養也。 (七) 主藏之名。以匿賊之名。 (八) 賴。蠶之用。言用蠶之器。 (九) 常。常刑也。 (一〇) 九刑。誓命下有九刑。今亡佚。 (一一) 兆。域也。 (一二) 居也。 (一三) 高陽。顓頊之號也。 (一四) 愷。和也。 (一五) 高辛。即帝嚳號。 (一六) 元。善也。 (一七) 后土。即地官。 (一八) 揆。度也。 (一九) 內指諸夏。外指夷狄。 (二〇) 帝鴻氏。即黃帝。 (二一) 頑。頑。謂心不則德義之經。 (二二) 嚚。謂口不道忠信之言。 (二三) 比。周。〔論語〕君子周而不比。小人比而不周。比。阿黨也。 (二四) 彈。執。不開通貌。杜預曰。謂羅兜也。 (二五) 少皞。古帝之號。名摯。 (二六) 靖。安也。庸。猶用。回。邪也。謂安於讒。譖而信用邪惡也。 (二七) 服。行也。蒐。獵也。罔。惡也。 (二八) 窮。奇。其行窮而好奇。杜預注。謂共工也。 (二九) 檮杌。凶頑無備。匹貌。杜預注。謂鯀也。 (三〇) 緡。雲氏。官名。黃帝以雲紀官。夏官爲緡雲氏。 (三一) 冒。貪也。 (三二) 盈。厭。滿足也。 (三三) 紀。極。猶終極也。 (三四) 饜。貪財爲饜。貪食爲餮。 (三五) 賓于四門。言賓禮終賢於四門也。 (三六) 魍。山神。獸形。魎。老精物也。山林異氣所生。爲人害者。 (三七) 徵。美也。 (三八) 五典。五帝也。 (三九) 百揆。總持國政者。

左傳魏降諫伐戎之辭

無終子嘉父。使孟樂如晉。因魏莊子納虎豹之皮。以請和。諸戎。晉侯曰。戎狄無親而貪。不如伐之。

魏絳曰。諸侯新服。陳新來和。將觀於我。我德則睦。否則攜貳。勞師于戎。而

楚伐陳。必弗能救。是棄陳也。諸華必叛。戎禽獸也。獲戎失華。無乃不可乎。夏訓有之曰。有窮后羿。公曰。后羿何如。對曰。昔有夏之方衰也。后羿自鉏遷于窮石。因夏民以代夏政。恃其射也。不修民事。而淫于原獸。棄武羅。伯因熊髡。龍圉。而用寒浞。寒浞。伯明氏之讒子弟也。伯明后寒棄之。夷羿收之。信而使之。以爲己相。浞行媚於內。而施賂於外。愚弄其民。而虞羿於田。樹之詐慝。以取其國家。外內咸服。羿猶不悛。將歸自田。家衆殺而亨之。以食其子。其子不忍食諸。死于窮門。靡奔有鬲氏。浞因羿室。生澆及豷。恃其讒慝。詐僞。而不德于民。使澆用師。滅斟灌及斟尋氏。處澆于過。處豷于戈。靡自有鬲氏。收二國之燼。以滅浞。而立少康。少康滅澆于過。后杼滅豷于戈。有窮由是遂亡。失人故也。昔周辛甲之爲大史也。命百官。官箴王闕於虞人之箴曰。茫茫禹跡。畫爲九州。經啓九道。民有寢廟。獸有茂草。各有攸處。德用不擾。在帝夷羿。冒于原獸。亡其國恤。而思其麀牡。武不可重。用不恢于夏家。獸臣司原。敢告僕夫。虞箴如是。可不懲乎。於是晉侯好田。故魏絳及之。公曰。然則莫如和戎乎。對曰。和戎有五利焉。戎狄荐居。貴貨易土。土可賈焉。一也。邊鄙不聳。民狎其野。穡人成功。二也。戎狄事晉。四鄰振動。諸侯威懷。三也。以德綏戎。師徒不勤。甲兵不頓。四也。鑒于后羿。而用德度。遠至邇安。五也。君其圖之。公說。使魏絳盟諸戎。修民事。田以時。

〔釋義〕 (一)無終。卽山戎國名。在今京兆之昌平。(二)嘉父。無終國君名。(三)孟樂。無終國臣也。(四)莊爲魏絳之諡。(五)有窮。國名。后君也。羿有窮之君號。(六)鉅。羿初居地。在今河南滑縣。(七)窮石。〔晉地記〕河南有窮谷。羿所遷也。按窮谷卽窮石。(八)代。夏太康淫放失政。夏人立其弟仲康。仲康卒。羿逐其子相而自立。(九)〔論語〕羿善射。(一〇)武羅。伯因。熊髡。九圍四人。均羿之賢臣。(一一)寒浞。人名。后羿嬖臣也。寒國。在今山東濰縣。(一二)伯明氏。寒君。(一三)后寒。君也。言爲寒國君長。(一四)夷羿。夷羿之氏也。(一五)虞樂也。(一六)恢。改也。(一七)以食其子。羿之家衆。爲促殺羿。而烹煮之。以羿之肉。食羿之子。(一八)窮門。窮國之門也。(一九)靡。夏之遺臣。有兩國名。故城在今山東德縣北。(二〇)樹灌。樹尋。二國名。今山東壽光縣東南有灌亭。濰縣東南有樹亭。卽其地也。爲夏同姓。后相奔依之。(二一)過。戈。二國名。過在今山東掖縣。戈在宋鄭之間。(二二)燧。謂遺民也。(二三)少康。夏后相子。(二四)后杼。少康之子。(二五)辛甲。武王臣。(二六)闕。過也。(二七)虞人。掌田獵之官。(二八)芒芒。遠貌。(二九)經。經營也。厥。開也。(三〇)言人民有寢以安其生。有廟以祀其死。(三一)茂草。言禽獸之屬。有茂草以棲其形也。(三二)攸。所也。(三三)冒。貪貌。(三四)恤。憂貌。(三五)恢。大也。此謂羿雖得有夏。不能恢大之也。(三六)獸臣。虞人。(三七)晉侯。指悼公。(三八)荐。聚也。(三九)易。猶輕也。(四〇)聳。懼貌。(四一)頓。壞也。(四二)田以時。謂田獵不奪農時也。

左傳遠啓疆諫恥晉之辭

楚子朝其大夫曰。晉吾仇敵也。苟得志焉。無恤其他。今其來者。上卿上大夫也。若吾以韓起爲闔。以羊舌肸爲司官。足以辱晉。吾亦得志矣。可乎。大夫莫對。

遠啓疆曰。可。苟有其備。何故不可。恥匹夫不可以無備。況恥國乎。是以聖王務行禮。不求恥人。朝聘有珪。享頰有璋。小有述職。大有巡功。設机而不倚。爵盈而不飲。宴有好貨。飡有陪鼎。入有郊勞。出有贈賄。禮之至也。國家之敗。失之道也。則禍亂興。城濮之役。晉無楚備。以敗於邲。邲之役。楚無晉

備以敗於鄢一五自鄢以來。晉不失備。而加之以禮。重之以睦。是以楚弗能報。而求親焉。既獲姻親。又欲恥之以召寇讐。備之若何。誰其重此一六。若有其人。恥之可也。若其未有。君亦圖之。晉之事君。臣曰可矣。求諸侯而麇一九。至求昏而薦女。君親送之。上卿及上大夫致之。猶欲恥之。君其亦有備矣。不然。奈何。韓起之下。趙成中行。吳魏舒。范鞅。知盈。羊舌肸之下。祁午。張趯。籍談。女齊。梁丙。張骼。輔燮。苗賁。皇。皆諸侯之選也。韓襄爲公族大夫。韓須受命而使矣。箕襄。邢帶。叔禽。叔椒。子羽。皆大家也。韓賦。七邑。皆成縣也。羊舌四族。皆彊家也。晉人若喪。韓起。楊肸。五卿。入大夫。輔。韓須。楊石。因其十家。九縣。長轂九百。其餘四十縣。遺守四千。奮其武怒。以報其大恥。伯華謀之。中行伯。魏舒帥之。其蔑不濟矣。君將以親易怨。實無禮。以速寇。而未有其備。使羣臣往遺之禽。以逞君心。何不可之有。

〔註音〕〔蕩〕音蕩〔珪〕古圭字

〔釋義〕〔一〕上卿上大夫。卽韓起。如楚送女。羊舌肸爲介。〔二〕爲闈。則足而使守門也。〔三〕司宮。謂加以宮刑也。〔四〕蕩啓疆。楚之大夫。〔五〕享。獻也。類聘問相見也。謂當享見時。臣爲君使。執璋。璋。圭。〔六〕述職。〔孟子〕諸侯朝天子曰述職。〔七〕又天子適諸侯曰巡守。巡守。即巡功也。〔八〕聘射大禮也。質明而始行事。日幾中而後禮成。非強有力者。不能行也。故設几而不倚。酒清人渴而不致飲。肉敗人餒而不敢食。故爵盈而不飲。〔九〕宴賓之主國。當宴享時。以貨財贈使臣。車馬衣服。視客所無者與之。〔一〇〕煖。熟食也。倍。加也。加鼎。所以示厚遇也。〔一一〕賓至迎勞之於郊。〔一二〕去則贈之以貨財。〔一三〕魯僖公二十八年。晉敗楚師於城濮。〔一四〕郟。在今河南鄭縣境。楚敗晉師於比。時魯宣公十二年也。〔一五〕鄢。楚地名。在今湖北宜城縣境。時魯成公十六年。〔一六〕備之若何。猶言何以爲備。〔一七〕重。言結怨之重也。〔一八〕謂有賢人以敵晉。則可恥之。〔一九〕麇。至。羣來也。〔二〇〕晉平公親去至於邢丘。

(三)韓襄。韓起兄弟。(三)韓須。起子。(三)箕襄。邢帶。二八韓族。(四)叔禽。叔椒子羽。皆起庶子。(五)七邑。韓襄等七人。人名食一邑。(六)成縣。賦百乘也。(七)四族。銅鞮。伯華。叔向。叔魚。叔虎。兄弟四人。(八)叔向。食采於楊。故曰楊解。(九)五卿。趙成以下五人。(一〇)八大夫。祁午以下八人。(一一)楊石。叔向子。食我也。(一二)十家。言韓氏七。羊舌氏四。共十一。比則舉其大數也。(一三)九縣。韓氏七邑。合羊舌四家二縣。共九縣。(一四)長轂。戎車也。(一五)遺守。卽留守其國。(一六)伯華。叔向兄。(一七)中行伯。指中行吳。

李斯諫逐客書

李斯爲秦客卿。會韓人鄭國來間秦。以作注溉渠。已而覺。秦王宗室大臣。皆言秦王曰。諸侯人來事秦者。大抵爲其主游間於秦耳。請一切逐客。李斯議亦在逐中。斯乃上書曰。臣聞吏議逐客。竊以爲過矣。昔穆公求士。西取由余於戎。東得百里奚於宛。迎蹇叔於宋。來丕豹。公孫支於晉。此五子者。不產於秦。而穆公用之。并國二十。遂霸西戎。孝公用商鞅之法。移風易俗。民以殷盛。國以富彊。百姓樂用。諸侯親服。獲楚魏之師。舉地千里。至今治彊。惠王用張儀之計。拔三川之地。西并巴蜀。北收上郡。南取漢中。包九夷。制鄢郢。東據成皋之險。割膏腴之壤。遂散六國之從。使之西面事秦。功施到今。昭王得范雎。廢穰侯。逐華陽。強公室。杜私門。蠶食諸侯。使秦成帝業。此四君者。皆以客之功。由此觀之。客何負於秦哉。向使四君卻客而不內。疎士而不與。是使國無富利之實。而秦無強大之名也。今陛下致崑山之玉。有隨和之寶。垂明月之珠。服太阿之劍。乘纖離之馬。建翠鳳之旗。樹

靈鼉之鼓。此數寶者。秦不生一焉。而陛下說之何也。必秦國之所生然後可。則是夜光之璧。不飾朝廷。犀象之器。不爲玩好。鄭衛之女。不充後宮。而駿馬馱騾。不實外廄。江南金錫。不爲用。西蜀丹青。不爲采。所以飾後宮。充下陳。娛心意。說耳目者。必出於秦。然後可。則是宛珠之簪。傅璣之珥。阿綳之衣。錦繡之飾。不進於前。而隨俗雅化。佳冶窈窕。趙女不立於側也。夫擊甕叩缶。彈箏搏髀。而歌呼嗚嗚。快耳者。真秦之聲也。鄭衛桑間。韶虞武象者。異國之樂也。今棄擊甕而就鄭衛。退彈箏而取韶虞。若是者何也。快意當前。適觀而已矣。今取人則不然。不問可否。不論曲直。非秦者去。爲客者逐。然則是所重者在乎色樂珠玉。而所輕者在乎人民也。此非所以跨海內。致諸侯之術也。臣聞地廣者粟多。國大者人衆。兵強者士勇。是以泰山不讓土壤。故能成其大。河海不擇細流。故能就其深。王者不卻衆庶。故能明其德。是以地無四方。民無異國。四時充美。鬼神降福。此五帝三皇之所以無敵也。今乃棄黔首以資敵國。卻賓客以業諸侯。使天下之士。退而不取西向。裹足不入秦。此所謂藉寇兵而齎盜糧者也。夫物不產於秦。可寶者多。士不產於秦。願忠者衆。今逐客以資敵國。損民以益讎。內自虛而外樹怨於諸侯。求國無危。不可得也。秦王乃除逐客之令。復李斯官。

【註音】(蹇)起僂切(阿)音烏(鼉)音駝(駝)音快(騾)音堤(廄)居又切(璣)音幾(珥)音二(窈)音杏

〔寗〕徒了切〔丘〕音否〔譚〕音陸〔寗〕音杏

〔釋義〕(一)韓欲使秦無東伐。命水工鄭國爲間於秦。鑿涇水自中山西抵瓠口。爲渠二百餘里。中作而覺。欲殺之。國曰。渠成。秦利也。韓不道。延數年之命耳。卒使竟攻。關中遂成沃野。(二)名任好。春秋五霸之一。(三)本晉人。亡入戎。戎王聞秦繆公賢。使由余入秦以觀之。繆公與之語。以爲賢。因留不遣。遣戎五女樂以間之。後由余降秦。爲秦謀伐戎之策。(四)本虞人。虞亡。適秦。繆公將以爲媵。奚恥之。走宛。楚鄙人執之。繆公聞其賢。以五段羊皮贖之。授以國政。相秦七年而霸。人號奚爲五段大夫。(五)秦置宛縣。今河南南陽縣。(六)岐州人。嘗遊宋。(七)今自河南歸德以東。至江蘇徐州境。周封微子於此。(八)不鄭之子。鄭見殺。豹奔秦。(九)字子桑。爲秦大夫。(一〇)今甘肅慶陽境。(一一)伊洛河也。(一二)在今湖北宜城縣境。(一三)今河南汜水縣。(一四)即宣太后同父弟華戎也。(一五)卽崑崙山。亞洲最大山脈之一。其岡出玉。(一六)楚和氏得玉璞於楚山。獻於厲王。玉人曰。石也。則其左足復獻於武王。玉人又曰。石也。則其右足。文王卽位。和抱其璞。哭於楚山下。三日夜。王乃使人理其璞而得玉焉。(一七)夜光珠也。(一八)名劍。(一九)良馬。(二〇)羽翠爲鳳形而飾旗。(二一)形似鱷魚。皮可冒鼓。(二二)良馬。(二三)養馬之所。(二四)侍妾。(二五)宛縣所出之珠。(二六)珠不圓者。(二七)塞耳之玉。(二八)齊東阿縣之繒帛。(二九)善心曰窈。善色爲窕。(三〇)盆也。(三一)瑟類。十二弦。(三二)股骨。(三三)禮樂記。鄭音好監淫志。衛音促速煩志。(三四)桑間濮上之音。亡國之音也。(三五)虞舜之樂。(三六)大武爲周武王樂。樂必兼舞。故云象。(三七)送遺也。

賈誼陳政事疏

臣竊惟事勢。可爲痛哭者一。可爲流涕者二。可爲長太息者六。若其它背理而傷道者。難徧以疏舉。進言者皆曰。天下已安已治矣。臣獨以爲未也。曰安且治者。非愚則諛。皆非事實。知治亂之體者也。夫抱火厝之積薪之下。而寢其上。火未及然。因謂之安。方今之勢。何以異此。本末舛逆。首尾衡決。國制搶攘。非甚有紀。胡可謂治。陛下何不壹令臣得執數之於前。因陳治安之策。試詳擇焉。夫射獵之娛。與安危之機。孰急。使爲治。勞智慮。苦身

體。乏鐘鼓之樂。勿爲可也。樂與今同。而加之諸侯軌道。兵革不動。民保首領。匈奴賓服。四荒鄉風。百姓素樸。獄訟衰息。大數旣得。則天下順治。海內之氣。清和咸理。生爲明帝。歿爲明神。名譽之美。垂於無窮。禮。祖有功而宗有德。使顧成之廟。稱爲太宗。上配太祖。與漢亡極。建久安之勢。成長治之業。以承祖廟。以奉六親。至孝也。以幸天下。以育羣生。至仁也。立經陳紀。輕重同得。後可以爲萬世法程。雖有愚幼不肖之嗣。猶得蒙業而安。至明也。以陛下之明達。因使少知治體者。得佐下風。致此非難也。其具可素陳於前。願幸無忽。臣謹稽之天地。驗之往古。按之當今之務。日夜念此。至孰也。雖使舜禹復生。爲陛下計。亡以易此。夫樹國。固必相疑之勢。下數被其殃。上數爽其憂。甚非所以安上而全下也。今或親弟。謀爲東帝。親兄之子。西鄉而擊。今吳又見告矣。天子春秋鼎盛。行義未過。德澤有加焉。猶尙如是。況莫大諸侯。權力且十此者乎。然而天下少安。何也。大國之王。幼弱未壯。漢之所置傅相。方握其事。數年之後。諸侯之王。大抵皆冠血氣方剛。漢之傅相。稱病而賜罷。彼自丞尉以上。徧置私人。如此。有異淮南濟北之爲邪。此時而欲爲治安。雖堯舜不治。黃帝曰。日中必慧。操刀必割。今令此道順而全安。甚易。不肯早爲。已迺墮骨肉之屬而抗到之。豈有異秦之季世乎。夫以天子之位。乘今之時。因天之助。尙憚以危爲安。以亂爲治。假設陛下

居齊桓之處。將不合諸侯而匡天下乎。臣又知陛下有所必不能矣。假設天下如曩時。淮陰侯二。向王楚。黥布王淮南。彭越一。王梁。韓信一。王韓。張敖二。王趙。貫高三。爲相。盧縮三。王燕。陳豨二。在代。令此六七公者皆亡。急當是時而陛下即天子位。能自安乎。臣有以知陛下之不能也。天下殺亂。高皇帝與諸公併起。非有仄室二之勢。以豫席二之也。諸公幸者。迺爲中涓。其次塵得舍人二。材之不逮至遠也。高皇帝以明聖威武。即天子位。割膏腴之地。以王諸公。多者百餘城。少者乃三四十縣。惠至渥也。然其後十年之間。反者九起。陛下之與諸公。非親角材而臣之也。又非身封王之也。自高皇帝不能以是一歲爲安。故臣知陛下之不能也。然尙有可諉者。曰。疏。臣請試言其親者。假令悼惠王三。王齊。元王三。王楚。中子三。王趙。幽王三。王淮陽。共王三。王梁。靈王三。王燕。厲王三。王淮南。六七貴人皆亡。急當是時。陛下卽位。能爲治乎。臣又知陛下之不能也。若此諸王。雖名爲臣。實皆有布衣昆弟之心。慮亡不帝制而天子自爲者。擅爵人。放死辜。甚者或戴黃屋三。漢法令非行也。雖行不軌。如厲王者。令之不肯聽。召之安可致乎。幸而來至。法安可得加。動一親戚。天下圜視而起。陛下之臣。雖有悍如馮敬者。適啓其口。匕首四已陷其胸矣。陛下雖賢。誰與領此。故疏者必危。親者必亂。已然之效也。其異姓負疆而動者。漢已幸勝之矣。又不易其所以然。同姓襲是跡而動。既有徵矣。其勢盡又復然。

殃禍之變。未知所移。明帝處之。尙不能以安。後世將如之何。屠牛坦四三一朝解十二牛。而芒刃不頓者。所排擊剝割。皆衆理解也。至於體髀之所。非斤則斧。夫仁義恩厚。人主之芒刃也。權勢法制。人主之斤斧也。今諸侯王。皆衆體髀也。釋斤斧之用。而欲嬰四六以芒刃。臣以爲不缺則折。胡不用之淮南濟北。勢不可也。臣竊跡前事。大抵強者先反。淮陰王楚最強。則最先反。韓信倚胡。則又反。貫高因趙資。則又反。陳豨兵精。則又反。彭越用梁。則又反。黥布用淮南。則又反。盧綰最弱。最後反。長沙迺在二萬五千戶耳。功少而最完。勢疏而最忠。非獨性異人也。亦形勢然也。曩令樊鄴絳灌四七據數十城而王。今雖以殘亡可也。令信越之倫。列爲徹侯而居。雖至今存可也。然則天下之大計可知已。欲諸王之皆忠附。則莫若令如長沙王四八。欲臣子之勿菹醢四九。則莫若令如樊鄴等。欲天下之治安。莫若衆建諸侯而少其力。力少則易使以義。國小則亡邪心。令海內之勢。如身之使臂。臂之使指。莫不制從。諸侯之君。不敢有異心。輻湊五〇並進。而歸命天子。雖在細民。且知其安。故天下咸知陛下之明。割地定制。令齊趙楚各爲若干國。使悼惠王幽王元王之子孫。畢以次各受祖之分地。地盡而止。及燕梁它國皆然。其分地衆而子孫少者。建以爲國。空而置之。須其子孫生者。舉使君之。諸侯之地。其削頗入漢者。爲徙其侯國。及封其子孫他所。以數償之。一寸之地。一人之

衆。天子亡所利焉。誠以定治而已。故天下咸知陛下之廉。地制壹定。宗室子孫莫慮不王。下無倍畔之心。上無誅伐之志。故天下咸知陛下之仁。法立而不犯。令行而不逆。貫高利幾五四之謀不生。柴奇開章五五之計不萌。細民鄉善。大臣致順。故天下咸知陛下之義。臥赤子天下之上而安。植遺腹五六。朝委裘而天下不亂。當時大治。後世誦聖。壹動而五業附。陛下誰憚而久不爲此。天下之勢。方病大瘡五八。一脛之大幾如要。一指之大幾如股。平居不可屈信。一二指搯五九。身慮亡聊。失今不治。必爲錮疾。後雖有扁鵲六〇。不能爲已。病非徒瘡也。又苦蹶六一。元王之子。帝之從弟也。今之王者。從弟之子也。惠王之親兄子也。今之王者。兄子之子也。親者或亡分地。以安天下。疏者或制大權。以偏天子。臣故曰。非徒病瘡也。又苦蹶六二。蹶。可爲痛哭者。此病是也。天下之勢。方倒懸。凡天子者。天下之首。何也。上也。蠻夷者。天下之足。何也。下也。今匈奴嫚侮六三。侵掠。至不敬也。爲天下患。至亡已也。而漢歲致金絮采繒以奉之。夷狄徵令。是主上之操也。天子共貢。是臣下之禮也。足反居上。首顧居下。倒懸如此。莫之能解。猶爲國有人乎。非實倒懸而已。又類辟六四。且病。瘵夫辟者。一面病。瘵者。一方痛。今西邊北邊之郡。雖有長爵。不輕得復。五尺以上。不輕得息。斥候望烽燧六五。不得臥。將吏被介冑而睡。臣故曰。一方病矣。醫能治之。而上不使。可爲流涕者此也。陛下何忍以帝皇之號。爲戎人

諸侯。勢既卑辱。而禍不息。長此安窮。進謀者率以爲是。固不可解也。亡具甚矣。臣竊料匈奴之衆。不過漢一大縣。以天下之大。困於一縣之衆。甚爲執事者羞之。陛下何不試以臣爲屬國之官。以主匈奴。行臣之計。請必係單于之頸而制其命。伏中行說而答其背。舉匈奴之衆。唯上之令。今不獵猛敵而獵田鼠。不搏反寇而搏畜兔。翫細娛而不圖大患。非所以爲安也。德可遠施。威可遠加。而直數百里外。威令不信。可爲流涕者此也。今民賣僮者。爲之繡衣絲履。偏諸緣內之閑中。六六 六九 七〇 七一 七二 七三 七四 七五 七六 七七是古天子后服。所以廟而不宴者也。而庶人得以衣婢妾。白縠之表。薄紈之裏。七四 七五 七六 七七以偏諸。美者黼繡。是古天子之服。今富人大賈。嘉會召客者。以被牆。古者以奉一帝一后而節適。今庶人屋壁。得爲帝服。倡優下賤。得爲后飾。然而天下不屈者。殆未有也。且帝之身。自衣皂綈。七九 八〇而富民牆屋被文繡。天子之后。以緣其領。庶人嬖妾緣其履。此臣所謂舛也。夫百人作之。不能衣一人。欲天下亡寒。胡可得也。一人耕之。十人聚而食之。欲天下亡饑。不可得也。饑寒切於民之肌膚。欲其亡爲姦邪。不可得也。國已屈矣。盜賊直須時耳。然而獻計者曰。毋動爲大耳。夫俗至大不敬也。至亡等也。至冒上也。進計者猶曰。毋爲。可爲長太息者此也。商君遺禮義。棄仁恩。并心於進取。行之二歲。秦俗日敗。故秦人家富子壯則出分。家貧子壯則出贅。借父耰鉏。慮有德色。母取箕帚。立而詘

語。抱哺其子。與公併倨。婦姑不相說。則反脣而相稽。其慈子耆利。不同禽獸者亡幾耳。然弁心而赴時。猶曰蹙六國。兼天下。功成求得矣。終不知反廉愧之節。仁義之厚。信弁兼之法。遂進取之業。天下大敗。衆掩寡。智欺愚。勇威怯。壯陵衰。其亂至矣。是以大賢起之。威震海內。德從天下。曩之爲秦者。今轉而爲漢矣。然其遺風餘俗。猶尙未改。今世以侈靡相競。而上亡制度。棄禮誼。捐廉恥。日甚。可謂月異而歲不同矣。逐利不耳。慮非顧行也。今其甚者殺父兄矣。盜者剽寢戶之簾。擐兩廟之器。白晝大都之中。剽吏而奪之金。矯僞者出幾十萬石粟。賦六百餘萬錢。乘傳而行郡國。此其亡行義之尤至者也。而大臣特以簿書不報。期會之間。以爲大故。至於俗流失。世壞敗。固恬而不知怪。慮不動於耳目。以爲是適然耳。夫移風易俗。使天下回心而鄉道。類非俗吏之所能爲也。俗吏之所務。在於刀筆筐篋。而不知大體。陛下又不自憂。竊爲陛下惜之。夫立君臣。等上下。使父子有禮。六親有紀。此非天之所爲。人之所設也。夫人之所設。不爲不立。不植則僵。不修則壞。筦子曰。禮義廉恥。是謂四維。四維不張。國乃滅亡。使筦子愚人也。則可。筦子而少知治體。則是豈可不爲寒心哉。秦滅四維而不張。故君臣乖亂。六親殃戮。姦人並起。萬民離叛。凡十三歲。社稷爲虛。今四維猶未備也。故姦人幾幸。而衆心疑惑。豈如今定經制。令君君臣臣。上下有差。父子

六親各得其宜。姦人亡所幾幸。而羣臣衆信。上不疑惑。此業壹定。世世常安。而後有所持循矣。若夫經制不定。是猶度江河。亡維楫八九中流。而遇風波。船必覆矣。可爲長太息者此也。夏爲天子。十有餘世。而殷受之。殷爲天子。二十餘世。而周受之。周爲天子。三十餘世。而秦受之。秦爲天子。二世而亡。人性不甚相遠也。何三代之君有道之長。而秦無道之暴也。其故可知也。古之王者。太子九一迺生。固舉以禮。使士負之。有司齊肅端冕。見之南郊。見於天也。過闕則下。過廟則趨。孝子之道也。故自爲赤子。而教固已行矣。昔者成王幼在繼九二抱之中。召公爲太保。周公爲太傅。太公爲太師。保保其身體。傅九三傅之德義。師道之教訓。此三公之職也。於是爲置三少。皆上大夫也。曰少保。少傅。少師。是與太子宴者也。故迺孩提有識。三公三少。固明孝仁禮義以道習之。逐去邪人。不使見惡行。於是皆選天下之端士。孝悌博聞有道術者。以衛翼之。使與太子居處出入。故太子迺生而見正事。聞正言。行正道。左右前後。皆正人也。夫習與正人居之。不能毋正。猶生長於齊。不能不齊言也。習與不正人居之。不能毋不正。猶生長於楚之地。不能不楚言也。故擇其所養。必先受業。迺得嘗之。擇其所樂。必先有習。迺得爲之。孔子曰。少成若天性。習貫如自然。及太子少長。知妃色。則入于學。學者所學之官也。學禮曰。帝入東學。上親而貴仁。則親疏有序。而恩相及矣。帝入南學。

上齒而貴信。則長幼有差。而民不誣矣。帝入西學。上賢而貴德。則聖智在位。而功不遺矣。帝入北學。上貴而尊爵。則貴賤有等。而下不隲矣。帝入太學。承師問道。退習而考於太傅。太傅罰其不則。而匡其不及。則惠智長而治道得矣。此五學者。既成於上。則百姓黎民。化輯於下矣。及太子既冠成人。免於保傅之嚴。則有記過之史。徹膳之宰。進善之旌。誹謗之木。敢諫之人。鼓警史誦詩。工誦箴諫。大夫進謀。士傳民語。習與智長。故切而不媿。化與心成。故中道若性。三代之禮。春朝朝日。秋暮夕月。所以明有敬也。春秋入學。坐國老。執醬而親餽之。所以明有孝也。行以鸞和。步中采齊。趣中肆夏。所以明有度也。其於禽獸。見其生不食其死。聞其聲不食其肉。故遠庖廚。所以長恩。且明有仁也。夫三代之所以長久者。以其輔翼太子。有此具也。及秦而不然。其俗固非貴辭讓也。所上者告訐也。固非貴禮義也。所上者刑罰也。使趙高傅胡亥而教之獄。所習者非斬剗人。則夷人之三族也。故胡亥今日卽位。而明日射人。忠諫者謂之誹謗。深計者謂之妖言。其視殺人。若艾草菅然。豈惟胡亥之性惡哉。彼其所以道之者。非其理故也。鄙諺曰。不習爲吏。視已成事。又曰。前車覆。後車誡。夫三代之所以長久者。其已事可知也。然而不能從者。是不法聖智也。秦世之所以亟絕者。其轍跡可見也。然而不避。是後車又將覆也。夫存亡之變。治亂之機。其要在是矣。天

下之命。懸於太子。太子之善。在於早諭教。與選左右。夫心未濫而先諭教。則化易成也。開於道術智誼之指。則教之力也。若其服習積貫。則左右而已。夫胡粵之人。生而同聲。耆欲不異。及其長而成俗。累數譯而不能相通。行有雖死而不相爲者。則教習然也。臣故曰。選左右早諭教最急。夫教得而左右正。則太子正矣。太子正而天下定矣。書曰。一人有慶。兆民賴之。此時務也。凡人之智。能見已然。不能見將然。夫禮者。禁於將然之前。而法者。禁於已然之後。是故法之所用。易見。而禮之所爲。至難知也。若夫慶賞以勸善。刑罰以懲惡。先王執此之政。堅如金石。行此之令。信如四時。據此之公。無私如天地耳。豈顧不用哉。然而曰。禮云。禮云者。貴絕惡於未萌。而起教於微眇。使民日遷善遠辜而不自知也。孔子曰。聽訟吾猶人也。必也使毋訟乎。爲人主計者。莫如先審取舍。取舍之極。定於內。而安危之萌。應於外矣。安者。非一日而安也。危者。非一日而危也。皆以積漸然。不可不察也。人主之所積。在其取舍。以禮義治之者。積禮義。以刑罰治之者。積刑罰。刑罰積而民怨背。禮義積而民和親。故世主欲民之善同。而所以使民善者。或異。或道之以德教。或毆之以法令。道之以德教者。德教洽而民氣樂。毆之以法令者。法令極而民氣哀。哀樂之感。禍福之應也。秦王之欲尊宗廟而安子孫。與湯武同。然而湯武廣大其德行。六七百歲而弗失。秦王治天

下。十餘歲則大敗。此亡它故矣。湯武之定。取舍審而秦王之定。取舍不審矣。夫天下大器也。今人之置器。置諸安處則安。置諸危處則危。天下之情。與器亡以異。在天子之所置之。湯武置天下於仁義禮樂。而德澤洽。禽獸草木廣裕。德被蠻貊四夷。累子孫數十世。此天下所共聞也。秦王置天下於法令刑罰。德澤亡一有。而怨毒盈於世。下憎惡之如仇讎。禍幾及身。子孫誅絕。此天下之所共見也。是非其明效大驗邪。人之言曰。聽言之道。必以其事觀之。則言者莫敢妄言。今或言禮誼之不如法令。教化之不如刑罰。人主胡不引殷周秦事以觀之也。人主之尊。譬如堂。羣臣如陛。衆庶如地。故陛九級上廉。遠地則堂高。陛亡級。廉近地則堂卑。高者難攀。卑者易陵。理勢然也。故古者聖王制爲等列。內有公卿大夫士。外有公侯伯子男。然後有官師小吏。延及庶人。等級分明。而天子加焉。故其尊不可及也。里諺曰。欲投鼠而忌器。此善諭也。鼠近於器。尙憚不投。恐傷其器。況於貴臣之近主乎。廉恥節禮以治君子。故有賜死而亡戮辱。是以黥_九。劓之。擧不及大夫。以其離主上。不遠也。禮不敢齒。君之路馬。楚其芻者。有罰。見君之几杖則起。遭君之乘車則下。入正門則趨。君之寵臣。雖或有過。刑戮之擧。不加其身者。尊君之故也。此所以爲主上豫遠不敬也。所以禮貌大臣而厲其節也。今自王侯三公之貴。皆天子之所改容而禮之也。古天子之所謂

伯父伯舅也。而令與衆庶同黥。劓髡。劓答。僇棄市之法。然則堂不亡陞乎。被戮辱者不泰迫乎。廉恥不行大臣。無迺握重權大官。而有徒隸亡恥之心乎。夫望夷之事。二世見當以重法者。投鼠而不可器之習也。臣聞之。履雖解。不加於枕。冠雖敝。不以首履。夫嘗已在貴寵之位。天子改容而禮貌之矣。吏民嘗俯伏以敬畏之矣。今而有過。帝令廢之可也。退之可也。賜之死可也。滅之可也。若夫束縛之。係縲之。輸之司寇。編之徒官。司寇小吏。詈罵而榜笞之。殆非所以令衆庶見也。夫卑賤者。習知尊貴者之一旦。吾亦迺可以加此也。非所以習天下也。非尊尊貴貴之化也。夫天子之所嘗敬。衆庶之所嘗寵。死而死耳。賤人安得如此而頓辱之哉。豫讓事中之君。智伯伐而滅之。移事智伯。及趙滅智伯。豫讓釁面吞炭。必報襄子。五起而不中。人問豫子。豫子曰。中行衆人畜我。我故衆人事之。智伯國士遇我。我故國士報之。故此一豫讓也。反君事讎。行若狗彘。已而抗節致忠。行出乎列士。人主使然也。故主上遇其大臣。如遇犬馬。彼將犬馬自爲也。如遇官徒。彼將官徒自爲也。頑頓亡恥。莫諾亡節。廉恥不立。且不自好。苟若而可。故見利則逝。見便則奪。主上有敗。則因而撻之矣。主上有患。則吾苟免而已。立而觀之耳。有便吾身者。則欺賣而利之耳。人主將何便於此。羣下至衆。而主上至少也。所託財器職業者。粹於羣下也。俱亡恥。俱苟安。則主上

最病。故古者禮不及庶人。刑不至大夫。所以厲寵臣之節也。古者大臣有坐不廉而廢者。不謂不廉。曰簞簞不飾。坐污穢淫亂男女亡別者。不曰汚穢。曰帷薄不修。坐罷軟不勝任者。不謂罷軟。曰下官不職。故貴大臣定有其辜矣。猶未斥然正以諱之也。尙遷就而爲之諱也。故其在大譴大何之域者。聞譴何。則白冠二五。盤水加劍。造請室而請辜耳。上不執縛係引而行也。其有中罪者。聞命而自弛。上不使人頸二六。而加也。其有大辜者。聞命則北面再拜。跪而自裁。上不使二七。抑而刑之也。曰。子大夫自有過耳。吾遇子有禮矣。遇之有禮。故羣臣自二八。嬰以廉恥。故人矜節行。上設廉恥禮義以遇其臣。而臣不以節行報其上者。則非人類也。故化成俗定。則爲人臣者。主耳忘身。國耳忘家。公耳忘私。利不苟就。害不苟去。惟義所在。上之化也。故父兄之臣。誠死宗廟。法度之臣。誠死社稷。輔翼之臣。誠死君上。守圉扞敵之臣。誠死城郭封疆。故曰。聖人有金城者。比物此志也。彼且爲我死。故吾得與之俱生。彼且爲我亡。故吾得與之俱存。夫將爲我危。故吾得與之皆安。顧行而忘利。守節而仗義。故可以託二九。不御之權。可以寄六尺之孤。此厲廉恥行禮誼之所致也。主上何喪焉。此之不爲。而顧彼之久行。故曰可爲長太息者此也。

【註音】(厝)雖郝切音錯(舛)音喘(衡)同橫(搶)仕庚切(據)泥庚切(孰)同熟(養)音衛(頸)古頂切

(盧)同僅(惠)同德(七)讀無(圓)音還(七)音比(頓)讀若鈍(隴)音窺(脾)音陞(盧)止雍切(脛)胡定切
要)同腰(信)讀伸(搗)讀六切(跋)同跖(盤)同辰(縣)同懸(颯)古慢字(媯)古侮字(共讀恭(亶)同但)
辟)音壁(痲)音肥(緣)音願(內)音納(覲)音斛(統)音丸(旋)音妾(阜)音造(錦)音題(嬖)俗孽字(鉏)
同鋤(諄)音粹(戮)音輟(牽)音愆(剿)匹妙切(虛)同墟(朝)音潮(齊)音流(趣)同趨(長)上聲(刺)音義
(管)音奸(苴)子余切(縑)音薛(莫)桑上聲(擬)式連切(簞)音甫(簞)古委切(譟)古呼字(鷲)音毛(惠)
(同喜)扞)音翰

〔釋義〕 (一)置也。 (二)錯亂也。 (三)亂貌。 (四)遺址在陝西長安縣東。 (五)即父母兄弟妻子。 (六)明也。 (七)即厲王長。 (八)齊悼惠王子與居爲濟北王。文帝時反。 (九)吳王濞時以不循法度聞。 (一〇)方威也。 (一一)抗舉也。劉自殺。 (一二)名小白。春秋五霸之一。 (一三)即韓信。 (一四)淮北。在今江蘇邳縣。 (一五)即英布。封九江王。以謀反被誅。 (一六)字仲。昌邑人。封梁王。後有人告其謀反。夷三族。 (一七)魏故地。在今山東定陶縣。 (一八)韓之擊公子。封韓王。叛入匈奴。爲漢所殺。 (一九)韓故地。初都今禹縣。後徙太原縣。 (二〇)耳之子。漢高祖封爲趙王。 (二一)趙故地。都今河北邢臺縣。 (二二)趙相。駁高帝不禮其王。陰欲謀弑帝。事覺。絕吭死。 (二三)豐人。封燕王。以韓信彭越見誅。懼及己。叛降匈奴。 (二四)燕故地。都今河北薊縣。 (二五)宛句人。以趙相國監代邊。因謀反被殺。 (二六)今察哈爾蔚縣地。 (二七)卿大夫支子也。 (二八)藉也。言人坐臥之所藉者也。 (二九)皆近侍之官。 (三〇)厚也。 (三一)校也。 (三二)名肥。高帝子。 (三三)名交。高帝弟。 (三四)高帝子。名如意。 (三五)名友。高帝子。始立爲淮陽王。後徙趙。 (三六)名恢。高帝子。始立爲梁王。後徙趙。 (三七)名建。高帝子。 (三八)名長。高帝子。 (三九)天子車以黃繒爲裏。曰黃屋車。 (四〇)馮無擇子。奏淮南厲王。誅之。 (四一)劍也。 (四二)理也。 (四三)古之善屠牛者。名坦。 (四四)兩股間也。 (四五)股也。 (四六)加也。 (四七)即樊噲。 (四八)即酈商。漢陳留高陽人。高祖起沛。略地至陳留。商以四千人屬之。從擊項羽。又從擊黥布。以功封曲周侯。 (四九)即周勃。漢沛人。佐高祖定天下。封絳侯。 (五〇)即權嬰。少以販繒爲業。從高祖定天下。封穎陰侯。後與周勃平諸呂。共立文帝。以功進大尉。尋爲丞相。 (五一)吳芮也。 (五二)肉醬。 (五三)輻輪中木之直指。揆聚也。言車輪之聚於轂也。 (五四)項羽將。羽敗。降高帝。侯之潁川。帝至雒陽。舉通侯籍召之。利幾恐。發反。 (五五)皆與淮南王謀反者。 (五六)潰腹。父死後生子。植立也。 (五七)天子已死。陳其裘衣而朝之。 (五八)腥氣足腫也。 (五九)動而痛也。 (六〇)戰國時之名醫。姓秦。名越人。 (六一)蹇反。戾不可行。 (六二)足病。 (六三)風病。 (六四)偵探敵軍。 (六五)即烽火臺。 (六六)掌外夷交涉之官。 (六七)漢燕人。文帝時宦者。使送公主妻匈奴。說不肯行。強之。因降單于。 (六八)若令之織成以爲更褱袖領者。 (六九)今之鑲邊。 (七〇)賣買之所。 (七一)入廟服之。燕居不服。 (七二)今之輕妙。 (七三)帛之素者。 (七四)文章相錯貌。 (七五)織爲斧形。 (七六)刺爲聚文。 (七七)

得其節而合宜。(六)窮也。(七)黑黧之厚者。(八)庶幾也。(九)墮居妻家者。(一〇)指高祖。(一一)惟計其利與否耳。
(一二)割取也。(一三)室無東西廂曰寢。此言陵上之寢。(一四)取也。(一五)高祖惠帝廟也。(一六)劫也。(一七)纒也。(一八)櫛也。
(一九)始生也。(二〇)約小兒於背之衣。(二一)輔也。(二二)和也。(二三)主膳之官。膳有常品。遇災變則減少之。以行其
諫。(二四)進善言者。立於旗下。(二五)立木於朝。任人書政治之缺失者。(二六)諫者鳴鼓。(二七)習樂者。(二八)經切磋
後。自無媿事。(二九)敬日月之禮。(三〇)車鈴。(三一)皆詩名。此言行走與鈴聲樂詩音節相協。(三二)發人陰
私也。(三三)割鼻也。(三四)茅也。(三五)顧猶反也。(三六)側隅。(三七)刺字於面。(三八)數其年也。(三九)剔
髮之刑。(四〇)去足之刑。(四一)死罪也。(四二)宮名。秦趙高使閹樂絃二世於此。(四三)言絃之而以法定其
罪也。(四四)藉也。(四五)以繩係之。(四六)諫也。(四七)以刀割面。(四八)無志分也。(四九)起也。(五〇)純也。
言勢純在羣下。(五一)威飯器。一方一圓。(五二)問也。(五三)毛也。(五四)獄也。(五五)自殺。(五六)搏髮。(五七)
之。比喻也。言聖人厲此節行。以御羣下。人皆懷德。戮力同心。國家安固。不可毀拔。若金城湯池。(五八)言權柄不
須制御。

賈誼論積貯疏

管子曰。倉廩實而知禮節。民不足而可治者。自古及今。未之嘗聞。古之人
曰。一夫不耕。或受之饑。一女不織。或受之寒。生之有時。而用之無度。則物
力必屈。古之治天下。至蠱至悉也。故其畜積足恃。今背本而趨末。食者甚
衆。是天下之大殘也。淫侈之俗。日日以長。是天下之大賊也。殘賊公行。莫
之或止。大命將泛。莫之振救。生之者甚少。而靡之者甚多。天下財產。何得
不蹙。漢之爲漢。幾四十年矣。公私之積。猶可哀痛。失時不雨。民且狼顧。歲
惡不入。請賣爵子。既聞耳矣。安有爲天下阡危者若是。而上不驚者。世之
有饑穰。天之行也。禹湯被之矣。卽不幸有方二千里之旱。國何以相恤。

卒然邊境有急。數十百萬之衆。國何以餽之。兵旱相乘。天下大屈。有勇力者。聚徒而衡擊。罷夫羸老。易子而餓其骨。政治未畢。通也。遠方之能疑者。並舉而爭起矣。乃駭而圖之。豈將有及乎。夫積貯者。天下之大命也。苟粟多而財有餘。何爲而不成。以攻則取。以守則固。以戰則勝。懷敵附遠。何招而不至。今馭民而歸之農。皆著於本。使天下各食其力。未技游食之民。轉而緣南晦。則畜積足。而人樂其所矣。可以爲富安天下。而直爲此廩廩也。竊爲陛下惜之。

〔註音〕(織)音籤(陸)音鹽(積)如羊切(卒)同猝(敵)五巧切(疑)讀曰擬(著)直略切

〔釋義〕(一)即管夷吾。名仲。齊之賢相。著書曰管子。(二)細微也。(三)盡也。(四)覆也。(五)傾竭也。(六)謂上賣其爵。下賣其子也。(七)已聞天子之耳。(八)危也。(九)疑。僭也。謂與天子相比擬。(一〇)謂有城郭常居。不隨畜牧遷移也。

賈誼請封建子弟疏

陛下卽不定制。如今之勢。不過一傳再傳。諸侯猶且人恣而不制。豪植而大強。漢法不得行矣。陛下所以爲藩扞。及皇太子之所恃者。惟淮陽代二國耳。代北邊匈奴。與強敵爲鄰。能自完則足矣。而淮陽之比大諸侯。塵如黑子之著面。適足以餌大國耳。不足以有所禁禦。方今制在陛下。制國而令子適足以爲餌。豈可謂工哉。人主之行異布衣。布衣者。飾小行。競小廉。以自託於鄉黨。人主惟天下安社稷固不耳。高皇帝瓜分天下。以王功臣。

反者如蠅毛而起。以爲不可。故^四斬去不義諸侯。而虛其國。擇良日。立諸子。雒陽上東門之外。畢以爲王。而天下安。故大人者。不牽小行。以成大功。今淮南地遠者或數千里。越兩諸侯。而縣屬於漢。其吏民繇役。往來長安者。自悉而補。中道衣敝。錢用諸費。稱此。其苦屬漢。而欲得王。至甚。逋逃而歸諸侯者。已不少矣。其勢不可久。臣之愚計。願舉淮南地。以益淮陽。而爲梁王立後。割淮陽北邊二^五三列城。與東郡。以益梁。不可者。可徙代王。而都睢陽。梁起於新^六鄴。以北著之河。淮陽包陳以南。捷^九之江。則大諸侯之有異心者。破膽而不敢謀。梁足以扞齊趙。淮陽足以禁吳楚。陛下高枕。終亡山東之憂矣。此二世之利也。當今恬然。適遇諸侯之皆少。數歲之後。陛下且見之矣。夫秦日夜苦心勞力。以除六國之禍。今陛下力制天下。頤指如意。高拱以成六國之禍。難以言智。苟身亡事。畜亂宿禍。孰視而不定。萬年之後。傳之老母弱子。將使不寧。不可謂仁。臣聞聖主言問其臣。而不自造事。故使人臣得畢其愚忠。惟陛下下財幸。

〔註音〕〔塵〕音勤〔不〕同否〔蠅〕於貴切〔斬〕音衫〔鄴〕千移切〔捷〕渠焉切〔財〕同裁

〔釋義〕〔一〕保衛也。〔三〕今江蘇淮陰縣境。〔三〕漢文帝分代爲兩國。立皇子武爲代王。參爲太原王。後徙

武爲淮陽王。以太原王參爲代王。〔四〕除去之也。〔五〕卽武。始爲代王。繼徙淮陽。後徙梁。〔六〕在今河南商邱縣

南。〔七〕古城在今安徽太和縣北七十里。〔八〕在今河南開封縣以東。南至安徽蕪湖。〔九〕立封界。〔一〕安靜也。

賈誼諫封淮南四子疏

竊恐陛下接王淮南諸子。曾不與如臣者孰計之也。淮南王之悖逆亡道。天下孰不知其辜。陛下幸而赦遷之。自疾而死。天下孰以王死之不當。奉尊罪人之子。適足以負謗於天下耳。此人少壯。豈能忘其父哉。白公勝所爲父報仇者。大父與伯父叔父也。白公爲亂。非欲取國代主也。發忿快志。剡^三手以衝仇人之胸。固爲俱靡而已。淮南雖小。黥布嘗用之矣。漢存特幸耳。夫擅仇人足以危漢之資。于策不便。雖割而爲四。四子一心也。予之衆。積之財。此非有子胥白公報於廣都之中。卽疑有刺^四諸荆軻起於兩柱之間。所謂假賊兵爲虎翼者也。願陛下少留計。

〔註音〕〔剡〕以冉切〔刺〕同專

〔釋義〕（一）文帝既徙淮南王武爲梁王。城陽王喜爲淮南王。又封淮南厲王四子。皆爲列侯。誼知上必將復王之也。故特言之。（二）詳見楚莫敖子華對威王注。（三）利也。（四）堂邑人。吳公子光謀殺王僚。伏甲於窟室而享王。使專諸置匕首於魚腹中以進。既至王前。專諸擊魚。因以匕首刺僚。僚立死。專諸亦爲左右所殺。

賈誼諫放民私鑄疏

法使天下公得顧租。鑄銅錫爲錢。敢雜以鉛鐵。爲他巧者。其罪黥。然鑄錢之情。非殺雜爲巧。則不可得贏。而殺之甚微。爲利甚厚。夫事有召禍。而法有起姦。今令細民。人操造幣之勢。各隱屏而鑄作。因欲禁其厚利微姦。雖

黥罪日報。其勢不止。迺者民人抵罪。多者一縣百數。及吏之所疑。榜笞奔走者甚衆。夫縣法以誘民。使入陷阱。孰積於此。曩禁鑄錢。死罪積下。今公鑄錢。黥罪積下。爲法若此。上何賴焉。又民用錢。郡縣不同。或用輕錢。百加若干。或用重錢。平稱不受。法錢不立。吏急而壹之。虐則大爲煩苛。而力不能勝。縱而弗呵。則市肆異用。錢文大亂。苟非其術。何鄉而可哉。今農事棄捐。而采銅者日蕃。釋其耒耨。冶鎔炊炭。姦錢日多。五穀不爲多。善人怵而爲姦邪。愿民陷而之刑戮。刑戮將甚不詳。奈何而忽。國知患此。吏議必曰禁之。禁之不得其術。其傷必大。令禁鑄錢。則錢必重。重則其利深。盜鑄如雲而起。棄市之罪。又不足以禁矣。姦數不勝。而法禁數潰。銅使之然也。故銅布於天下。其爲禍博矣。今博禍可除。而七福可致也。何謂七福。上收銅勿令布。則民不鑄錢。黥罪不積。一矣。僞錢不蕃。民不相疑。二矣。采銅鑄作者。反於耕田。三矣。銅畢歸於上。上挾銅積。以御輕重。錢輕則以術斂之。重則以術散之。貨物必平。四矣。以作兵器。以假貴臣。多少有制。用別貴賤。五矣。以臨萬貨。以調盈虛。以收奇羨。則官富實。而未民困。六矣。制吾棄財。以與匈奴逐爭其民。則敵必懷。七矣。故善爲天下者。因禍而爲福。轉敗而爲功。今久退七福而行博禍。臣誠傷之。

【註音】(縣)同懸(鄉)同嚮(欸)音黠

〔釋義〕(一)謂混淆駁雜也。(二)餘利。(三)言多也。(四)法定之錢。(五)作錢模。(六)恐也。(七)謹也。(八)平也。(九)餘也。

賈山至言

臣聞爲人臣者。盡忠竭愚。以直諫主。不避死亡之誅者。臣山是也。臣不敢以久遠喻。願借秦以爲喻。唯陛下少加意焉。夫布衣韋帶之士。修身於內。成名於外。而使後世不絕息。至秦則不然。貴爲天子。富有天下。賦斂重數。百姓任罷。赭衣半道。羣盜滿山。使天下之人。戴目而視。傾耳而聽。一夫大譟。天下響應者。陳勝是也。秦非徒如此也。起咸陽而西至雍。離宮三百。鐘鼓帷帳。不移而具。又爲阿房之殿。殿高數十仞。東西五里。南北千步。從車羅騎。四馬驚馳。旌旗不撓。爲宮室之麗至於此。使其後世會不得聚廬而託處焉。爲馳道於天下。東窮燕齊。南極吳楚。江河之上。瀕海之觀。畢至。道廣五十步。三丈而樹。厚築其外。隱以金椎。樹以青松。爲馳道之麗至於此。使其後世會不得邪徑而託足焉。死葬乎驪山。吏徒數十萬人。曠日十年。下徹三泉。合采金石。冶銅錮其內。漆塗其外。被以珠玉。飾以翡翠。中成觀游。上成山林。爲葬薶之侈至於此。使其後世會不得蓬顆蔽冢而託葬焉。秦以熊羆之力。虎狼之心。蠶食諸侯。并吞海內。而不篤禮義。故天殃已加矣。臣昧死以聞。願陛下少留意。而詳擇其中。臣聞忠臣之事君也。言切直。

則不用而身危。不切直則不可以明道。故切直之言。明主所欲急聞。忠臣之所以蒙死而竭知也。地之磽者。雖有善種。不能生焉。江皋河瀕。雖有惡種。無不猥大。昔者夏商之季世。雖關龍逢箕子比干之賢。身死亡而道不用。文王之時。豪俊之士。皆得竭其智。芻蕘採薪之人。皆得盡其力。此周之所以興也。故地之美者。善養禾。君之仁者。善養士。雷霆之所擊。無不摧折者。萬鈞之所壓。無不糜滅者。今人主之威。非特雷霆也。勢重。非特萬鈞也。開道而求諫。和顏色而受之。用其言而顯其身。士猶恐懼而不敢自盡。又乃況於縱欲恣行暴虐。惡聞其過乎。震之以威。壓之以重。則雖有堯舜之智。孟賁之勇。豈有不摧折者哉。如此。則人主不得聞其過失矣。弗聞。則社稷危矣。古者聖王之制。史在前。書過失。工誦箴諫。瞽誦詩諫。公卿比諫。士傳言諫過。庶人謗於道。商旅議於市。然後君得聞其過失也。聞其過失而改之。見義而從之。所以永有天下也。天子之尊。四海之內。其義莫不爲臣。然而養三老於太學。親執醬而餽。執爵而醕。祝餉在前。祝鯁在後。公卿奉杖。大夫進履。舉賢以自輔。弼求修正之士。使直諫。故以天子之尊。尊養三老。視孝也。立輔弼之臣者。恐驕也。置直諫之士者。恐不得聞其過失也。學問至於芻蕘者。求善無饜也。商人庶人誹謗己而改之。從善無不聽也。昔者秦政力并萬國。富有天下。破六國以爲郡縣。築長城以爲關塞。秦地之

固大小之勢。輕重之權。其與一家之富。一夫之強。胡可勝計也。然而兵破於陳涉。地奪於劉氏者。何也。秦王貪狼暴虐。殘賊天下。窮困萬民。以適其欲也。昔者周蓋千八百國。以九州之民。養千八百國之君。用民之力。不過歲三日。什一而籍。君有餘財。民有餘力。而頌聲作。秦皇帝以千八百國之民自養。力疲不能勝其役。財盡不能勝其求。一君之身耳。所以自養者。馳騁弋獵之娛。天下弗能供也。勞罷者不得休息。饑寒者不得衣食。亡罪而死刑者。無所告訴。人與之爲怨。家與之爲讎。故天下壞也。秦皇帝身在此時。天下已壞矣。而弗自知也。秦皇帝東巡狩。至會稽琅邪。刻石著其功。自以爲過堯舜統。縣石鑄鐘。簾飾土築阿房之宮。自以爲萬世有天下也。古者聖王作諡。三四十世耳。雖堯舜禹湯文武。纍世廣德。以爲子孫基業。無過二三十世者也。秦皇帝曰。死而以諡法。是父子名號有時相襲也。以一至萬。則世世不相復也。故死而號曰始皇帝。其次曰二世皇帝者。欲以一至萬也。秦皇帝計其功德。度其後嗣世世無窮。然身死纔數月耳。天下四面而攻之。宗廟滅絕矣。秦皇帝居滅絕之中。而不自知者。何也。天下莫敢告也。其所以莫敢告者。何也。亡養老之義。亡輔弼之臣。亡進諫之士。縱恣行誅。退誹謗之人。殺直諫之士。是以道諛媮合苟容。比其德。則賢於堯舜。課其功。則賢於湯武。天下已潰而莫之告也。詩曰。匪言不能。胡此畏忌。聽

言則對。譖言則退。此之謂也。又曰。濟濟多士。文王以寧。天下未嘗亡士也。然而文王獨言以寧者。何也。文王好仁。則仁興。得士而敬之。則士用。用之有禮義。故不致其愛敬。則不能盡其心。不能盡其心。則不能盡其力。不能盡其力。則不能成其功。故古之賢君。於其臣也。尊其爵祿而親之。疾則臨視之。無數。死則往弔哭之。臨其小斂。大斂已棺塗。而後爲之服。錫衰麻經。而三臨其喪。未斂不飲酒食肉。未葬不舉樂。當宗廟之祭而死。爲之廢樂。故古之君人者。於其臣也。可謂盡禮矣。服法服。端容貌。正顏色。然後見之。故臣下莫敢不竭力盡死。以報其上。功德立於後世。而令聞不忘也。今陛下念思祖考。術追厥功。圖所以昭光洪業。休德。使天下舉賢良方正之士。天下皆訢訢焉。曰。將興堯舜之道。三王之功矣。天下之士。莫不精白以承休德。今方正之士。皆在朝廷矣。又選其賢者。使爲常侍諸吏。與之馳馭射獵。一日再三出。臣恐朝廷之解弛。百官之墮於事也。諸侯聞之。又必怠於政矣。陛下卽位。親自勉以厚天下。損食膳。不聽樂。減外徭衛卒。止歲貢。省廩馬。以賦縣傳。去諸苑。以賦農夫。出帛十餘萬匹。以賑貧民。禮高年。九十者一子不事。八十者二算不事。賜天下男子爵。大臣皆至公卿。發御府金。賜大臣宗族。亡不被澤者。赦罪人。憐其亡髮。賜之中。憐其衣赭。書其背。父子兄弟相見也。而賜之衣。平獄緩刑。天下莫不說喜。是以元年膏雨降。五

穀登。此天之所以相陛下也。刑輕於他時。而犯法者寡。衣食多於前年。而盜賊少。此天之所以順陛下也。臣聞山東吏布詔令。民雖老羸癯疾。扶杖而往聽之。願少須臾無死。思見德化之成也。今功業方就。名聞方昭。四方鄉風。今從豪俊之臣。方正之士。直與之日日獵射。擊兔伐狐。以傷大業。絕天下之望。臣竊悼之。詩曰。靡不有初。鮮克有終。臣不勝大願。願少衰射獵。以夏歲二月。定明堂造太學。修先王之道。風行俗成。萬世之基定。然後惟陛下所幸耳。古者大臣不嫌。故君子不常見。其齊嚴之色。肅敬之容。大臣不得與宴游。方正修潔之士。不得從射獵。使皆務其方以高其節。則羣臣莫敢不正身修行。盡心以稱大禮。如此。則陛下之道尊敬。功業施於四海。垂於萬世子孫矣。誠不如此。則行日壞而榮日滅矣。夫士修之於家。而壞之於天子之廷。臣竊愍之。陛下與衆臣宴游。與大臣方正朝廷論議。夫游不失樂。朝不失禮。議不失計。軌事之大者也。

【註音】(罷)讀披(禱)音者(禱)同呼(頰)音頻(推)音追(蕪)音埋(穎)口果切(磻)音敲(醴)引去聲(蘭)古饋字(籩)音巨(籩)音師(學)同累(道)同導(輸)同倫(經)徒結切(術)同述(訢)同欣(解)同懈(弛)音豕(筮)音遙(說)讀悅(巖)音雷(癘)音隆(鄉)同嚮(蝶)音薛(懸)音閱

【釋義】(一)漢潁川人。文帝時。上書言治亂之道。借秦爲喻。名曰至言。後文帝欲除鑄錢令。山復上書諫。

(二)柔皮。(三)罪人之服。(四)山名。在陝西鳳翔縣西北。(五)屈也。(六)猶馬路也。(七)水涯。(八)隱。築也。言甬道

以鐵椎築之。令其堅實也。(九)在陝西臨潼縣東南。(一〇)土塊之生蓬者。(一一)獸名。產歐洲及亞洲北方。體大於

熊。毛色黃白。頸長脚高。多力。能拔樹。過人則人力而攫之。俗呼爲人熊。(一二)薄也。(一三)擾也。(一四)威也。(一五)諫。夏

榮而被殺。(二)對諸父。紂暴虐。箕子佯狂去。比干諫而死。(三)粥也。(四)比方事類以諫。(五)三老人也。蓋取其
高年有德者。(六)以酒敷口也。(七)與饋同。食不下也。(八)格於喉也。(九)示也。(十)取其一。設簿籍以稅之。
(十一)山名。在浙江紹興縣東南。(十二)山名。在山東諸城縣。(十三)縣稱也。百二十斤爲石。稱銅鐵之斤以鑄鐘簾。懸
鐘磬之物也。(十四)竹器。有鑰孔。所以去粗取細也。(十五)古者死後易名。美惡視其一生而加字也。(十六)謂塗殯也。
(十七)以細麻所製之喪服。(十八)麻之在首在腰者。(十九)給也。(二十)公家驛遞。(二十一)除其賦也。(二十二)免二口之算賦。
(二十三)罷病也。(二十四)天子朝諸侯之宮。(二十五)狎也。(二十六)不常常也。見顯示也。(二十七)道也。(二十八)悲痛也。

龜錯言兵事書

臣聞漢興以求。胡虜數入邊地。小入則小利。大入則大利。高后時。再入隴
西。攻城屠邑。毆略畜產。其後復入隴西。殺吏卒。大寇盜。竊聞戰勝之威。民
氣百倍。敗兵之卒。沒世不復。自高后以來。隴西三困於匈奴矣。民氣破傷。
亡有勝意。今茲隴西之吏。賴社稷之神靈。奉陛下之明詔。和輯士卒。底厲
其節。起破傷之民。以當乘勝之匈奴。用少擊衆。殺一王。敗其衆。而有大利。
非隴西之民有勇怯。乃將吏之制巧拙異也。故兵法曰。有必勝之將。無必
勝之民。由此觀之。安邊境。立功名。在於良將。不可不擇也。臣又聞用兵臨
戰合刃之急者三。一曰得地形。二曰卒服習。三曰器用利。兵法曰。丈五之
溝。漸車之水。山林積石。經川邱阜。草木所在。此步兵之地也。車騎二不當
一。土山邱陵。曼衍相屬。平原廣野。此車騎之地也。步兵十不當一。平陵相
遠。川谷居間。仰高臨下。此弓弩之地也。短兵百不當一。兩陳相近。平地淺

草可前可後。此長戟之地也。劍楯三不當一。萑葦竹蕭。草木蒙籠。枝葉茂接。此矛鏃之地也。長戟二不當一。曲道相伏。險阨相薄。此劍楯之地也。弓弩三不當一。士不選練。卒不服習。起居不精。動靜不集。趨利弗及。避難不畢。前擊後解。與金鼓之音相失。此不習勒卒之過也。百不當十。兵不專利。與空手同。甲不堅密。與袒裼同。弩不可以及遠。與短兵同。射不能中。與亡矢同。中不能入。與亡鏃同。此將不省兵之禍也。五不當一。故兵法曰。器械不利。以其卒予敵也。卒不可用。以其將予敵也。將不知兵。以其主予敵也。君不擇將。以其國予敵也。四者。兵之至要也。臣又聞小大異形。強弱異勢。險易異備。夫卑身以事強。小國之形也。合小以攻大。敵國之形也。以蠻夷攻蠻夷。中國之形也。今匈奴地形技藝。與中國異。上下山阪。出入溪澗。中國之馬弗與也。險道傾仄。且馳且射。中國之騎弗與也。風雨罷勞。飢渴不困。中國之人弗與也。此匈奴之長技也。若夫平原易地。輕車突騎。則匈奴之衆。易撓亂也。勁弩長戟。射疏及遠。則匈奴之弓。弗能格也。堅甲利刃。長短相雜。游弩往來。什伍俱前。則匈奴之兵。弗能當也。材官騶發。矢道同的。則匈奴之革筈。木薦。弗能支也。下馬地鬪。劍戟相接。去就相薄。則匈奴之足。弗能給也。此中國之長技也。以此觀之。匈奴之長技三。中國之長技五。陛下又與數十萬之衆。以誅數萬之匈奴。衆寡之計。以十擊一之術也。雖

然兵凶器戰危事也。以大爲小。以強爲弱。在俯仰之間耳。夫以人之死爭勝。跌而不振。則悔之亡及也。帝王之道。出于萬全。今降胡義渠。蠻夷之屬。來歸誼者。其衆數千。飲食長技。與匈奴同。可賜之堅甲絮衣。勁弓利矢。益以邊郡之良騎。令明將能知其習俗。和輯其心者。以陛下之明約將之。卽有險阻。以此當之。平地通道。則以輕車材官制之。兩車相爲表裏。各用其長技。衡加之。以衆。此萬全之術也。傳曰。狂夫之言。而明主擇焉。臣錯愚陋。昧死上狂言。唯陛下財擇。

【註音】(馭)同驅(輯)同集(底)同砥(厲)同癘(漸)音尖(菴)音完(鋌)音鐸(薄)音博(仄)同側(衡)同橫(財)同裁

【釋義】(一)漢潁川人。景帝時。請削吳楚地。七國反。以誅罷爲名。乃斬于市。(二)漢郡。今甘肅臨洮縣東北等處。(三)交兵也。(四)侵也。(五)當流之水。(六)連延也。(七)蘆荻也。(八)蒿也。(九)覆蔽之貌。(一〇)鐵把短矛。(一一)通也。(一二)金止衆。鼓進衆。(一三)裸露也。(一四)矢鋒。(一五)視也。(一六)如也。(一七)騎射之官也。(一八)矢之善者也。(一九)言所發之矢。同中一的。(二〇)以皮爲之。狀如鏡。(二一)木板爲之。如楢。(二二)相連也。(二三)西戎之一種。在今甘肅慶陽縣地。

鼂錯論守邊備塞書

臣聞秦時。北攻胡貉。築塞河上。南攻揚粵。置戍卒焉。其起兵而攻胡粵者。非以衛邊地而救民死也。貪戾而欲廣大也。故功未立而天下亂。且夫起兵而不知其勢。戰則爲人禽。屯則卒積死。夫胡貉之地。積陰之處也。木皮三寸。冰厚六尺。食肉而飲酪。其人密理。鳥獸毳毛。其性能寒。揚粵之地。少

陰多陽。其人疏理。鳥獸希毛。其性能暑。秦之戍卒。不能其水土。戍者死於邊。輸者償於道。秦民見行。如往棄市。因於謫發之。名曰謫戍。先發吏有謫。及贅壻賈人。後以嘗有市籍者。又後以大父母父母嘗有市籍者。後入閭取其左。發之不順。行者深恐。有背叛之心。凡民守戰至死。而不降北者。以計爲之也。故戰勝守固。則有拜爵之賞。攻城屠邑。則得其財。以富家室。故能使其衆蒙矢石。赴湯火。視死如生。今秦之發卒也。有萬死之害。而亡銖兩之報。死事之後。不得一算之復。天下明知禍烈及己也。陳勝行戍。至於大澤。爲天下先倡。天下從之如流水者。秦以威劫而行之之敝也。胡人衣食之業。不著於地。其勢易以擾亂邊境。何以明之。胡人食肉飲酪。衣皮毛。非有城郭田宅之歸居。如飛鳥走獸於廣野。美草甘水則止。草盡水竭則移。以是觀之。往來轉徙。時至時去。此胡人之生業。而中國之所以離南晦也。今使胡人數處轉牧。行獵於塞下。或當燕代。或當上郡北地隴西。以候備塞之卒。卒少則入。入不救。則邊民絕望。而有降敵之心。救之少發。則不足。多發。遠縣纔至。則胡又已去。聚而不罷。爲費甚大。罷之。則胡復入。如此連年。則中國貧苦。而民不安矣。陛下幸憂邊境。遣將吏發卒以治塞。甚大惠也。然令遠方之卒守塞。一歲而更。不知胡人之能。不如選常居者。家室田作。且以備之。以便爲之高城深塹。具蘭石布渠。答復爲一城。其內城。

間百五十步。要害之處。通川之道。調立城邑。毋下千家。爲中周虎落。先爲室屋。具田器。迺募罪人及免徒復作。令居之。不足。募以丁奴婢贖罪。及輸奴婢。欲以拜爵者。不足。乃募民之欲往者。皆賜高爵。復其家。予冬夏衣廩食。能自給而止。郡縣之民。得買其爵。以自增至卿。其亡夫若妻者。縣官買予之。人情非有匹敵。不能久安其處。塞下之民。祿利不厚。不可使久居危難之地。胡人入驅。而能止其所驅者。以其半予之。縣官爲贖其民。如是。則邑里相救助。赴胡不避死。非以德上也。欲全親戚而利其財也。此與東方之戍卒。不習地勢。而心畏胡者。功相萬也。以陛下之時。徙民實邊。使遠方亡屯戍之事。塞下之民。父子相保。亡係虜之患。利施後世。名稱聖明。其與秦之行怨民。相去遠矣。

〔註音〕(絡)音陌(酪)音洛(醜)音翠(能)讀耐(儻)音奮(譴)同譴(鹵)同蕩(復)方目切(著)直略切(晦)同畝(塹)七黠切(蘭)音吝

〔釋義〕(一)北夷。(二)古揚州之南越。(三)乳漿。(四)肌肉細密也。(五)細毛。(六)肌肉之粗疏。(七)仆也。(八)因罪革職。充發邊外也。(九)前會爲買者。(一〇)閭里門。居其左者役之。(一一)謂據獲其財物。(一二)十黍爲累。十累爲鈔。二十四鈔爲兩。(一三)漢之丁稅。民年十五以上至六十五。出賦錢八百二十爲一算。復除也。(一四)漢郡。故城在今甘肅環縣東南。(一五)繞城之水也。(一六)城上雷石。(一七)鐵蒺藜也。(一八)算度也。(一九)以竹篾相連。遮落之也。(二〇)罪人遇赦復作。竟其日月者。今除其罰。令居之也。(二一)不出賦錢也。

鼂錯論募民徙塞下書

陛下幸募民相徙以實塞下。使屯戍之事益省。輸將之費益寡。甚大惠也。

下吏誠能稱厚惠。奉明法。存卹所徙之老弱。善遇其壯士。和輯其心。而勿侵刻。使先至者安樂而不思故鄉。則貧民相慕而勸往矣。臣聞古之徙遠方。以實廣虛也。相其陰陽之和。嘗其水泉之味。審其土地之宜。觀其草木之饒。然後營邑立城。制里割宅。通田作之道。正阡陌之界。先爲築室。家有一堂二內。門戶之閉。置器物焉。民至有所居。作有所用。此民所以輕去故鄉。而勸之新邑也。爲置醫巫。以救疾病。以修祭祀。男女有昏。生死相卹。墳墓相從。種樹畜長。室屋完安。此所以使民樂其處。而有長居之心也。臣又聞古之制邊縣。以備敵也。使五家爲伍。伍有長。十長一里。里有假士。四里一連。連有假五百。十連一邑。邑有假候。皆擇其邑之賢材有護習地形。知民心者。居則習民於射法。出則教民於應敵。故卒伍成於內。則軍政定於外。服習以成。勿令遷徙。幼則同遊。長則共事。夜戰聲相知。則足以相救。晝戰目相見。則足以相識。謹愛之心。足以相死。如此。而勸以厚賞。威以重罰。則前死不還踵矣。所徙之民。非壯有材力。但費衣糧。不可用也。雖有材力。不得良吏。猶亡功也。陛下絕匈奴。不與和親。臣竊意其冬來南也。壹大治。則終身創矣。欲立威者。始於折膠。來而不能困。使得氣去。後未易服也。愚臣亡識。唯陛下財察。

〔釋義〕（一）輸送也。（二）卽二房。（三）謂其非常置也。（四）師名。（五）有保護能力者。（六）憊也。（七）秋氣至。膠可折。弓弩可用。匈奴常以爲候而出軍也。（八）猶言得志也。

龜錯論貴粟疏

聖王在上。而民不凍饑者。非能耕而食之。織而衣之也。爲開其資財之道也。故堯禹有九年之水。湯有七年之旱。而國亡捐瘠者。以畜積多而備先具也。今海內爲一。土地人民之衆。不避湯禹。加以亡天災數年之水旱。而畜積未及者。何也。地有遺利。民有餘力。生穀之士未盡墾。山澤之利未盡出也。游食之民未盡歸農也。民貧則姦邪生。貧生於不足。不足生於不農。不農則不地著。不地著。則離鄉輕家。民如鳥獸。雖有高城深池。嚴法重刑。猶不能禁也。夫寒之於衣。不待輕煖。饑之於食。不待甘旨。饑寒至身。不顧廉恥。人情一日不再食。則饑。終歲不製衣。則寒。夫腹饑不得食。膚寒不得衣。雖慈母不能保其子。君安能以有其民哉。明主知其然也。故務民於農桑。薄賦斂。廣畜積。以實倉廩。備水旱。故民可得而有也。民者。在上所以牧之。趨利如水走下。四方亡擇也。夫珠玉金銀。饑不可食。寒不可衣。然而衆貴之者。以上用之故也。其爲物輕微易藏。在於把握。可以周海內而亡饑寒之患。此令臣輕背其主。而民易去其鄉。盜賊有所勸。亡逃者得輕資也。粟米布帛。生於地。長於時。聚於力。非可一日成也。數石之重。中人弗勝。不

爲姦邪所利。一日勿得而饑寒至。是故明君貴五穀而賤金玉。今農夫五口之家。其服役者不下二人。其能耕者不過百畝。百畝之收。不過百石。春耕夏耘。秋穫冬藏。伐薪樵。治官府。給徭役。春不得避風塵。夏不得避暑熱。秋不得避陰雨。冬不得避寒凍。四時之間。亡日休息。又私自送往迎來。弔死問疾。養孤長幼在其中。勤苦如此。尙復被水旱之災。急政暴賦。賦斂不時。朝令而暮當具。有者半賈而賣。亡者取倍稱之息。於是^一有賣田宅。鬻子孫。以償債者矣。而商賈大者。積貯倍息。小者。坐列販賣。操其奇贏。日遊都市。乘上之急。所賣必倍。故其男不耕耘。女不蠶織。衣必文采。食必粱肉。亡農夫之苦。有任伯之得。因其富厚。交通王侯。力過吏勢。以利相傾。千里遊敖。冠蓋相望。乘堅策肥。履絲曳縞。此商人所以兼并農人。農人所以流亡者也。今法律賤商人。商人已富貴矣。尊農夫。農夫已貧賤矣。故俗之所貴。主之所賤也。吏之所卑。法之所尊也。上下相反。好惡乖^四。而欲國富法立。不可得也。方今之務。莫若使民農而已矣。欲民務農。在於貴粟。貴粟之道。在於使民以粟爲賞罰。今募天下入粟縣官。得以拜爵。得以除罪。如此。富人^五有爵。農人有錢。粟有所^五。夫能入粟以受爵。皆有餘者也。取於有餘。以供上用。則貧民之賦可損。所謂損有餘。補不足。令出而民利者也。順於民心。所補者三。一曰主用足。二曰民賦少。三曰勸農功。今令民有車騎馬一

匹者。復卒^二。三人。車騎者。天下武備也。故爲復卒。神農之教曰。有石城十仞。湯池百步。帶甲百萬。而亡粟。弗能守也。以是觀之。粟者王者大用。政之本務。令民入粟受爵。至五大夫以上。廼復一人耳。此其與騎馬之功。相去遠矣。爵者上之所擅。出於口而無窮。粟者民之所種。生於地而不乏。夫得高爵與免罪。人之所甚欲也。使天下入粟於邊。以受爵免罪。不過三歲。塞下之粟必多矣。

【註音】(賈)讀若價(稱)去聲(生)音諫(澤)音薛

【釋義】(一)猶不讓也。(二)有餘財也。(三)素織。(四)逆也。(五)敬也。(六)復。除也。爲卒者。免其三人。不爲卒者。復其錢。(七)古以周尺八尺爲仞。(八)漢文帝從錯議。令民入粟邊。六百石。爵上造。第二等爵也。增至四千石。爲五大夫。第九等爵也。萬二千石。爲大庶長。第十八等爵也。各以多少級數爲差。

鄒陽諫吳王書

臣聞秦倚曲臺之宮。懸衡天下。畫地而不犯。兵加胡越。至其晚節。末路。張耳。陳勝。連從兵之據。以叩函谷。咸陽遂危。何則。列郡不相親。萬室不相救也。今胡數涉北河之外。上覆飛鳥。下不見伏兔。鬪城不休。救兵不至。死者相隨。輦車相屬。轉粟流輸。千里不絕。何則。疆趙責於河間。六齊望於惠后。城陽顧於盧博。三淮南之心。思墳墓。大王不憂。臣恐救兵之不專。胡馬遂進。窺於邯鄲。越水長沙。還舟青陽。雖使梁弁淮陽之兵。下淮東。越廣陵。以遏越人之糧。漢亦折西河而下。北守漳水。以輔大國。胡亦益進。越亦益深。

此臣之所爲大王患也。臣聞交龍襄首奮翼。則浮雲出流。霧雨咸集。聖王
砥節修德。則游談之士歸義思名。今臣盡智畢議。易精極慮。則無國不可
奸飾固陋之心。則何王之門不可曳長裾乎。然臣所以歷數王之朝。背淮
千里而自致者。非惡臣國而樂吳民也。竊高下風之行。尤說大王之義。故
願大王之無忽。察聽其志。臣聞鷲鳥纍百。不如一鶚。夫全趙之時。武力鼎
士。袷服叢臺之下者。一旦成市。而不能止幽王之湛患。淮南連山東之俠。
死士盈朝。不能還厲王之西也。然而計議不得。雖諸賁不能安其位。亦明
矣。故願大王審畫而已。始孝文皇帝據關入立。寒心銷志。不明求衣。自立
天子之後。使東牟朱虛東褒義父之後。深割嬰兒王之壤。子王梁代益以
淮陽。卒仆濟北。囚弟於雍者。豈非象新垣平等哉。今天子新據先帝之遺
業。左規山東。右制關中。變權易勢。大臣難知。大王弗察。臣恐周鼎復起於
漢。新垣過計於朝。則我吳遺嗣。不可期於世矣。高皇帝燒棧道。水章邯兵
不留行。收弊民之倦。東馳函谷。西楚大破。水攻則章邯以亡其城。陸擊則
荆王以失其地。此皆國家之不幾者也。願大王熟察之。

【注音】(從)同縱(奸)同干(滯)音居(驚)音至(鸞)音愕(袷)音縣(健)同沈(黃)音奔(父)讀甫(仆)
音赴

【釋義】(一)漢齊人。景帝時仕吳。以文辨著名。後去而之梁。從梁孝王遊。引爲上客。(二)始皇聽治處。在漢
未央宮。(三)言若懸衡以稱輕重。以法令畫一天下。(四)大梁人。(五)勝。字涉。陽城人。(六)戎地之河上也。(七)

盡也。(一)河間卽今河北河間縣。趙幽王爲呂后幽死。文帝立其長子遼爲趙王。取趙河間。立遼弟辟疆爲河間王。至子哀王無嗣。遂欲復還得河間地。(二)望。怨也。呂后割濟南郡爲呂王台奉邑。又割琅邪郡封劉澤爲琅邪王。文帝乃立悼惠王六子爲王。故六齊。追怨惠帝與呂后。(三)城陽王名喜。其父與叔討諸呂有功。本當盡以趙地王其父。築地王其叔。乃文帝以章爲城陽王。與居爲濟北王。二人頗快快。後其叔誅死。父亦薨。故喜願念而恨。盧博。卽盧縣。今山東長清縣。濟北王治處。(二)淮南王長謀反。廢徙蜀道死。文帝立其三子。安爲淮南王。敖爲衡山王。賜爲廬江王。言三王念其父見遷殺也。(三)言吳舉兵反。天子來討。四國皆願其私怨。未必相救。(三)長沙。其地與南越相接。水長沙者。言越先以水軍攻長沙也。見〔漢書吳王濞傳〕。(四)聚丹也。(五)吳地。(二)今河南商邱縣。淮陽王武徙此。卽梁孝王也。(七)景帝子餘王淮陽。今河南淮陽縣地。(一)淮水之東。(二)今江蘇江都縣東北。(三)卽陝西山西間之黃河。因在冀縣西。故曰西河。(三)出山西省。有清濁二源。(三)指趙。(三)時趙王遂北連匈奴。吳王儂素鍾三越。(四)舉也。(五)立節也。(六)改易精思。(七)公孫龍謂平原君曰。臣居魯側聞下風。高先生之知。悅先生之行。見〔新序〕。(八)大鵬也。(九)威服也。(一〇)趙王臺在邯鄲。(一)名友。見上強趙注。(二)名長。見前三淮南注。(三)〔左昭〕吳公子光享王。饗設諸置劍於魚中以進。抽劍刺王。(四)〔說苑〕勇士孟賁。水行不避蛟龍。陸行不避狼虎。(五)東牟侯興居。(六)朱虛侯章。(七)當呂氏之亂。齊王首討諸呂。故文帝封其子。而遣朱虛侯章東使就王封。猶春秋之褒僂父也。(八)指齊王六子中之幼小者。(九)猶言愛子。見〔方言〕。(一〇)文帝時梁王揖代王參。淮陽王武。後梁王揖早薨。徙武爲梁王。(一)濟北王與居反。見誅。(二)淮南王長有罪。徙蜀。死於雍。(三)趙人。文帝時詐覺謀反。夷三族。言濟北淮南二王所以然者。坐二國有姦臣如新垣平等勸王共反也。(四)卽景帝。(五)卽文帝。(六)新垣平譎言周鼎在泗水中。臣望東北份陰。有金寶氣。鼎其在乎。弗迎則不至。(七)誤也。(八)〔史記〕張良說漢王燒絕棧道。山巖險絕。處施板梁爲道。爲棧道。(九)章邯爲雍王。爲高祖以水灌城所破。(一〇)項羽號西楚霸王。(一)荆王指楚霸王項羽也。

鄒陽獄中上梁王書

臣聞忠無不報。信不見疑。臣常以爲然。徒虛語耳。昔荆軻慕燕丹之義。白虹貫日。太子畏之。衛先生爲秦畫長平之事。太白食昴。昭王疑之。夫精變

天地而信不諭兩主。豈不哀哉。今臣盡忠竭誠。畢議願知。左右不明。卒從吏訊。爲世所疑。是使荆軻衛先生復起。而燕秦不悟也。願大王熟察之。昔玉人獻寶。楚王誅之。李斯竭忠。胡亥極刑。是以箕子佯狂。接輿避世。恐遭此患也。願大王察玉人李斯之意。而後楚王胡亥之聽。毋使臣爲箕子接輿所笑。臣聞比干剖心。子胥鴟夷。臣始不信。乃今知之。願大王熟察。少加憐焉。語曰。有白頭如新。傾蓋如故。何則。知與不知也。故樊於期逃秦之燕。藉荆軻首以奉丹事。王奢去齊之魏。臨城自剄。以卻齊而存魏。夫王奢樊於期。非新於齊秦。而故於燕魏也。所以去二國。死兩君者。行合於志。慕義無窮也。是以蘇秦不信於天下。爲燕尾生。白圭戰亡六城。爲魏取中山。何則。誠有以相知也。蘇秦相燕。人惡之。燕王按劍而怒。食以馱駝。白圭顯於中山。人惡之。魏文侯。文侯賜以夜光之璧。何則。兩主二臣。剖心析肝相信。豈移於浮辭哉。故女無美惡。入宮見妒。士無賢不肖。入朝見嫉。昔司馬喜贖腳於宋。卒相中山。范雎拉脅折齒於魏。卒爲應侯。此二人者。皆信必然之畫。捐朋黨之私。挾孤獨之交。故不能自免於嫉妒之人也。是以申徒狄蹈雍之河。徐衍負石入海。不容於世。義不苟取。比周於朝。以移主上之心。故百里奚乞食於道路。繆公委之以政。甯戚飯牛車下。桓公任之以國。此二人者。豈素宦於朝。借譽於左右。然後二主用之哉。感於心。合於行。

堅如膠漆。昆弟不能離。豈惑於衆口哉。故偏聽生姦。獨任成亂。昔魯聽季
孫之說。逐孔子。宋任子冉之計。囚墨翟。夫以孔墨之辯。不能自免於讒諛。
而二國以危。何則。衆口鑠金。積毀銷骨也。秦用戎人由余。而霸中國。齊用
越人子臧。而彊威宣。此二國豈係於俗。牽於世。繫奇偏之浮辭哉。公聽並
觀。垂明當世。故意合則胡越爲兄弟。由余子臧是矣。不合則骨肉爲讎敵。
朱象管蔡是矣。今人主誠能用齊秦之明。後宋魯之聽。則五霸不足侔。而
三王易爲也。是以聖王覺寤。捐子之之心。而不說田常之賢。封比干之後。
修孕婦之墓。故功業覆於天下。何則。欲善亡厭也。夫晉文親其讐。彊霸諸
侯。齊桓用其讐。而一匡天下。何則。慈仁殷勤。誠加於心。不可以虛辭借也。
至夫秦用商鞅之法。東弱韓魏。立彊天下。卒車裂之。越用大夫種之謀。禽
勁吳而霸中國。遂誅其身。是以孫叔敖三去相而不悔。於陵子仲辭三公。
爲人灌園。今人主誠能去驕傲之心。懷可報之意。披心腹。見情素。墮肝膽。
施德厚。終與之窮達。無愛於士。則桀之犬可使吠堯。跖之客可使刺由。何
況因萬乘之權。假聖王之資乎。然則荆軻湛七族。要離燔妻子。豈足爲大
王道哉。臣聞明月之珠。夜光之璧。以闇投人於道。衆莫不按劍相眄者。何
則。無因而至前也。蟠木根柢輪囷離奇。而爲萬乘器者。以左右先爲之容
也。故無因而至前。雖出隨珠和璧。祇結怨而不見德。有人先游。則枯木朽

株。樹功而不忘。今夫天下布衣窮居之士。身在貧羸。雖蒙堯舜之術。挾伊
管之辯。懷龍逢^{五一}比干之意。而素無根柢之容。雖竭精神。欲開忠於當世之
君。則人主必襲按劍相眄之迹矣。是使布衣之士。不得爲枯木朽株之資
也。是以聖王制世御俗。獨化於陶鈞^{五二}之上。而不牽乎卑亂之語。不奪乎衆
多之口。故秦皇帝任中庶子蒙嘉之言。以信荊軻。而匕首竊發。周文王獵
涇渭^{五四}。載呂尙歸。以王天下。秦信左右而亡。周用烏集^{五五}而王。何則。以其能越
攀拘之語。馳域外之議。獨觀乎昭曠之道也。今人主沈諂諛之辭。牽帷廡
之制^{五六}。使不羈之士。與牛驥同皁^{五七}。此鮑焦^{五八}所以憤於世也。臣聞盛飾入朝者。
不以私汙義。砥厲名號者。不以利傷行。故里名勝母。曾子不入。邑號朝歌。
墨子回車。今欲使天下寥廓之士。籠於威重之權。脅於位勢之貴。回面汙
行。以事諂諛之人。而求親近於左右。則士有伏死掘穴巖藪之中耳。安有
盡忠信而趨闕下者哉。

【註音】（於）音烏（駭駭）音快頤（牖）音牝（播）音煩（抵）音邸（困）去輪切（逢）音龐（攀）呂員切（廡）
同竈

【釋義】（一）梁孝王名武。陽以武王不可說。去之梁。從孝王遊。牟勝。公孫詭等疾陽。惡之於孝王。孝王遂下
陽獄。將殺之。陽從獄中上書以自明。（二）燕太子丹厚養荊軻。令西刺秦皇。荊軻卒後。太子相氣。見白虹貫日。曰。
吾事不成矣。（三）白起爲秦伐趙。破長平軍。欲逐鹹趙。霍衡先生說昭王益兵糧。爲應侯所害。事遂不成。其精誠
上達於天。故大白爲之食鼎。鼎。趙分也。食者。干歷也。將有兵。故大白食鼎。（四）謂盡其計議。願王知之也。（五）十
和得玉環。獻之武王。王示玉人。曰。石也。則其右足。武王歿。復獻文王。玉人復曰。石也。則其左足。至成王時。抱其環

突於郊。王乃使玉人攻之。果得寶玉。(六)秦二世。(七)具五刑也。(八)史記。紂淫亂不止。箕子懼。乃佯狂爲奴。
(九)楚狂人陸通。字接輿。(一〇)史記。比干彊諫。紂怒曰。吾聞聖人心有七竅。信諸。殺比干。剖視其心。(一一)史
記。子胥自剄。吳王乃以子胥尸。威以鷓夷之草。浮之江中。按鷓夷。今之皮囊也。(一二)相遇於途。駟車對語。兩蓋
相切小鼓之義。(一三)於期爲秦將。被讒。走之燕。始皇滅其家。又重購之。燕遣荆軻。欲刺秦王。於期自刎首。令軻齎
往。(一四)王奮。齊臣。出亡至魏。齊因伐魏。奮登城謂齊將曰。今君之來。以奮故。義不爲魏累。遂自剄。(一五)尾生。古之
信士。言蘇秦於齊。不出其信。於燕。則出尾生之信也。按秦說齊宣王。使還燕十城。又令閔王厚葬以弊齊。終身爲
燕。故以尾生喻之。(一六)白圭爲中山將。亡六城。亡入魏。文侯厚遇之。還拔中山。(一七)駟馬也。(一八)六國時人。(一九)
魏人。隨中大夫須賈使齊。齊襄王賜之金及牛酒。須賈以爲持魏國陰私告齊。以告魏相魏齊。使舍人答擊。睢折
脅摺齒。睢得死亡。入秦。爲應侯。(二〇)殷末人。(二一)周末人。(二二)虞人。聞秦繆公賢。乞食以往。(二三)名斯。魯大夫季
桓子也。(二四)姓樂。名喜。宋賢臣。(二五)鑠。以火銷金也。言衆口所惡。金爲之銷亡。(二六)威王名因齊。桓公子。(二七)宣
王名辟疆。威王子。(二八)丹朱。堯子。(二九)舜弟。(三〇)管叔鮮。蔡叔度。周之二叔。(三一)燕王噲。屬國於子之。齊因伐燕。
燕王噲死。子之乃亡。(三二)齊田常殺簡公而立平公。平公卽位。田常爲相。五年。齊攻歸之。(三三)尙書。封比干之
墓。(三四)紂劍。狂者觀其胎產。武王克商。乃封修之。(三五)寺人。教鞭。爲晉獻公逐文公。斬其袿。及文公卽位。用其言
以免難。(三六)管仲射中桓公帶鉤。而用之爲相。(三七)楚國之處士。虞丘相進之。三月而相楚。三得相而不喜。三去
相而不悔。(三八)卽陳仲子。兄戴爲齊相。仲子以爲不義。乃居於陵。(三九)於士所求。無所愛惜。(四〇)盜跖。(四一)許由。
(四二)湛。沒也。七族。上自高祖。下至曾孫。荆軻爲燕刺秦王。不成而死。夷七族。(四三)吳王闔閭欲殺王子慶忌。要壽
曰。王誠助臣。請必能。吳王曰諾。明且加罪焉。執其妻子。燔而揚其灰。要壽走見慶忌。以劍刺之。(四四)邪視也。(四五)
曲也。(四六)木根也。(四七)委曲盤戾也。(四八)隨國之侯。見大蛇傷斷。以藥敷之。後蛇銜明珠以報其德。(四九)卽卞和
氏所獻之玉。(五〇)卽伊尹。管仲。(五一)築。爲長夜飲。龍逢極諫。桀殺之。(五二)陶人模下圓轉者爲鈞。言制馭天下。猶
陶人轉鈞也。(五三)中庶子。官名。蒙姓。嘉名。秦王竈臣也。(五四)一水名。在陝西省。(五五)言得太公。若烏鳥之暴集。(五
六)言爲帷廬。臣妾所牽制。(五七)食牛馬器。(五八)周時隱者。廉潔自守。不臣天子。不友諸侯。

司馬相如諫獵書

臣聞物有同類而殊能者。故力稱烏獲。捷言慶忌。勇期賁育。臣之愚。竊以

爲人誠有之。獸亦宜然。今陛下好陵阻險。射猛獸。卒然遇軼材之獸。駭不存之地。犯屬車之清塵。輿不及還轅。人不暇施巧。雖有烏獲逢蒙之技。不能用。枯木朽株。盡爲難矣。是胡越起於轂下。而兇夷接軫也。豈不殆哉。雖萬全無患。然本非天子之所宜近也。且夫清道而後行。中道而馳。猶時有銜轅之變。況乎涉豐草。馳邱墳。前有利獸之樂。而內無存變之意。其爲害也不難矣。夫輕萬乘之重。不以爲安樂。出萬有一危之塗。以爲娛。臣竊爲陛下不取。蓋明者遠見於未萌。而智者避危於無形。禍固多藏於隱微。而發於人之所忽者也。故鄙諺曰。家累千金。坐不垂堂。此言雖小。可以喻大。臣願陛下留意幸察。

〔註音〕(射)音實(逢)音龐

〔釋義〕(一)卽長駒。漢成都人。爲人口吃。而善著書。武帝擢爲中郎將。(二)秦武王之勇士。能扛鼎。(三)吳王僚子。以勇聞。走追奔獸。手接飛鳥。骨騰肉飛。能拊膝數百里。(四)黃。姓孟。水行不避蛟龍。陸行不避豺虎。育。姓夏。亦猛士也。(五)犯也。(六)天子從車。相續不絕也。(七)學射於羿。盡羿之道。思天下惟羿爲愈己。於是殺羿。(八)輪之正中。空其中爲貫軸處。(九)西戎。其先出自三苗。(一〇)車後橫木。(一一)馬勒。(一二)馬口所銜。

嚴安言世務書

臣聞鄒衍曰。政教文質者。所以云救也。當時則用。過則舍之。有易則易之。故守一而不變者。未睹治之至也。今天下人民。用財侈靡。車馬衣裘宮室。皆競修飾。調五聲。使有節族。雜五色。使有文章。重五味。方丈於前。以觀欲。

天下。彼民之情。見美則願之。是教民以侈也。侈而無節。則不可贍。民離本而徼未矣。未不可徒得。故搢紳者不憚爲詐。帶劍者夸殺人以矯奪。而世不知媿。故姦軌浸長。夫佳麗珍怪。固順於耳目。故養生而泰。樂失而淫。禮失而采。教失而僞。僞采淫泰。非所以範民之道也。是以天下人民。逐利無已。犯法者衆。臣願爲民制度。以防其淫。使貧富不相耀。以和其心。心既和平。其性恬安。恬安不營。則盜賊銷。盜賊銷。則刑罰少。刑罰少。則陰陽和。四時正。風雨時。草木暢茂。五穀蕃孰。六畜遂字。民不夭厲。和之至也。臣聞周有天下。其治三百餘歲。成康其隆也。刑錯四十餘年而不用。及其衰。亦三百餘年。故五伯更起。五伯者。常佐天子興利除害。誅暴禁邪。匡正海內。以尊天子。五伯既沒。賢聖莫續。天子孤弱。號令不行。諸侯恣行。強陵弱。衆暴寡。田常篡齊。六卿分晉。並爲戰國。此民之始苦也。於是強國務攻。弱國修守。合從連衡。馳車轂擊。介冑生蟣。民無所告愬。及至秦王。蠶食天下。并吞戰國。稱號皇帝。一海內之政。壞諸侯之城。銷其兵。鑄以爲鐘虡。示不復用。元元黎民。得免於戰國。逢明天子。人人自以爲更生。鄉使秦緩刑罰。薄賦斂。省徭役。貴仁義。賤權利。上篤厚。下佞巧。變風易俗。化於海內。則世世必安矣。秦不行是風。循其故俗。爲知巧權利者進。篤厚忠正者退。法嚴令苛。譴諛者衆。日聞其美。意廣心逸。欲威海外。使蒙恬將兵以北攻強胡。辟

地進境。戍於北河。飛芻輓粟。以隨其後。又使尉屠睢將樓船之士攻越。使監祿鑿渠運糧。深入越地。越人遁逃。曠日持久。糧食乏絕。越人擊之。秦兵大敗。秦乃使尉佗將卒以戍越。當是時。秦禍北構於胡。南挂於越。宿兵於無用之地。進而不得退。行十餘年。丁男被甲。丁女轉輸。苦不聊生。自經於道樹。死者相望。及秦皇帝崩。天下大叛。陳勝吳廣舉陳。武臣張耳舉趙。項梁舉吳。田儋舉齊。景駒舉郢。周市舉魏。韓廣舉燕。窮山通谷。豪士並起。不可勝載也。然本皆非公侯之後。非長官之吏。無尺寸之勢。起閭巷。杖棘矜。應時而動。不謀而俱起。不約而同會。壤長地進。至乎伯王。時教使然也。秦貴爲天子。富有天下。滅世絕祀。窮兵之禍也。故周失之弱。秦失之強。不變之患也。今徇南夷。朝夜郎。降羌僰。略葭州。建城邑。深入匈奴。燔其龍城。議者美之。此人臣之利。非天下之長策也。今中國無狗吠之警。而外累於遠方之備。靡敝國家。非所以子民也。行無窮之欲。甘心快意。結怨於匈奴。非所以安邊也。禍挈而不解。兵休而復起。近者愁苦。遠者驚駭。非所以持久也。今天下鍛甲摩劍。矯箭控弦。轉輸軍糧。未見休時。此天下所共憂也。夫兵久而變起。事煩而慮生。今外郡之地。或幾千里。列城數十。形束壤制。帶脅諸侯。非宗室之利也。上觀齊晉所以亡。公室卑削。六卿大盛也。下覽秦之所以滅。刑嚴文刻。欲大無窮也。今郡守之權。非特六卿之重也。地幾千

里。非特閭巷之資也。甲兵器械。非特棘矜之用也。以逢萬世之變。則不可勝諱也。

【註音】(族)音妻(贍)時豔切(嬖)音幾(調)同詒(夔)音旬(蕪)音穰(播)音煩(舉)音如(綴)丁貫切
【釋義】(一)漢臨菑人。武帝時。以故丞相上書。召見。拜郎中。後爲騎馬令。(三)戰國時齊臨菑人。所著書曰鄉子。(三)樂之進止也。(四)觀。猶顯也。顯示之。使其慕欲也。(五)途。成也。字。生也。(六)病也。(七)孫子。(八)懸鐘之具。(九)秦將。始皇時。曾將三十萬。北逐匈奴。收河南。築長城。始皇崩。趙高立二世。恬自殺。(一〇)運載芻藁。其疾如飛。(一一)秦將。(一二)秦南海尉任囂死。趙代之。僭稱帝。至文帝時。去帝號。(一三)勝。廣。皆戍卒。共起兵於陳。(一四)武臣。陳人。張耳。魏人。共起兵於趙。(一五)下相人。羽之叔父也。起兵於吳。(一六)狄人。起兵於齊。(一七)楚人。起兵於郢。(一八)魏人。起兵於魏。(一九)燕人。起兵於燕。(二〇)以棘爲矛柄也。(二一)國名。在今貴州遵義縣治。(二二)國名。在今四川宜賓縣治。(二三)卽北東。(二四)匈奴城名。(二五)與擊同。牽引也。

主父偃諫伐匈奴書

臣聞明主不惡切諫。以博觀。忠臣不避重誅。以直諫。是故事無遺策。而功流萬世。今臣不敢隱忠。避死。以效愚計。願陛下幸赦而少察之。司馬法曰。國雖大。好戰必亡。天下雖平。忘戰必危。天下旣平。天子大愷。春蒐。秋獮。諸侯春振旅。秋治兵。所以不忘戰也。且怒者逆德也。兵者凶器也。爭者末節也。古之人君。一怒必伏尸流血。故聖王重行之。夫務戰勝。窮武事。未有不悔者也。昔秦皇帝任戰勝之威。蠶食天下。并吞六國。海內爲一。功齊三代。務勝不休。欲攻匈奴。李斯諫曰。不可。夫匈奴無城郭之居。委積之守。遷徙鳥舉。難得而制。輕兵深入。糧食必絕。運糧以行。重不及事。得其地不足以

爲利。得其民不可調而守也。勝必棄之。非民父母。靡敝中國。甘心匈奴。非完計也。秦皇帝不聽。遂使蒙恬將兵而攻胡。拓地千里。以河爲境。地固澤鹵。不生五穀。然後發天下丁男以守北河。暴兵露師。十有餘年。死者不可勝數。終不能踰河而北。是豈人衆之不足。兵革之不備哉。其勢不可也。又使天下飛芻輓粟。起於黃腫。琅邪。負海之郡。轉輸北河。率三十鍾。而致一石。男子疾耕。不足於糧餉。女子紡績。不足於帷幕。百姓靡敝。孤寡老弱。不能相養。道死者相望。蓋天下始叛也。及至高皇帝定天下。略地於邊。聞匈奴聚代谷之外。而欲擊之。御史成諫曰。不可。夫匈奴獸聚而鳥散。從之如搏景。今以陛下盛德攻匈奴。臣竊危之。高帝不聽。遂至代谷。果有平城之圍。高帝悔之。迺使劉敬往結和親。然後天下無干戈之事。故兵法曰。興師十萬。日費千金。秦常積衆數十萬人。雖有覆軍殺將。係虜單于。適足以結怨深讎。不足以償天下之費。夫匈奴行盜侵毆。所以爲業。天性固然。上自虞夏殷周。固不程督禽獸畜之。不比爲人。夫不上觀虞夏殷周之統。而下循近世之失。此臣之所以大恐。百姓所疾苦也。且夫兵久則變生。事苦則慮易。使邊境之民。靡敝愁苦。而有離心。將吏相疑。而外市。故尉佗章邯。得成其私。而秦政不行。權分二子。此得失之效也。故周書曰。安危在出令。存亡在所用。願陛下孰計之。而加察焉。

【註音】(一)置(同凱)蒐(音搜)獮(音先淺切)積(音杏)睡(音誰)景(同影)

【釋義】(一)漢臨苗人武帝時。禮爲郎中。一歲四遷。官至齊相。(二)司馬穰苴所著之兵法。(三)戰勝之樂。

(四)春獵爲蒐。秋獵爲獮。(五)卽今山東黃縣。棲霞縣。諸城縣。(六)古量名。六斛四斗。(七)今山西代谷縣西北。

(八)漢高祖自將擊韓王信。至平城。被匈奴圍七日。後用陳平計。厚遺單于。后闕氏。乃得出圍。(九)本姓婁。高祖賜姓劉氏。(一〇)課責也。(一一)市重於外。(一二)秦將。兵敗降楚。

淮南王諫伐閩越書

陛下臨天下。布德施惠。緩刑罰。薄賦斂。哀鰥寡。恤孤獨。養耆老。振匱乏。盛德上隆。和澤下洽。近者親附。遠者懷德。天下攝然。人安其生。自以沒身不見兵革。今聞有司舉兵。將以誅越。臣安竊爲陛下重之。越方外之地。鬻髮文身之民也。不可以冠帶之國法度理也。自三代之盛。胡越不與受正朔。非強弗能服。威弗能制也。以爲不居之地。不牧之民。不足以煩中國也。故古者封內甸服。封外侯服。侯衛賓服。蠻夷要服。戎狄荒服。遠近異勢也。自漢初定以來。七十一年。吳越人相攻擊者。不可勝數。然天子未嘗舉兵而入其地也。臣聞越非有城郭邑里也。處谿谷之間。篁竹之中。習於水鬪。便於用舟。地深昧而多水險。中國之人。不知其勢阻而入其地。雖百不當其一。得其地。不可郡縣也。攻之。不可暴取也。以地圖察其山川要塞。相去不過寸數。而間獨數百千里。險阻林叢。弗能盡著。視之若易。行之甚難。天下賴宗廟之靈。方內大寧。戴白之老。不見兵革。民得夫婦相守。父子相保。陛

下之德也。越人名爲藩臣。貢耐_三之奉。不輸大內。一卒之用。不給上事。自相
攻擊。而陛下發兵救之。是反以中國而勞蠻夷也。且越人愚戇。輕薄。負約
反覆。其不用天子之法度。非一日之積也。一不奉詔。舉兵誅之。臣恐後兵
革無時得息也。間者數年。歲比不登。民待賣爵。贅子以接衣食。賴陛下德
澤賑救之。得毋轉死溝壑。四年不登。五年復蝗。民生未復。今發兵行數千
里。資衣糧入越地。輿輻而險。領_六挖舟而入水。行數百千里。夾以深林叢竹。
水道上下擊石。林中多蝮蛇猛獸。夏月暑時。嘔泄霍亂之病。相隨屬也。曾
未施兵接刃。死傷者必衆矣。前時南海王反。陛下先臣_六使將軍閻忌將兵
擊之。以其軍降。處之上_八。後復反。會天暑多雨。樓船卒水居擊擢。未戰而
疾死者過半。親老涕泣。孤子號號。破家散業。迎尸千里之外。裹骸骨而歸。
悲哀之氣。數年不息。長老至今以爲記。會未入其地。而禍已至此矣。臣聞
軍旅之後。必有凶年。言民之各以其愁苦之氣。薄陰陽之和。感天地之精。
而災氣爲之生也。陛下德配天地。明象日月。恩至禽獸。澤及草木。一人有
飢寒。不終其天年而死者。爲之悽愴於心。今方內無狗吠之警。而使陛下
甲卒死亡。暴露中原。霑漬山谷。邊境之民。爲之早閉晏開。鼂不及夕。臣安
竊爲陛下重之。不習南方地形者。多以越爲人衆兵強。能難邊城。淮南全
國之時。多爲邊吏。臣竊聞之。與中國異。限以高山。人迹所絕。車道不通。天

地所以隔外內也。其入中國。必下領水。領水之山峭峻。漂石破舟。不可以大船載食糧下也。越人欲爲變。必先田。餘于界中。積食糧。迺入伐材治船。邊城守候誠謹。越人有入伐材者。輒收捕焚其積聚。雖百越。奈邊城何。且越人繇力薄材。不能陸戰。又無車騎弓弩之用。然而不可入者。以保地險。而中國之人。不能其水土也。臣聞越甲卒不下數十萬。所以入之。五倍乃足。輓車奉饗者。不在其中。南方暑溼。近夏瘴熱。暴露水居。蝮蛇蠱生。疾癘多作。兵未血刃。而病死者什二三。雖舉越國而虜之。不足以償所亡。臣聞道路言。閩越王弟甲弒而殺之。甲以誅死。其民未有所屬。陛下若欲來內處之中國。使重臣臨存。施德垂賞。以招致之。此必攜幼扶老。以歸聖德。若陛下無所用之。則繼其絕世。存其亡國。建其王侯。以爲畜越。此必委質爲藩臣。世共貢職。陛下以方寸之印。丈二之組。鎮撫方外。不勞一卒。不頓一戟。而威德並行。今以兵入其地。此必震恐。以有司爲欲屠滅之也。必雉兔逃。入山林險阻。背而去之。則復相羣聚。留而守之。歷歲經年。則士卒罷倦。食糧乏絕。男子不得耕稼樹種。婦人不得紡績織紆。丁壯從軍。老弱轉餉。居者無食。行者無糧。民苦兵事。亡逃者必衆。隨而誅之。不可勝盡。盜賊必起。臣聞長老言。秦之時。嘗使尉屠睢擊越。又使監祿鑿渠通道。越人逃入深山林叢。不可得攻。留軍屯守空地。曠日持久。士卒勞倦。越乃出擊之。秦

兵大破。迺發適戍以備之。當此之時。外內騷動。百姓靡敝。行者不還。往者莫反。皆不聊生。亡徙相從。羣爲盜賊。於是山東之難始興。此老子所謂師之所處。荆棘_二生之者也。兵者凶事。一方有急。四面皆從。臣恐變故之生。姦邪之作。由此始也。周易曰。高宗伐鬼方_二。三年而克之。鬼方小蠻夷。高宗殷之盛天子也。以盛天子伐小蠻夷。三年而後克。言用兵之不可不重也。臣聞天子之兵。有征而無戰。言莫敢校也。如使越人蒙死徼幸。以逆執事之顏行。廡輿之卒。有一不備而歸者。雖得越王之首。臣猶竊爲大漢羞之。陛下以四海爲境。九州爲家。八薊_三爲園。江漢爲池。生民之屬。皆爲臣妾。人徒之衆。足以奉千官之共。租稅之收。足以給乘輿之御。玩心神明。秉執聖道。負黼_三依馮_三。玉几。南面而聽斷。號令天下。四海之內。莫不嚮應。陛下垂德惠以覆露之。使元元之民。安生樂業。則澤被萬世。傳之子孫。施之無窮。天下之安。猶泰山而四維之也。夷狄之地。何足以爲一日之閒。而煩汗馬之勞乎。詩云。王猶允塞。徐方旣來。言王道甚大。而遠方懷之也。臣聞之。農夫勞而君子養焉。愚者言而智者擇焉。臣安幸得爲陛下守藩。以身爲障蔽。人臣之任也。邊境有警。愛身之死。而不畢其愚。非忠臣也。臣安竊恐將吏之以十萬之師。爲一使之任也。

【註音】(薊)同薊(與)讀聲(粟)平聲(薊)音星(耐)直久切(黼)音貢(險)同險(頓)同頓(掩)他何切

〔瓊〕方六切〔淦〕古暗切〔權〕同棹〔譚〕同暗〔龜〕同朝〔鑿〕同鑿〔瘴〕音單〔藎〕音郝〔頰〕讀鈍〔馮〕同憑
〔釋義〕(一)名安高帝少子長之子好書善爲文著有淮南子內書二十一卷後以謀叛自剄死(二)時閩
越擊東甌東甌告急武帝因嚴助所請欲伐閩越淮南王上書諫之閩越今福建地(三)安也(四)正月一日古
王者易姓必改正朔如夏建寅殷建丑周建子是也(五)言地不可居民不可牧也(六)封內封圻千里之內甸
服主治王田以供祭(七)封外千里之外侯候也爲王者斥候(八)侯服之外荒忽絕遠也(九)竹叢(三)言不可盡載
在侯衛之外而居九州之內要言文德要來之耳(一〇)此在九州之外荒忽絕遠也(一一)淮南厲王長也(一二)淮南王傳作簡
於地圖(一三)重釀之酒(一四)毒蛇(一五)名讖南海今廣東南海縣等地(一六)淮南厲王長也(一七)淮南王傳作簡
忌中尉將也(一八)淦水名在江西清江縣南三十里言置諸淦水之上(一九)卽贛水也(二〇)卽指三百里贛石(二
一)今江西餘干縣(二三)黃病(三三)毒也(三四)畜養越國也(三五)一郡之都尉(三六)姓屠名睢(三七)監郡御史名穆
(三八)荆灌木名棘如棗而多刺(三九)高宗名武丁鬼方西戎也(四〇)魯大野晉大陸秦揚旆宋孟諸楚雲夢吳越
之間具區齊海陽鄭圃田(四一)儀禮天子設斧依於闔戶之間依作辰綈素屏風也醜繡斧文也

董仲舒賢良策對一

制曰朕獲承至尊休德傳之亡窮而施之罔極任大而守重是以夙夜不
皇康寧永惟萬事之統猶懼有闕故廣延四方之豪雋郡國諸侯公選賢
良修絜博習之士欲聞大道之要至論之極今子大夫褒然爲舉首朕甚
嘉之子大夫其精心致思朕垂聽而問焉蓋聞五帝三王之道改制作樂
而天下洽和百王同之當虞氏之樂莫盛於韶於周莫盛於勺聖王已沒
鐘鼓筦弦之聲未衰而大道微缺陵夷至虐桀紂之行王道大壞矣夫五
百年之間守文之君當塗之士欲則先王之法以戴翼其世者甚衆然猶
不能反日呂卜滅至後王而後止豈其所持操或葑繆而失其統與固天

降命不可復反。必推之於大衰而後息與。烏虜。凡所爲屑屑。夙與夜寐。務法上古者。又將無補與。三代受命。其符安在。災異之變。何緣而起。性命之情。或夭或壽。或仁或鄙。習聞其號。未燭厥理。伊欲風流而令行。刑輕而姦改。百姓和樂。政事宣昭。何修何飭。而膏露降。百穀登。惠潤四海。澤臻中木。三光全。寒暑平。受天之祐。享鬼神之靈。惠澤洋溢。施虜方外。延及羣生。子大夫明先聖之業。習俗化之變。終始之序。講聞高誼之日久矣。其明且諭。朕科別其條。勿猥勿弁。取之於術。慎其所出。迺其不正不直。不忠不極。枉於執事。書之不泄。與於朕躬。毋悼後害。子大夫其盡心。靡有所隱。朕將親覽焉。

仲舒對曰。陛下發德音。下明詔。求天命與情性。皆非愚臣之所能及也。臣謹案春秋之中。視前世已行之事。臣觀天人相與之際。甚可畏也。國家將有失道之敗。而天迺先出災害。臣謹告之。不知自省。又出怪異。臣警懼之。尙不知變。而傷敗迺至。臣此見天心之仁愛人君。而欲止其亂也。自非大亡道之世者。天盡欲扶持而全安之。事在彊勉而已矣。彊勉學問。則聞見博而知益明。彊勉行道。生德日起。而大有功。此皆可使還至而立有效者也。詩曰。夙夜匪解。書云。茂哉茂哉。皆彊勉之謂也。道者。所繇適於治之路也。仁義禮樂。皆其具也。故聖王已沒。而子孫長久安寧數百歲。此皆禮樂

教化之功也。王者未作樂之時。迺用先王之樂。宜於世者。而曰深入教化於民。教化之情不得。雅頌之樂不成。故王者功成作樂。樂其德也。樂者所以變民風。化民俗也。其變民也易。其化人也著。故聲發於和。而本於情。接於肌膚。臧於骨髓。故王道雖微缺。而箛弦之聲未衰也。夫虞氏之不爲政久矣。然而樂頌遺風。猶有存者。是曰孔子在魯。而聞詔也。夫人君莫不欲安存而惡危亡。然而政亂國危者甚衆。所任者非其人。而所繇者非其道。是曰政曰曰。曰。曰。滅也。夫周道衰於幽厲。非道亡也。幽厲不繇也。至於宣王。思昔先王之德。興滯補弊。明文武之功業。周道粲然復興。詩人美之。而作上天祐之。爲生賢佐。後世稱誦。至今不絕。此夙夜不解。行善之所致也。孔子曰。人能弘道。非道弘人也。故治亂廢興在於己。非天降命。不可得反。其所操持。諄諄。失其統也。臣聞天之所大奉使之王者。必有非人力所能致。而自至者。此受命之符也。天下之人。同心歸之。若歸父母。故天瑞應誠。而至。書曰。白魚入於王舟。有火復於王屋。流爲烏。此蓋受命之符也。周公曰。復哉復哉。孔子曰。德不孤。必有鄰。皆積善彙德之效也。及至後世。淫佚衰微。不能統理羣生。諸侯背畔。殘賊良民。曰爭壤土。廢德教。而任刑罰。刑罰不中。則生邪氣。邪氣積於下。怨惡畜於上。上下不和。則陰陽繆盪。而妖孽生矣。此災異所緣而起也。臣聞命者。天之令也。性者。生之質也。情者。人之

欲也。或夭或壽。或仁或鄙。陶冶而成之。不能粹美。有治亂之所生。故不齊也。孔子曰。君子之德風也。小人之德草也。上之風必偃。故堯舜行德。則民仁壽。桀紂行暴。則民鄙夭。夫上之化下。下之從上。猶泥之在鈞。惟甄者之所爲。猶金之在鎔。惟冶者之所鑄。綏之斯休。動之斯和。此之謂也。臣謹案春秋之文。求王道之端。得之於正。正次王。王次春。春者。天之所爲也。正者。王之所爲也。其意曰。上承天之所爲。而下。王正其所爲。正王道之端云爾。然則王者欲有所爲。宜求其端於天。天道之大者在陰陽。陽爲德。陰爲刑。刑主殺而德主生。是故陽常居大夏。而呂生育養長爲事。陰常居大冬。而積於空虛不用之處。呂此見天之任德不任刑也。天使陽出布施於上。而主歲功。使陰入伏於下。而時出佐陽。陽不得陰之助。亦不能獨成歲終。陽曰成歲爲名。此天意也。王者承天意。呂從事。故任德教而不任刑。刑者不可任。呂治世。猶陰之不可任。呂成歲也。爲政而任刑。不順於天。故先王莫之肯爲也。今廢先王德教之官。而獨任執法之吏治民。毋適任刑之意。與孔子曰。不教而誅。謂之虐。虐政用於下。而欲德教之被四海。故難成也。臣謹案春秋謂一元之意。一者。萬物之所從始也。元者。辭之所謂大也。謂一爲元者。視大始而欲正本也。春秋深探其本。而反自貴者始。故爲人君者。正心。呂正朝廷。正朝廷。呂正百官。正百官。呂正萬民。正萬民。呂正四方。

四方正。遠近莫敢不壹於正。而亡有邪氣。奸其間者。是曰陰陽調。而風雨時。羣生和。而萬民殖。五穀熟。而中木茂。天地之間。被潤澤。而大豐美。四海之內。聞盛德。而皆徠臣。諸福之物。可致之祥。莫不畢至。而王道終矣。孔子曰。鳳鳥不至。河不出圖。吾已矣夫。自悲可致此物。而身卑賤。不得致也。今陛下貴爲天子。富有四海。居得致之位。操可致之勢。又有能致之資。行高而恩厚。知明而意美。愛民而好士。可謂誼主矣。然而天地未應。而美祥莫至者。何也。凡曰教化不立。而萬民不正也。夫萬民之從利也。如水之走下。不曰教化隄防之。不能止也。是故教化立。而姦邪皆止者。其隄防完也。教化廢。而姦邪並出。刑罰不能勝者。其隄防壞也。古之王者。明於此。是故南面而治天下。莫不曰教化爲大務。立太學。曰教於國。設庠序。曰化於邑。漸三民。曰仁。摩三民。曰誼。節民。曰禮。故其刑罰甚輕。而禁不犯者。教化行而習俗美也。聖王之繼亂世也。掃除其迹。而悉去之。復修教化。而崇起之。教化已明。習俗已成。子孫循之。行五六百歲。尙未敗也。至周之末世。大爲亡道。曰失天下。秦繼其後。獨不能改。又益甚之。重禁文學。不得挾書。棄捐禮誼。而惡聞之。其心欲盡滅先聖之道。而顛爲自恣苟簡之治。故立爲天子十四歲。而國破亡矣。自古曰來。未嘗有曰亂濟亂。大敗天下之民。如秦者也。其遺毒餘烈。至今未滅。使習俗薄惡。人民嚚頑。抵冒殊扞。熟爛如此之甚者。